

DÎROK

AMADEYÎ

3

2020/2021

AMADEKAR
Ev pirtûk ji aliyê Komîteya
Dîrokê ve hatiye amadekirin.

LÊVEGER
— Komîteya Şopandinê
— Komîteya Fotoşopê
— Komîteya Redekteyê

Ev pirtûk ji aliyê Saziya Minhacan
ve, wek pirtûka wanedayînê, ji bo
dibistanan hatiye pejirandin.



NAVEROK

BEŞA 1	7
KAPÎTALÎZM.....	8
RAPERÎNÊN GELAN (1).....	13
RAPERÎNÊN GELAN (2).....	16
ŞOREŞÊN RIZGARÊYANETEWÎ (1).....	20
ŞOREŞÊN RIZGARÊYANETEWÎ (2).....	23
BANDORA KAPÎTALÎZMÊ LI ROJHILATA NAVÎN Û KURDAN.....	27
BEŞA 2	31
REWŞAKURDISTANÊ DI SEDSALA 19'AN DE.....	32
SERHILDANA BABANAN (1806-1851).....	35
SERHILDANA SORANAN (1830-1837).....	38
SERHILDANA BEDIRXAN BEG (1842-1847)	42
DI SEDSALA 19'AN DE SERHILDANÊN GEL.....	46
SEDEM Û ENCAMÊN TÊKÇÛNA MÎRNİŞÎNAN	49
Lİ KURDISTANÊ TÊKÇÛNA MÎRAN Û BERXWEDANÊN BI RÊBERTIYA ŞÈXAN	53
SERHILDANA ŞÈX ÜBEYDULAHÊ NEHRÎ	56
ALAYÊN HEMÎDÎ Û DIBISTANÊN ÎLAN	59
BEŞA 3	63
ŞERÊ CÎHANÊ YÊ YEKEM	64
TÊKÇÛN Û HILWEŞÎNA OSMANIYAN ADI ŞERÊ CÎHANÊ YÊ YEKEM DE.....	68
PEYMANÊN KU LI DIJÎ KURDAN HATINE.....	70
ÇÊKIRIN (1)	70
PEYMANÊN KU LI DIJÎ KURDAN HATINE	73
ÇÊKIRIN (2)	73
REWŞAKURDAN APIŞTÎ SALA 1920'AN	76
ŞERÊ RIZGARÊYANETEWÎ Û AVAKIRINA KOMARÊ	79
BEŞA 4	83
RAPERÎNA KOÇGIRÎ.....	84
KOMELEYAAZADIYÊ.....	88
SERHILDANA ŞÈX SEÎD	91
SERHILDANÊN DIN ÊN DI DEMA KOMARÊ DE.....	96
SERHILDANA AGIRIYÊ.....	99

KOMKUJÎ Û SERHILDANADÊRSIMÊ.....	103
ŞERÊ CİHANÊ YÊ DUYEM.....	108
BEŞA 5.....	113
ROJHILATÊ KURDISTANÊ.....	114
KOMARA MEHABAD	118
BAŞÛRÊ KURDISTANÊ DI DEMA ÎNGILÎZAN DE.....	121
BAŞÛRÊ KURDISTANÊ DI NAVBERA	125
1945-1975'AN DE.....	125
DERKETINA NETEWPERESTIYA BAAS.....	130
BEŞA 6.....	135
ROJAVAYÊ KURDISTANÊ.....	136
ALÎKARÊYAKURDÊN ROJAVA YAJÎ BO	141
SERHILDANÊN KURDAN.....	141
TEVGERA AZADIYA GELÊ KURD.....	143
BELAVKIRINA WANNEYAN LI SER SALAXWENDINÊ.....	149

BEŞA 1

- * KAPÎTALÎZM
- * RAPERÎNÊN GELAN (1)
- * RAPERÎNÊN GELAN (2)
- * ŞOREŞÊN RIZGARÊYA NETEWÎ (1)
- * ŞOREŞÊN RIZGARÊYA NETEWÎ (2)
- * BANDORA KAPÎTALÎZMÊ LI ROJHILATA NAVÎN Û KURDAN

WANE 1

KAPITALİZM

Pênaseya kapitalîzmê:

Kapitalîzm, ne tenê pergaleke ku xwe dispêre desteserkirina berhemên zêde ye, ew bi xwe bingeha tevahiya pergalên desteserker û talankirinê ye, ango pêkhatinên desthilatdariyê ye. Geger mirov tenê wê bi pîsesazîtiyê, fêdeya herî zêde, hilberîna hemdem û bazarê bide nasîn, mirov dê were xapandin. Navê pergalekê ye, şêweyên herî pêşketî yên mêtinkarî û zordestiyê bi kar tîne. Pergaleke ku civak xistiye ‘rekeha hesinî’ û dîl kiriye. Bîrdozî û pratîka zorê ye ku gihaştiye şêweyên herî berfireh ên qirkirinê.

Rawestgeha herî dawî ya ku nûjentîya kapitalîst gihaştiye wê, mêtinkariyeke bêşînor e. Ji dervebûna civakê û jiyanekî ji derveyî mirovahiyê ya ji hovîtiyê wêdetir e. Pergala kapitalîst, rê li ber talana xwezayê vedike. Ji teoriyê wêdetir, diyardeyek e ku rojane bi awayekî pratîkî pêk tê. Ya herî rast ew e ku divê mirov kapitalîzmê weke nexweşîyeke civakî ya kujer nas bike, mîna; mezinbûna girêkeke civakî ya cureya penceşêrê binirxîne...

Sedemên Derketina Kapitalîzmê:

Civakê pêvajoya xwe ya dîrokî ya herî dirêj, bi komkirin û nêçîrvaniyê derbas kiriye. Piştre jî ji komkirinê derbasî çandiniyê û ji nêçîrvaniyê jî derbasî lawirvaniyê bûne. Bi van raboriyên herî mezin ên dîrokî, gund ava kirine û bajar damezirandine. Civaka mirov, çandbûn û civakîbûna xwe ya herî mezin, di vê demê de jiyaye. Ev jiyanâ girêdayî gundan hatiye bipêşxistin. Çalakiya bingehîn a aboriyê çandinî û lawirvanî ye.

Ya ku zagonên civaka xwezayî bi bin xistin, dewleta ku temenê wê 5000 sal e. Dewleta ku bi darê zore, dagirkirî û desthilatdariyê derketiye. Nirxê cewherî yê civakê jî, ji rê derxistiye. Ev pêkanîna li dijî civakê, di dîroka mirovahiyê de bûye jirêderketina herî mezin. Jêdera xerabiyên civakê, dewlet e. Di wateya giştî de mirov nikare weke kapitalîzmê, şîrove bike, lê bêyî dewletê, pêkhatina kapitalîzmê jî, ne gengaz e. Di vê wateyê de dewlet, carinan kapitalîzm bixwe ye û carinan jî paşperdeya wê ye.

Hegemonya kapitalizmê ji sedsala 16'an ve weke pergaleke cîhanî dest pê dike. Di dîroka mirovahiyê de şer, talankirin, komkujî, mîtingerî û xerabkirina xwezayê tu carî bi qasî çarsed salên dawî ne-hatine dîtin. Têkiliya vê yekê jî bi pergala hegemonîk re heye. Bêguman heman erdnîgarî dîsa bûye dîdevana têkoşînên mezin ên dijber. Sedemên derketina kapitalizimê ev in:

1. Rasyonalîzm:

Her kes dibêje ku kapitalizm di derketina xwe de, roleke sereke dide rasyonalizmê. Ev jî rîbaza hîzirîna desthilatdarê rojavayî ye ya ku dibêje: Rojava mejiyê xwe bi kar anî û Cîhan ava kir. Ev nêzîkatî li hemû civakên din, weke ku di herkîna dîrokê de mafê xwe ji mejî nestandibin, dinêre. Bêguman ev nêzîkatî ji rastiya civaka rojhilat a ku dergûşa mirovahiyê bû, dûr e.

Civaknas Max Weber (Maks Vêber), rêola protestantî ya xiristiyaniyê, weke rêola ku ji kapitalizmê re zemîna hişmendî amade kiribe û rî dabe kapitalizmê, bi nav dike. Ev şîrove jî para wê ji rastiyê gelek e, ji ber ku sincê protestantiyê sincê xiristiyaniyê yê herî qels e, lewra rî ji kapitalizmê re hêsan kiriye. Reformasyona protestantiyê bandoreke sereke li çarenûsa Serdema Nû ya Ewropayî kiriye. Protestantiyê derketina kapitalizmê hêsan kiriye û derbeyeke mezin li katolikiyê daye. Ji bo tevahiya gunehêن kapitalizmê, protestanî têra xwe berpirsiyar e, ji ber ku civak bê parastin hiştîye. Li ku derê protestanî mezin bûbe, li wê derê kapitalizm jî gelekî bi pêş ketiye. Bi awayekî bi rola Hespê Troyê ji bo kapitalizmê rabûye.

2. Ekonomîzm (aborînasî):

Di herkîna dîrokê de diyar dibe ku cureyekî nû yê aboriyê derketiye. Ev aborî jî bi demê re veguheriye desthiladariyê. Ev şêwe li gorî xwe bazarê berfireh dike û ji bajar êdî serdestiyê li gund dike. Kapitalizmê girêdana di nava civakan de bi ol û rîgezêن sincî xiste asta duyem û destê xwe danî ser maldarêya civakê. Bi awayekî veşartî serdestî û talankirin di bin qalikê îdeolojiyê de nixumand. Vê yekê bandor li bazarê kir û derfetên pêlîstina bi buhayê pêdiviyêن civakê pir bûn û li şûna selefê êdî bank, qoçan (sened), pereyêن kaxezî û kargehêن mezin bi pêş ketin. Êdî pergala talankirinê ya bi navê aborêya kapitalist, civakên cîhanê yên nû û yên kevin û xakêwan kirin mîtingeh û ji nû

ve kirin kole. Tevahî dewletên wê demê bi rêya deyndayînê bi xwe ve girê dan, şerên herî hov ên dîrokê meşandin, li ser civakê hegemoniya xwe sepandin û bi nirxên wê lîstin. Di pêşketina vê hişmendiyê de şêwazên nûjen derdikevin. Mîna: Fînansa Kapîtal (dema ku bi rêya pereyan pere têن qezenckirin). Di vê demê de keda mirov namîne; hin kaxez dikevin borsayê, hin kes bi milyaran qezenc dikin û hin kes jî bê pere dimînin.

3. Têkiliya Kapîtalîzmê bi Desthilatdarêya Ramiyarî û Dadweriyê re:

Şanişîna Îngilistanê zû bi zû têk neçûbû. Sedema vê yekê ew bû ku hêmanên kapîtalîstê hem deyn dabûn şanişînê, hem jî bi şanişînê re pişesaziya keştiyan a çûnûhatinê çêkiribûn. Li ser hêza bejahiyê zêde ranewestiyabûn û giraniya xwe bêhtir dabûn hêza deryayî. Vê yekê rêya biserketinê ji wan re vekir. Di vê pêvajoyê de du bûyerên gîring ên stratejîk rû dabûn:

1. Şanişîna Îngilistanê û eyaletên Hollandayê bi şêwazê kapîtalîst, giraniya xwe da modela dewletê ya ji nû ve xwe bi rêexistin û çalak dike. Dewletên bi vî rengî dîbin mînakên pêşî yên ku birêkûpêk bacê berhev dikin û budceyê bi awayekî hevseng parve dikin. Bi hêzên xwe yên deryayî yên serkeftî, hêzên deryayî yên Spanya û Fransayê têk dîbin. Serwerêya wan a li Okyanosa Atlesê û paşê jî li Deryaya Spî, çarenûsa şerên mêtîngeriyê diyar kir. Serber-jêrçûna Fransa û Spanyayê jî bi vî awayî dest pê dike. Guhartinê nû yên ku di desthilatdarêya Îngilistan û Hollandayê de çêbûne, çarenûsa aborêya kapîtalîst diyar kiriye. Ev yek jî ji ber tundiya ramiyarî ye ya ku li ser aboriyê pêk hatiye. Tiştên ku bajarêن Ïtalyayê nikarin tê de bi ser bikevin, bajarêن London û Amsterdamê tê de bi ser dikevin.
2. Awisturya, Fransa û Spanyayê dixwestin modeleke mîna ya Romayê ava bikin. Ev yek berovajî erkê ramiyarî yê Hollanda û Îngilistanê bû. Şanişîna Îngilistanê bi lez ji vê xwestekê xilas bûbû. Çavê wê ne tenê li Ewropayê bû, lê belê dixwest serweriyê li cîhanê tevî bike. Di çarçoveya biserketina pergala kapîtalîst de, rejîmên dewletên Spanya, Fransa û Awisturyayê ji bo bibin şanişînê nûjen (monarşî), gelek guhartin pêk anîn. Lê bi pêngava

monarşiyê re nakokî gelekî zêde bûn. Ji ber nakokiya di navbera bajar û gund de, tevahiya civakê serî hilda. Van serhildanan karîbû bi tena xwe bêhinê li van monarşîyan biçikîne. Ji ber ku Hollanda û Îngilistanê bi awayekî veşartî destek didan rikeberan, rê li ber gelek şoreşan vedikir.

4. Cihêñ Derketina Kapîtalîzmê:

Ev pergal li peravêñ bakur û rojavayê Ewropayê û li girava Îngilistanê bi ser ket. Kapîtalîzmê meşa xwe çarsed salan di asta pergala cîhanî de berdewam kiriye. Bajarêñ Îtalyayê nikarîbûn di vê pergalê de bi ser bikevin. Di dawiya sedsala 16'an de Amsterdam û London bi ser ketin û sedemên vê yekê jî ev in:

1. Ji ber dûrbûna Îngilistan û Holendayê, şaristaniyêñ kevnar zû bi zû negihaştin wan û dema ku gihaştin wan jî bi rewşeke xerab û bi derengî bû.
2. Her sê hêzêñ mezin ên Ewropayê (Spanya, Awisturya û Fransa) ji bo desthilatdarêya xwe li Ewropayê bikin, li dijî hev şer dikirin.
3. Bi qasî bajarêñ Îtalyayê bi çavê metirsîyê li wan nedihat nêrîn û bi hêzeke yekbûyî bi ser wan de naçin.
4. Ji belavbûna reformasyona li bakurê Ewropayê re pêşengî dikirin.
5. Ji ber ku li peravêñ Okyanosa Atlesê ne, di bazirganiya dûr û nêz de xwediyêñ derfeteke mezin in.
6. Tevahiya çanda daringî û rewanî ya bajarêñ Îtalyayê ji xwe re girtin.
7. Çanda daringî û rewanî ya feodalîzmê li wan deran qels û lawaz bû.
8. Ji ber ku negihiştine feodalîzmeke bihêz a ku karibe pêşî li kapîtalîstbûna çûnûhatin, cotkarî û pêsesaziyê bigire, li gelek herêman şaristanî cara pêşî bi rengekî kapîtalîstîk hatin bipêşx-istin.

Em dikarin hejmara van sedemên bandorker hîn zêdetir bikin, ji nêz ve têkiliya van sedeman bi rewşa erdinîgarî, ramiyarî û stratejî re heye. Kengî ev rewş bi mercêñ civakî re bibe yek biserketin jî misoger dibe.

PIRSÊN NIRXANDINÊ

- 1.** Kapîtalîzmê bi kurtasî veke.
- 2.** Çima rêola protestantî rola sereke di derketina kapîtalîzmê de lîstiyê?
- 3.** Bandora kapîtalîzmê ya li ser civakê, çi ye?
- 4.** Aborêya kapîtalîst çawa veguheriye şêweyekî desthiladar?
- 5.** Çima kapîtalîzm li bakur û rojavayê Ewropayê derket?

WANE 2

RAPERÎNÊN GELAN (1)

Şoreşa Îngilîstanê:

Ev şoreş, di sala 1648'an de li ser bingeha olî û bîrdozî pêk hatiye. Di civaka Îngilîstanê de hem li hemberî desthilatdarêya qraltî û hem jî li hemberî serdestiya dêrê, bertek zêde bûne. Gelê îngilîz ku di bin bandora her du serdestiyan de dijî, ji bo ku ji vê çewisandinê rizgar bibe, li riyeke derketinê digere. Bûrjûwaziya îngilîzan jî dixwaze serdestiya xwe pêk bîne. Bûrjûwaziyan bi vê armancê, xwestekên gel ên ji bo azadiyê, ji bo berjewendiyêن xwe bi kar anîne. Serhildana ku bi rîbertiya Cromwell (Kromwêl) pêş ketiye, di sala 1648'an de bi ketina qraltiyê re serkeftin bi dest xistiye. Dêra îngilîzan, ji dêra katolîk cuda bûye û dêra xwe ava kirine. Di vê demê de jî bûrjûwaziyê xwe bi sazî kiriye.

Şoreşa Amerîkayê:

Parzemîna Amerîkaya Bakurî, di bin mêtîngerêya dewletên Fransa û Îngilîstanê de bû. Îngilîstanê di salên 1756 û 1763'yan de li hemberî dewleta Fransayê, li Amerîkayê serkeftin bi dest xistiye. Lê belê di encama van şeran de ji aliyê aborî ve Îngilîstanê tengasiyêن mezin jiyaye. Ji bo ku van tengasiyêن mezin derbas bike, li ser gelên Amerîkayê bacêن giran pêk anîn. Ev gelên ku ji ber van bacan ketin pêxirtengiyê, kongreyekê çedikin. Ev kongreya bi navê Philedelphia (Fîledelfiya) di sala 1774'an de pêk hatiye. Di vê kongreyê de, biryara serhildanê derdikeve. Fransaya ku li hemberî Îngilîstanê têk çûye, biryarê dide ku wê piştgirêya serhildanê bike. Di sala 1783'yan de ev serhildan digihêje serkeftinê. Belavoka mafê mirovan a yekem jî di vê serdemâ serhildanê de hatiye nivîsîn.

Şoreşa Fransayê:

Fransa bi salan bi qraltî hatiye birêvebirin. Qraltî û dêr, derdorê serwer ên Fransayê ne. Gelê Fransayê ku bi salan di bin çewisandinê de jiyaye, li hemberî rizandin, şer û bacêن giran, hatibû rewşeke wisa ku nikaribe debara xwe bike.

Ji salên 1700'î û şûn de Fransaya ku ketiye lêgerîna pergal û bîrdoziyeye nû, li rêya azadiyê digerêya. Guherîn û lêgerînên zihni yên bi pêşengtiya Voltaire (Voltêr), Monteisqu (Montêskiyu) û bi teybeti ji

Jean Jeak Rousseau (Can Cak Roso) gelê Fransayê di bingeh de bandor kiriye.

Di vê serdemê de bûrjûwaziya Fransayê jî li rêya pêkanîna desthilatdarêya xwe digere. Lê belê weke di şoreşen din de jî astengiya li pêşıya vê desthilatdariyê jî, qraltî û dêr hebûn. Bûrjûwaziya ku berjewendiyên xwe di nava berjewendiyên civakê de vedişêre, xwestiye ku dirûşme û xeyalên civakî yên bi navê azadî, biratî, wekhevî bi kar bîne. Lê belê bûrjûwazî piştî şoreşê, digihêje armancê xwe.

Gel, li hemberî pergala serdest, rêexistinbûna xwe ava dike. Di 14'ê Tîrmeha 1789'an de li nêzî Parîsê bi ser zindana Bastîlê ya ku girtiyên ramyarî tê de ne, digirin û bi vî awayî şoreşa Fransayê dest pê dike. Serhildana ku di demeke kurt de gihaştibû milyonan, bi serkeftinê ve encamdar bûye û qral ji text anîne xwarê. Di encama vê şoreşê de parlemenâ Fransayê tê avakirin, qral daxistin û li şûna wê pergala komarê dest pê dike. Encama vê ya herî girîng, ragihandina hilweşîna pergala feodalîzmê ye.

PIRSÊN NIRXANDINÊ

- 1.** Şoreşa Îngilîstanê, di kîjan salê de û li ser kîjan bingehî pêk hatiye?
- 2.** Gelê îngilîz, di bin bandora kê de jiyane?
- 3.** Îngilîzan, çi kirin ku ji tengasiyan rizgar bûn?
- 4.** Xwesteka bûrjûwaziya ku berjewendiyên xwe di nava berjewendiyên civakê de vedîşêre, çi ye?
- 5.** Encama Şoreşa Fransayê ya herî girîng, çi bû?

WANE 3

RAPERÎNÊN GELAN (2)

Raperînê 1848'an:

Kapîtalîzma ku weke dirinde tê zanîn, di sedsala 19'an de bi lezeke bêşînor berbelav dibe. Di heman demê de di navbera çîna serdest a bûrjûwaziyê û derdorêñ din ên civakê de nakokî û ji hev qutbûnên kûr hene.

Ji Şoreşa Fransayê û pê de hema bêje Fransa dibe navenda têkoşînên civakî. Em dibînin ku bandorêñ raperîna li Fransayê rû daye, belavî hemû Ewropayê dibe. Raperîna Lyonê ya di sala 1830'î de bi daxwazên civakî yên bingehîn pêk tê. Lê bi şeweyekî pir bixwîn rû da û bûye yekemîn raperîna berfireh. Lê belê raperîn ji aliyê encamê ve belavî qadêñ pir berfireh bûye û di astekê de gihaştiye encamê, raperîn di sala 1848'an de pêk hatiye.

Bi daxwazêñ weke; ji bo mafê dengdanê, kêmkirina dema karkirinê ku bibe 10 saet û ji bo pergaleke demokratiktir, rêzeraperîn rû di-din. Ji van a yekem, di 24'ê Sibata 1848'an de li Parîsê pêş dikeve. Piştre, belavî tevahiya Ewropayê dibe. Ev raperîn, li bajarêñ diyar ên Ewropayê ku pîşesazî lê bi pêş ketiye, bi pêş dikevin. 13'yê Adarê li Viyanayê, 18'ê Adarê li Berlinê dijberî pêk tê, 10'ê Nîsanê li Îngilîstanê Çartîstan xwepêşandanêñ mezin pêk tînin. Di destpêka guilanê de jî teqîna raperînê gel li İtalyayê pêk tê. Li gel vê, gelêñ Ewropayê li rojhilat jî ji bo xwe rizgarkirina ji pergala serdest, rabûne ser piyan. Gelêñ bindest (Çek, Xirvat, Bûlgar, Sirp) ên ji gelêñ Slav, ku di bin desthilatdariyêñ weke; Polonya, Macarîstan, Rûsyâ û Awistûryayê de jî ji bo azadiya xwe di rewşa raperînê de bûn.

Ev raperînê ku li hemû navendêñ Ewropayê pêk têñ, encamêñ herî berbiçav li Fransayê digirin û bi van raperînan re:

- * Li Fransayê dengdayîna giştî tê pejirandin.
- * Dema kar, tê daxistina deh saetan.
- * Di dîroka Fransayê de serdema 2'yan a komarê, dest pê dike.

Komîna Parîsê (18'ê Adara 1871):

Lûwîs Bonapartê ku biraziyê Napolyon Bonapart e, ji bo ku bigihêje sînorêñ dema apê xwe, di 19'ê Tîrmeha 1870'yî de şer li hemberî Al-

manyayê dide destpêkirin. Ev şerê ku di 6'ê Tebaxê de dest pê kiriye, di 2'yê Îlonê de ji ber sedema binketina Fransayê bi dawî dibe. Fransa, bi binketina xwe ya şer re di dîroka xwe de sêyem dema komarê di sala 1871-1940'î de dibîne. Almanya, di şer de serkeftinê tenê bes nabîne û Fransayê dagir dike. Bi vê ve girêdayî, hikumet gel bi çek dike. Di çileya 1871'ê de Fransa xwe radestî Almanyayê dike.

Piştî radestbûna Fransa û ragihandina agirbestê jî parêzvanên netewî vê agirbestê nas nakin û Parîsê li hemberî almanan diparêzin. Ji ber vê yekê, hikumet ji bo şikandina vê berxwedanê, artêşa Fransayê rê dike ser wan. Lê ew leşkerên ku ji bo tepisandina berxwedanê çûne jî, tev li nava refêن berxwedêran dixin.

Birêveberêya Parîsê, dikeve destê berxwedêran. Hikumet, bi hemû saziyên dewletê ve neçar dimîne ku Parîsê berde. Piştî ku tevahiya bajar di 18'yê Adara sala 1871'ê de ket destê berxwedêran, karê destpêkê tê kirin, dibe çêkirina hilbijartineke ku tevahiya gel deng bi kar bînin. Di encama hilbijartina 21'ê Adarê de Konsîla Komunê ya ku hatiye destnîşankirin, ji karker heta rojnamevanan, reformvan heta komarvan û radîkalan, jakoben heta anarşîstan hemû derdorêن civakê nûnertiya xwe tê de dibînin.

Ji bo serokatiya konsîla komunê jî, Louis Aguste Blanqui (Liwiş Agust Blankwî) hatiye hilbijartin. Komîna ku 16'yê Adarê hatiye avakirin, 28'ê Adarê tê ragihandin. Di demeke kin de zagona bingehîn wiha tê amadekirin:

- * Rakirina darvekirinê
- * Rakirina leşkerêya neçarî
- * Rêvekirina ji bo jêbirina hemû deynan
- * Sererastkirina heqdestê erkdarên giştî
- * Derxistina dêrê ya ji yekdestiya dewletê û giştîkirina malên dêrê.

Gengeşekirina gel, der barê jiyana xwe biryar standin û pergaleke ku biryara standiye xwe bi xwe pêk bîne. Ev pergal jî ji aliyê hêzên serdest ve ji ber ku weke hilbijêreke hêzên hundir û derve li dijî komînê dixin yek, hêzên weke Almanya û Fransa yên pergala kapîtalîst, li dijî vê sazûmaniya ku li ser hîmê nirxên komînal bilind dibe, wê bi hev re tevbigerin û êrîşen dijber pêk bînin. Her du artêş, di 2'yê Nîsanê de wê li dijî komîna Parîsê dest bi êrîşan bikin. Berxwedêran,

bi derfetên xwe ve li dijî artêşên dewletê têkoşîn kirin. Di 28'ê Guilanê de bi bin dikevin. Parîs, dîsa dikeve destê dewletê, gelên ku tev li berxwedanê bûne, hemû di komkujiyê re têr derbaskirin, tê payîn ku 30 hezar mirov hatine kuştin.

Di encama serpêhatiyên komîna Parîsê de nêrînên sosyalîstan ên der barê rîbazên şoreşê têr guhartin. Nêrîna Marks a li ser dîktatorêya proleteryayê, piştî vê şewe digire.

Dema ku hêviyên pêlên şoreşa nû weke tê xwestin çênebûn, Marks vedigere Londrayê, kapîtalîzmê dixe ber lêkolînê. Ceribandina xebata wî ya navnetewî, xebateke civakî bû, komanîstên Alman (Marks û Engels) jî di nav de ku dewleta netew bingeh digire û bi şêweyekî vekirî binketina xwe pejirandibû. Di teorêya bi binxistina kapîtalîzmê de waneyên bi bernâme, rîexistin, stratejî û biplan dihatin diyarkirin. Her ku çû li hemberî civaka kapîtalîzmê deriyên nûjentiyê vedibe, pîsesazîtî û netewdewlet rewa tê dîtin û ji yekdestiya aboriyê par standin çêdibe. Sedema bingehîn a serneketina şoreşa sedsala 19'an şasîtiyên wan ên têgihaştina desthilatdarî û netewdewletê bûn. Di çareserêya pirsgirêkên civakî de weke tişteke sereke, hatina ser desthilatdariyê armanc digirtin, armanca wan a yekem a di bernameya wan de tenê bidestxistina desthilatiyê ye. Tevahiya şêwazên berxwedanê, girêdayî vê perspektifê kirin. Lê ya rastî, desthilatdarî bi xwe; bê azadî ye, newekhevî ye û li dijî demokrasiyê ye.

PIRSÊN NIRXANDINÊ

- 1.** Fransa kengî dibe navenda têkoşînên civakî?
- 2.** Raperîna Lyonê ya di sala 1830'î de çawa pêk hat?
- 3.** Raperîna yekem a di sala 1848'an de li ku bi pêş dikeve?
- 4.** Ji bo ku Louis bigihêje sînorêن dema apê xwe, çi kir?
- 5.** Çima şerê li hemberî Almanyayê, bi dawî dibe?

ŞOREŞÊN RIZGARÊYA NETEWÎ (1)

Şoreşa Çinê:

Li dijî nûjentiya kapîtalîst, her tim têkoşînên gel û netewan bi pêş ketine. Bi taybetî, di sedsala 20'an de li hemberî nûjentiya kapîtalîst, ji bo rizgarêya netewan têkoşînên mezin hatine bipêşxistin. Armanca van têkoşîn û berxwedanan; rizgarkirina xwe ji bin desthilatdarêya dewlet û hêzên mêtînger û dewletên serbixwe ava bikin. Ev şoreş, bi berxwedana gelên bindest û keda beşen karker ve hatine bipêşxistin. Ji wan cihêن ku di destpêkê de ji Şoreşa Cotmehê bi bandor bûye, Şoreşa Çinê ye. Piştî nîvê duyem ê sedsala 19'an û pê de pêşbaziya li ser bazara Çinê dijwartir dibe. Di van deman de kapîtalîzm li Çinê bi pêş dikeve. Li ser Çinê, ji berê ve Japonya, Îngilîstan û Fransayê di rewşa pêşbaziyekê de bûn. Bi vî aliyê xwe ve mirov dikare Çinê weke "mêtîngerêya hevbeş" bigire dest. Destpêkê di sala 1911'an de bi komîteya Sun Yat Sen li hemberî serdestên ji derve, piştre Partiya Komînist a di bin pêşengiya Maw de hem li hemberî dagirkirêya Japoniyayê û hem jî li hemberî xanedanên hundir têkoşînên gel têr birêvebirin û digihînin encamê. Bi vî awayî, şoreşa Çinê pêk tê. Di serî de ji taqîkirina Rûsyâ û Çinê bigire heta taqîkirinên sosyalîzma pêkhatî, di rastiyê de bi aşkerekirina xwîna nû ya nûjentiya kapîtalîst, dereng nema. Armanca yekem a tevgerên rizgarêya netewî, ew bû ku di demeke zû de xwe bigihînin lütkeya serkeftina nûjentiyê û bi vî awayî, jiyana xwe ya bi coş pêk bînin.

Şoreşa Çinê, weke pêkhênerê herî baş a pîşesazîtî û netewdewletê ye. Ji bo ku bi birêveberêya nûjentiyê re were zêdekirin, mînaka herî baş a vê yekê ye. Bi pêkanîna şewaza nûjentiyê ve dihizire ku di sedsala 19'an de şoreşê pêk bîne. Nûjentiya Çinê, serkeftina rojhilatnasiyê ye.

Tevî ku berjewendiyê radestbûna vekirî, yan jî girtî dizane, xwe radestî nûjentiyê dike. Weke mînak: A ku vê rastiyê pênase bike, bi qasî Çinê hevrikî bi dest nakeve. Bi taybetî, ne bi saya dahûrandina dewlet û desthilatdariyê ramana ku li ser navê derdorêne kole, kedkar, çin û gelên din tevger dikir, bû sedem ku bi qasî tê xwestin negihêje tevna xwe ya bîrdozî û ramyarî. Bi têkoşîneke teng, aborêya desthi-

latdarêya şêwaza komplotiya dewlet û feraseta dewletê xerab kirin û ji nû ve ava kirin, ji kapitalîzmê re bi qasî liberalîzmê xizmet kir. Rastiya Çîn û Rûsan, vê taybetiyê bi awayekî baş ronî dike.

Şoreşa Cezayîrê:

Cezayîr 1954-1962 mêtîngeheke Fransayê bû. Şerê serxwebûna Cezayîrê ya li hemberî dagirkerêya Fransayê, di bin pêşengiya Eniya Rizgarêya Netewî de pêş ket. Ev têkoşîna ku li hemberî Fransayê bi pêş ket, Eban Remezanê ku bi komployekê hate kuştin, pêşengiya wê dikir. Di şerê heş salan de ku di wê demê de şêniya Cezayîrê 9 milyon bû, di şeran de bi qasî 1,5 milyon kesî jiyana xwe ji dest didin. Gelê Cezayîrê di 1 ê Tîrmeha 1962 yan de bi referandûmêkê, bi yekîtiya dengan ve biryara serxwebûna xwe digirin. Ehmed Bin Bela, dibe yekem serokomarê serbixwe yê Cezayîrê. Îdî Fransa nikarîbû mêtîngerêya xwe ya li Cezayîrê bidomîne û neçar dimîne ku vê rewşê bipejirîne.

PIRSÊN NIRXANDINÊ

- 1.** Armanca têkoşîn û berxwedanên gelan, ci bû?
- 2.** Şoreşa Çinê, çawa hat bipêşxistin?
- 3.** Kapîtalîzm, kengî li Çinê pêş dikeve?
- 4.** Bi ci awayî, Şoreşa Çinê pêk tê?
- 5.** Bi kurtasî, Şoreşa Cezayîrê veke.

WANE 5

ŞOREŞÊN RIZGARÊYA NETEWÎ (2)

Şoreşa Vietnamê:

Vietnam, ji sala 1858'an ve dikeve bin dagirkerêya Fransayê. Di dema Şerê Cîhanê yê Duyem de Hîtler di sala 1940'î de dikeve Fransayê. Di heman demê de Japonya jî, dikeve Vietnamê û vê bi Fransayê jî dide pejirandin. Vietnamî, di vê demê de destpêkê li hemberî japonan dikevin nava berxwedanê. Berxwedana ku di sala 1940'î de dest pê kiriye, di sala 1945'an de bi serkeftina Vietnamê ve bi dawî dibe. Di 2'yê İlona 1945'an de ji aliyê Ho Şî Mîn ve Komara Demokratik a Vietnamê tê ragihandin.

Piştî rizgarbûna ji dagirkerêya japonan, di dorê de dagirkerêya fransizan tê. Şerê ku di Kanûna 1946'an de dest pê kiriye, Giyap, bi jîrêya xwe ya di şer de ya ku di şerê Gulana 1954'an de bi êrîşa Diyan Biyan Fo nîşan dide, şer bi dawî dibe. Di encama nîşandana serkeftina gel, di konferansa Cinêvê ya 1954'an de biryar tê girtin ku Vietnam weke bakur û başûr bibe du parce. Li başûr, Komara Vietnamê tê damezirandin. Giyap, di sala 1960'î de bi armanca alîkarîdayîna Eniya Rizgarêya Netewî ya Vietnam'a Başûr, bi armanca ji nû ve rêxistinkirinê, yekîneyên artêşa gel a Vietnamê dışîne başûr. Hêzên DYE'yê bi 500 hezar leşker li Vietnamê diman û hemû cureyên teknîkê di destê wan de hebûn. Li hemberî vê hêzê, hêzên Vietnamê di bin fermandarêya Giyap de di dawiya şerekî demdirêj û zehmet de mafê xwe yê azadî û serkeftinê bi dest dixin. Vietnam, di sala 1976'an de bi giştî ji destê mêtîngeran tê rizgarkirin û dibe komareke yekgirtî.

Şoreşa Hindistanê:

Ji ber xaknîgarêya xwe ya stratejîk, bûye wenatekî wisa ku mêtînger li ser wê şerê parvekirinê bikin. Herî dawî ketiye bin mêtîngerêya Îngilîstanê. Li hemberî Îngilîstana kapîtalîst, aboriya berê hilwesiyyaye, pişekar tune bûne û civak bi tevahî di gundan de mabû. Ji aliyê kastan ve bingeha pergala aboriyê tê valakirin û berhemên erzan bi ramanen lîberal û azadîxwaz ên îngilîzan ve di nava hindîyan de tê belavkirin. Bi vî awayî, pergala kastê derbe xwariye.

Piştî ku Îngilîstanê zimanê fermî kir îngilîzî, ji aliyê raman ve bingeha guhartinê tê amadekirin. Di encama vê tenezariyê de gel bênavber

serî hildide. Lê ji aliyê îngilîzan ve bi xwînê dihatin çewisandin. Li gorî şiroveyên Marks, Hindistan û gelê Hindistanê; tenê dikare di encama şoreşke karkeran a li bajarêن mezin, yan jî encama şerekî de wê karibe li hemberî mêtîngeran bigihêje rizgarêya xwe. Bi pêşengiya Gandî, şerê serxwebûnê tenê di nava çîna navîn de û bi hêza çîna gundiyan ve dibe ku pêk were. Serkeftina şoreşê, tenê bacêن xwê yên bêdad ên îngilîzan û bi boykotkirina berhemên tekstîlê yên îngilîzan ve wê were pêkanîn. Ger tevgera Gandî ya ku li ser bingeha bêyî zorî yekîtî çêkirin nebûna, têkoşîna serxwebûnê tenê pir bixwîn rijandinê dikare çêbe. Dema ku Îngilîzan nas kir ku nikarin pêşîya bûyerên 1947'an bigirin, biryara ji welat vejetîne girtin... Di Hezîra-na 1948'an de Hindistan digihêje serxwebûna xwe.

Şoreşa Kûbayê:

Ev şoreş, navê serhildana tevgera 26'ê Tîrmehê ya şoreşgerê Kûbayî Fîdêl Castro ya li dijî diktatorê Kûbayê Fulgensiyo Batista, tê naskirin. Serhildan, di navbera salêن 1953 û 1959'an de çêbûye.

Di 26'ê Tîrmeha 1953'yan de komên di pêşengiya Fîdêl Castro de avêtin ser polîsxaneyî Moncada ya li Santiyagoyê. Serdegirtin bi ser neket. Gelek kesên ku tevlî serdegirtinê bûne jiyana xwe ji dest dan, ên sax jî bi Castro re hatin girtin. Di sala 1955'an de Fîdêl Castro bi şêweyekî müşextî derbasî Meksîkayê dibe. Şoreşgerên di bin fermandarêya Castro, di 25'ê Mijdara 1956'an de bi keştiyeke biçük a bi navê "Granma" ku tê de cil, xwarin, çek, amûr û hin pêwîstiyêن leşkerî yên pir kêm bi hêviya pêkanîna şoreşê, ji Meksîkayê bi rê ket û berê xwe da Kûbayê. Piştî rêuwiyeke 7 rojan, 82 şervan çawa ku gava xwe avêtin Kûbayê, rastî êrîşekê hatin. Pir ji wan hatin kuştin. Ên mane jî xwe gihadin hev û gihaştin Sîera Maestrayê. Sîera Maestra, bû biryargeha bingehîn a mezinbûna artêşa partîzan. Şervanêن Kûbayî, di 14'ê Çileya 1957'an de cara yekem êrîşekê serkeftî li ser garnîzona leşkerî ya li ber Çemê Rio De La Plata li dar xistin. Ji vê û pê de artêşa partîzan her ku çû mezin bû. Di bin fermandarêya Kamilo Siyênfugos, Rawul Castro û Çî Gîvara de yekîneyêن nû hatin sazkirin û şerê partîzanan li herêmên nû belav bû.

Bahoza şoreşê li hemû welat digerêya. Hêz û enerjiya hikûmeta Batîsta jî her ku diçû diqedîya. Hikûmetê li Siyera Mestrayê dest bi

êrîşa dawî kir. Lê belê ev êrîş jî bi ser neket û bû êrîşa dawî. Îdî gel, li cem şoreşê bû. Di vê navberê de artêşa di bin fermandarêya Çe Gîvara û Kamilo de ber bi bakurê giravê ango ber bi Havanayê ve bi pêş ket. Batîsta, şansê xwe yê dawiyê lîst û ragihand ku bila hilbijartinê serokomariyê werin kirin û ew ê tevlî hilbijartinan nebin. Lê belê gel hilbijartin boykot kir û ev pêşniyar nepejirandin... Şer ji du eniyan ve berdewam dikir. Yekîneyên girêdayî Fîdêl li Orîentê, yekîneyên girêdayî Çe jî ber bi herêma Las Vêgasê ve diçûn, rêuên çûn û hatinê dihatin girtin, hêzên batîstiyan her ku diçûn tengezar dibûn.

Di 1’ê Çileya 1959’an de li Siyera Mestrayê Fîdêl, bi dirûşmeya “hemû desthilatdarî û destûr a miletê serhildêr e” gelê Kûbayê vexwend greva giştî. Di heman rojê de Batîsta reviya Amerîkayê. Ji ber vê yekê, artêşa partîzan a girêdayî Fîdêl, ji greva giştî sûd wergirt û bêyî ku rastî derbeyeke tenê jî werin, ket Havanayê. Bi vî awayî, diktatorêya bixwîn a Batîsta ku di sala 1952’yan de ji aliyê Amerîkayê ve hatibû ser desthilatdariyê, bi dawî bû. Serkeftin bû ya gelê Kûbayê.

PIRSÊN NIRXANDINÊ

- 1.** Komara Demokratîk a Vietnamê ji aliyê kê ve û di kîjan salê de tê ragihandin?
- 2.** Di encama ci de biryar tê standin ku Vietnam bibe du parce?
- 3.** Kengî Vietnam dibe komareke yekgirtî?
- 4.** Soreşa Hindistanê, bi kurtasî veke.
- 5.** Bi ci awayî, dîktatorêya bixwîn a Batîstayê ji aliyê Amerîkayê ve hatibûserdesthilatdariyê?

WANE 6

BANDORA KAPÎTALÎZMÊ LI ROJHILATA NAVÎN Û KURDAN

Dema ku ingilîz hatin Rojhilata Navîn sê navendên xwe di rêya kompaniya Hindî ya Rojhilat re li Izmir, Besra û Mûsilê çekirin. Şaneşîna Ingilîstanê serbazên leşkerî dişandin van navandan da ku agahiyen di derheqê herêmên girêdayî van navandan de kom bikin. Mînak; hejmara herêma Colemergê ci qas e; çend xitiyar in û çend ciwan in herwiha çend hesp, çelek, bizin... wan hene da ku aboriya wan nas bikin. Li vê herêmê çend êl hene, rêola wan ci ye, ji kîjan nijadî ne, di nava wan de ci pirsgirêk hene, ci çek li gel wan hene, kesên ku dikarin çekan hilgirin çend in, rûyên ku diçin ber bi van herêman de hene an jî na, ji van êlan dikarin bi kîjanan re têkiliyan bi pêş bixin? Bi vî awayî raporê gelekî berfireh dinîvisandin û dişandin navenda parêzgerên mêtîngehan a li Îngilîstanê. Li vê navendê ramîyarêya ku wê li mêtîngehanbihata meşandin dihat plankirin. Ji ber vê yekê çaxa kapîtalîst ji bo gelê kurd bûye çaxeke jixwedûrkîtinê. Pirsgirêka kurd a bi civakên çîndar ên berê derketî û nîşandayîna pêşketinê, di serdema kapîtalîzmê de êdî bûye reşegirêkek. Bi qasî guftûgoyê weke "heyîna kurdan heye, an na" bikin, hatine mandelkirin (înkarkirin), ji mafêñ herî mirovî-gerdûnî heta pîvanê demokratîk, hemû azadî û mafêñ jiyanî yên kurdan hatine desteserkirin. Sedema kûrbûna pirsgirêka kurdî, bi ketina kapîtalîzmê ya Rojhilata Navîn ve girêdayî ye. Di sedsala 19'an de, bandorê kapîtalîzma ku bilind dibe, li Rojhilata Navîn xwe dane der. Gelên di bin desthilatiya Imperatorêya Osmanî de, bi bandora aliyênetewperest, ketine şerîn serxwebûnê. Van bûyeran di sala 1830'î de li Yûnanistanê dest pê kir û bi rêzê li Sirbistan, Romanya, Bulgaristan û Albanyayê berdewam kir. Bi vî awayî, ev gel gihiştin serxwebûna xwe.

Di vê navberê de, dewleta Osmanî bi hin lîstikên hevsengiyê yên weke kapîtalîzmê bipejirîne û biçe reforman, an jî li ber xwe bide û li hemberî wê helwesteke tund nîşan bide, xwestiye hebûna xwe berdewam bike.

Dema ku li aliyekî dixwestin Imperatorêya Osmanî li ser lingan bigirin, li aliyekî din, di serî de Îngilîstan û dewletên emperialist, bi

polîtîkayêن xwedîderketina li xirîstiyanan li Rojhilata Navîn, tev gerêyane. Kurd tecrîd kirin û bi vî awayî weke hêzeke dijber ji bo ku Imperatorêya Osmanî bi emperyalîzmê ve were girêdan, bi kar anîne. Avabûna Imperatorêya Osmanî her ku diçe navendî dibe û tecrîda ku li ser kurdan dihat meşandin, rê li ber du encaman vekir: Yek jê serhildanêن sedsala 19'an û ya din jî zemîneke baş ji bo ramyariya "belav bike û bi rê ve bibe» ya Îngilistanê, çêkir. Netewperestiya ku li Rojhilata Navîn bi pêş ketiye, dibe sedema jihevcudabûn û dijberberêya gelan. Di cewher de bi pêşketin û girêdana kapîtalîzmê ya li Rojhilata Navîn, bi pêş ketiye. Hebûna kurd tenê jî, tê wateya hilgirtina metirsiyeke pir mezin. Serdema kapîtalîzmê, ji bo kurdan tê wateya stemkarî û zordariyê di tevahiya pergala şaristaniyê de. Her wiha kapîtalîzm berdewamkirin û bilindkirina wan e. Pirsgirêka kurdî, êdî bûye girêkeke kor. Serhildan weke pejirandina jiyanike herî birûmet, ragihandin. Kurd, an dê dev ji hemû mafên gerdûnî, mirovî û pîvanêن demokratîk berdin, an jî ji bo qezenckirina wan dê berxwedaneke bêhempa bimeşînin.

PIRSÊN NIRXANDINÊ

- 1.** Ramiyarêya ingilîzan li ser Kurdistanê bi çi awayî derbas dibû?
- 2.** Naveroka raporêni di derbarê civaka Kurdistanê de çi bûn?
- 3.** Serdema kapitalîzmê, ji bo gelê kurd serdemeke çawa bû?
- 4.** Dewleta Osmanî, dixwest bi çi awayî hebûna xwe berdewam bike?

BEŞA 2

- * REWŞA KURDISTANÊ DI SEDSALA 19'AN DE
- * SERHILDANA BABANAN (1806- 1851)
- * SERHILDANA SORANAN (1830-1837)
- * SERHILDANA BEDIRXAN BEG (1842-1847)
- * SERHILDANÊN GEL DI SEDSALA 19'AN DE
- * SEDEM Û ENCAMÊN TÊKÇÛNA MÎRNİŞÎNAN
- * TÊKÇÛNA MÎRAN Û BERXWEDANÊN BI RÊBERTIYA
ŞÊXAN LI KURDISTANÊ
- * SERHILDANA ŞÊX ÜBEYDULAHÊ NEHRÎ
- * ALAYÊN HEMÎDÎ Û DIBISTANÊN ÎLAN

WANE 1

REWŞA KURDISTANÊ DI SEDSALA 19'AN DE

Bi şoreşa Fransayê re (1789) cîhana me dikeve rewşeye nû û ji berê cudatir. Têgehên netewperestî, azadî, demokrasî û mafê mirovan zê-detir tên bikaranîn û bandorê li jiyana civakan dike.

Ji despêka sedsala 19'an û pê de têgehên ku hatin diyarkirin, bi rêya mîsyonerên Ewrûpayî, derbasî nava xakêñ di bin dagirkirêya Osmaniyan de jî dibin. Civakêñ li herêma Balkan û Erebistanê, yên Bakurê Efrîka û xiristyanêñ Ermen û asûr, zûtir ji vê rewşa nû bandor dibin. Lê, kêm jî be gelê kurd jî para xwe ji pêşketinêñ nû digre.

Li dijî deshelatdarêya Osmaniyan, serhildanêñ ji bo azadiyê yên li van herêman çêdibûn û xakêñ ji destê Osmaniyan derdiketin, Osmanî neçarî girtina hinek biryarêñ nû bûn.

Di piraniya şerêñ di vê sedsalê de pêk hatin, bi taybet şerêñ li hember Rûsyâ bi têkçûna hêzên Osmaniyan bi encam dibûn. Bi vê re bandor û hûkmraniya Osmaniyan a li ser herêma kurdan jî lewaz dibû. Êdî kurdan weke berê, di leşkerdayîn û bacdayînê de xwe neçar nedidîtin. Mîrên kurdan zêdetir derfetêñ xwe bi rêexistinkirinê bi dest dix-istin.

Dewleta Osmanî ji tirsa ku wê tevahî xakêñ dagir kirin ji destê wan derkeve, sala 1810'an biryara navendîbûnê girtibû. Di herêma Kurdistanê de, bi bandora sazûmaniya birêveberiyê ya Fransayê, dix-westin Kurdistanê belavî eyaletan bikin û li van eyaletan jî, nûnerêñ xwe bi cih bikin.

Li aliyeñi xwesteka navendîbûna mîrên kurdan ku ew demeke dirêj bû weke nîvserbixwe dijiyan, li aliye din biryara Osmaniyan ya di welatê kurdan de careke din bûyîna deshilatdar, dibû sedemêñ êrisû serhildanan.

Serhildanêñ mîran yên di sedsala 19'an de çêbûn, ne bi hestêñ welat-parêziyê ne, lê bi armanca parastina deshilatdariyêñ xwe yên li ser herêmêñ xwe pêk hatine.

Sedem û armancêñ serhildanêñ kurdan:

1. Xwesteka Imperatorêya Osmanî, ew bû ku bi awayekî navendî desthilatdariya xwe ya li ser Kurdistanê misoger bike.
2. Di dema Yawûz Selîm de begîtiyêñ kurdan û gelê kurd bi pey-

manekê gihaştibûn mafên xwe yên birêveberêya xweser. Lê piştî ku Imperatorêya Osmaniyan gelek xakên di bin destên xwe de winda dike, dixweaze Kurdistanê bi navenda dewleta xwe ve girê bide. Bi taybetî, di sala 1800'î de ev ramyarî bi awayekî lezgînî derdikeve pêş.

3. Biryarêñ navendî yên weke; bac û girtina leşkeran di nava civaka kurd de yek ji sedemên nerazîbûnê bû.
4. Gelê kurd nedixwest ku xweserî ji destê wan biçe. Li hemberî ramyariyêñ giran ên çewisandin û destêwerdana Osmaniyan li hemû derfet û jiyana gel de, gelê kurd helwesteke hevgirtî nîşan dide.
5. Xweparastin û rêexistinkirina kurdan, di asta herêmî de bû. Ji armanca azadiyê wêdetir, ev serhildan bi armanca berjewendiyêñ herêmî û begitiyê re sînordar mabûn.

Ji ber vê yekê, li Kurdistanê serhildan dest pê dikin. Di sedsala 19'an de, serhildana yekem li dijî desthilatdarêya Osmaniyan di Kurdistanê de, li herêma Silêmaniye, ji aliyê Evdirehman Paşayê Baban ve hatiye lidarxistin.

PIRSÊN NIRXANDINÊ

- 1.** Di destpêka sedsala 19'an de çi guhartin li Cîhanê çê dibin?
- 2.** Li gorî rewşa kurdan pêwîstî bi çi dihat?
- 3.** Sedemên serhildanê ji bo gelê kurd çi bû?

WANE 2

SERHILDANA BABANAN (1806- 1851)

Êla Babanan ji sala 1500'î û heta pêvajoya ku ji hêla Osamaniyan ve têkbirin, di dîroka Kurdistanê de xwediyyê roleke gelekî girîng e. Mîrên Babanan di dîroka Kurdistanê de risteke girîng lîstine. Êla Babanan nêzîkî sêsed salan girêdana xwe ya bi Osmaniyan re parastine. Babanan car caran li gorî rewşa ramiyarî di hinek cihan de bi ïraniyan re jî tekiliyên xwe bi pêş xistinbûn.

Di destpêka sedsala 19'an de ji Başûrê Kurdistanê beşeke mezin di bin serwerêya Mîrnişîna Baban de bû. Paytexta wan bajarê Silêmaniye bû. Mîrnişîna Babanan bingeha hêza xwe ya leşkerî ji êla Caf û Hemawandan digirtin. Her du êl bi sed hezaran nifûs û bi deh hezaran jî şervanên wan hebûn.

Mîrîtiya Babanan xwe weke dewletekê bi rêexistin kiribû û bi qasî dewletekê gelek sazî ava kiribûn. Di vî aliyî de şêweyê sazîbûyîna Îranê û ya Osmaniyan ji xwe re mînak girtinbû.

Sedemên Serhildanê:

Di serê sedsala 19'an de rewaşa ku Imperatoriya Osmaniyan di nav de bû, pêwîst dikir ku mîr û began bigrine bin venêrîna xwe. Ji ber her ku diçû Osmanî ber bi qelsbûn û lewaziyê ve diçû û diket nav hizrandinekê de. Ji hêza began ditirsiya û ew weke xeteriyekê li ser imperatoriye didîtin. Ji ber vê jî bi ramiyariyeke nû xwestin hêza wan tûne bikin û sîstemekê navendî li ser mîr û begîtiyan ferz bikin ku nikaribin bilebitin. Gava yekem a vê politikayê jî li hemberî mîrnişîna Babanan hate avêtin.

Dewleta Osmanî ji bo ku vê mîrnişînê ji hêzê bixe û xebatê xwe yên navendîkirina dewletê pêk bîne, hin mercan datîne pêşıya mîrnişîna Babanê:

1. Xwestina hejmareke mezin ji leşkeran.
2. Girankirina bacê.
3. Ebdulrehman Paşa ji mîrîtiyê bixin û li şûna wî, Xalid Paşa pis-mamê wî erkdar bikin.

Ebdulrehman Paşa wek pêşengê êlê dihat dîtin û bersivdayîn dikete ser milê wî. Ebdulrehman Paşa ji bo vê yekê di sala 1806'an de li dijberî kiryarêni Osmaniyan serî hilda.

Despêkirina Serhildanê:

Ebdulrehman Paşa him alîkariya hin êlên herêmê, hem jî alîkariya dewleta Îranê distîne. Serhildan bi hêz dibe û hewldanên têkbirina serhildanê vala derdixe. Osmanî dizanîn ku rasterast êrîşbirina bi ser serhildêran de, dê tu encamê bi dest nexin, ji bo vê yekê nakokiyân di navbera êlan de derdixin. Li gorî vê di şerê li herêma Kifriyê de hin êlên kurd derbasî aliyê Osmaniyan dibin. Dema ku Ebdulrehman Paşa piştgiriya êlan winda dike, şer jî bi têkçûnê bi encam dibe.

Piştî têkçûna serhildana Ebdulrehman Paşa, Mîrnişîna Baban ji holê ranebû. Mîrê herêma Soranê Mihemedê Rewendozî, lewaziya Babanan ji xwe re weke derfetekê dibîne û di sala 1827'an de êrîşî mîrnişîna Babanê dike.

Serhildana Ehmed Paşa:

Di sala 1837'an de Ehmed Paşa dibe mîrê Babanê. Ji xwe re derfetê dibîne ku careke din êla xwe rake ser lingan, lê parêzerê Bexdayê Necîb Paşa vê derfetê nade Ehmed Paşa û di şerê sala 1847'an de yê ku di navbera wan de rû dide, ji ber xiyaneta birayê wî Ebdullah Paşa, têk diçe. Piştre Necîb Paşa Ebdullah Paşa yê ku xiyanet li birayê xwe kir weke parêzerê herêma Silêmaniyê bi nav dike, lê di sala 1851'ê de lê dizivire û wî ji parêzeriyê dixe û bi vî awayî serhildana Babanan têk diçe.

PIRSÊN NIRXANDINÊ

- 1.** Mîrîtiya Baban, li ku û ji aliyê kê ve hatiye damezirandin?
- 2.** Osmanî ji bo ku mîrîtiya Baban bêbandor bikin, çi kirine?
- 3.** Çima Osmaniyan nakokiyên di navbera eşîran de bi kar dianîn?
- 4.** Serhildana Ehmed Paşa çawa têk diçe?

WANE 3

SERHILDANA SORANAN (1830-1837)

Mîr Mihemedê Rewandûzî:

Mîrîtiya Soran a ku paytexta wê Rewandûz bû, di pêvajoya Mîr Mihemed de dema xwe ya herî bihêz dijî û ji Behdînan heta Silêmani-yê herêmeke berfireh digire nava sînorên xwe. Di vê demê de Mîr Mihemedê Rewandûzî ku endamê eşîra Rewandî ya ku li herêmê xwedîbandor bû, di sala 1814'an de dibe mîrê Soran.

Mîr Mihemed, di hin belgeyan de weke Mîrê Kor jî tê naskirin. Di perwerdeyeke pir xurt a dibistanê re derbas dibe û bi melayên bibandor re di nava peywendiyan de ye. Mîr Mihemed dema ku dibe mîr, yekîneyên xwe yên leşkerî digihîne asta artêseke hemdem a ku ji 30 hezar kesî pêk hatiye. Kargehêن ku pêdiviyên şer hildiberînin, didin avakirin. Ji bo bikaranîna çekêن giran, xwendekaran dişîne Ewrûpayê. Rêxistineke sîxuriyê ya bibandor saz dike û pereyan derdixe.

Eşîr û komên mirovên bêeşîr, ên di nava sînorên mîrîtiyê de bi rîbazên Osmaniyan ve dikişîne nava mîrîtiya xwe. Bi rîbazên tund pêkanîna ewlekariyê bingeh digire. Di nava sînorên mîrîtiya xwe de dibe serwer, ku kesek nikaribe li hemberî wî derkeve.

Ji bo ku mîrîti û eşîrên cîran jî desthilatdariya wî bi pejirînin, dikeve nava liv û tevgerê. Ramyariya ku ji Osmanî û Îraniyan fêr bûye, di vê qadê de pêk tîne. Bi alîkariya Osmaniyan dema ku bandora Babanan di sala 1827'an de dişikîne, wan bi xwe ve girê dide, li Kurdistanê digihêje asta mîrîtiya herî mezin.

Di vê pêvajoyê de birêveberiya Osmaniyan têkçûneke lezgîn dijî. Di şerê rûsan de yê bi salan dewam kiriye têk çûye. Sirb û yûnanistaniyan, ji imperatoriyê hatine veqetandin. Parêzerê Misirê Mihemed Elî Paşa, dewleta Osmanî xistibû rewşeke pir xerab.

Dewleta Îranê jî rewşeke weke ya Osmaniyan dijî. Ji ber vê yekê, dema ku Mîr Mihemed serhildanê dide destpêkirin, ji aliyê gelê kurd ê Rojhilatê Kurdistanê ve alîkariyeke mezin werdigire.

Li Rojhilata Navîn û Kurdistanê, hevsengiyek derdikeve holê, Mîr Mihemed, dixwest tevahiya Kurdistanê bigire nava sînorên mîrîtiya xwe û di sala 1830'î de serxwebûna xwe radighîne. Ji bo ku mîrîtiyên kurd ên din jî bixe bin desthilatdariya xwe, xebatêن xwe zêde

dike. Di sala 1832'yan de xakêñ mîrîtiya Behdînan desteser dike. Mîrîtiya Bilbasî ya li herêma Qeledizê tevlî mîrîtiya xwe dike. Piştre, dixwaze mîrîtiya Botanê ya di bin destê Bedirxaniyan de bû, dagir bike. Dema ku mîrîtiya Botanê li ber xwe dide, şer du salan didome. Di nava sînorêñ mîrîtiya Botanê de civakêñ nemisilman ên weke; êzîdî, ermenî, asûrî û suryanî jî dijiyan. Ji ber girêdana zêde ya bi ola îslamê re ya Mîr Mihemed, ev civakêñ herêmê rastî tevkujî û ziyanêñ mezin hatine.

Dema ku dewleta Osmanî têdigihêje ku serhildana Mîr Mihemedê Rewandûzî metirsiyeke pir mezin e. Di sala 1835'an de parêzerên Sêwas, Mûsil û Bexdayê ji bo çewisandina serhildanê erkdar dike. Artêşa Mîr Mihemed di şer de li hemberî Osmaniyan zêde xwe ranagire. Ji ber vê yekê, artêşa xwe bi awayekî berfireh li çiyayêñ Kurdistanê belav dike û planêñ şerê partîzaniyê dimeşîne. Artêşa Osmanî ku ji bo taktîkekî wiha ne amade bû, dema ku bê cebilxane û locistîk dimîne xwe bi paş ve dikişîne. Mîr Mihemed jî, vekişîna artêşa Osmaniyan a bi paş de, weke derfet bi kar tîne û di heman salê de vê carê jî êrîşî dewleta Îranê dike û hin deveran bi dest dixe.

Îngilistanê, li Rojhilata Navîn desthilatdariya xwe dide rûniştandin. Ev hewldanêñ Mîr Mihemed, ji bo berjewendiyêñ xwe gelek metirsîdar dibîne. Dewleteke Kurdistanê ya ku beşeke mezin ji xaknîgariya Kurdistanê di nava xwe de digirt, dihat wateya valaderketina hesabêñ Îngilistanê. Li hemberî van pêşveçûnan, Îngilistanê helwesta xwe ji aliyê dewletêñ Osmanî û Îranê ve ku him lewaz bûn û hem jî zêde girêdayî wan bûn, bi kar tîne.

Sîxurêñ îngilîzan ên demêñ dirêj li Rojhilata Navîn û Kurdistanê, bi awayêñ cur bi cur ve xebat dimeşandin, li gel dewletêñ Osmanî û Îranê ku di navbera wan de nakokiyêñ kûr ên bi sedê salan hebûn, bi hewldan û alîkariya bênavber a îngilîzan ve li dijî kurdan bi hev re tevgerê dikan û paytexta mîrîtiya Soran, Rewandûzê dorpêç dikan. Artêşa Mîr Mihemed gelek tengasiyê dijî. Di vê navberê de mirovên girîng ên kurd ji aliyê olî û di fetwayêñ ku derdixin de diyar dikan; şerê li dijî Osmaniyan, wê bibe şerê li dijî îslamê. Li gel vê, hejmarek ji serokeşîran bi rê û rîbazêñ cur bi cur ve diçin aliyê Osmaniyan. Bi vî awayî, yekîtiya kurdan tê parçekirin.

Hêza Mîr Mihemed her ku diçe lewaz dibe, bi awayekî radest digirin û dibin Stenbolê. Li vir weke ku xwe bi xwe radest bûye, ji aliyê Osmaniyan ve tê pêşwazîkirin û diyarî ji bo wî tên dayîn. Piştî demekê vegera wî ya Kurdistanê tê pejirandin. Di rê de bi bêbextiyekê tê kuştin. Piştî mirina Mîr Mihemed, serhildan bi dawî dibe.

PIRSÊN NIRXANDINÊ

- 1.** Paytexta mîrîtiya Soran, ku der e?
- 2.** Dema ku Mîr Mihemed dibe mîr, çi dike?
- 3.** Di dema serhildana Mîr Mihemed de rewşa Osmaniyan bi çi awayî bû?
- 4.** Dema ku dewleta Osmanî têdighêje ku serhildana Mîr Mihemed metirsiyeke pir mezin e, çi dike?
- 5.** Bi çi awayî, yekîtiya kurdan tê parçekirin?

WANE 4

SERHILDANA BEDIRXAN BEG (1842-1847)

Bedirxan Beg kî ye?

Mîrîtiya Botanê ya ku navenda wê Cizîra Botan e, di bin birêveberiya Bedirxaniyan de bû. Bedirxan Beg di sala 1812'an de dibe birêveber. Di qada birêveberiya wî de li gel eşîrên kurd gelên weke; asûrî, suryanî, nastûrî, ermenî û kurdên êzîdî jî dijîn. Bi naskirina mercen sedsala 19'an ve dixwaze valahiya ku derketiye, bi Kurdistanê di bin desthilatdariya xwe de dagire. Ji vî aliyî ve hewldanê wî yên jidil çedibin.

Di birêveberiya mîrîti û artêşa xwe de cih dide asûrî, nastûrî û ermeniyan jî. Dixwaze ji ezmûnên van gelan sûdê werbigire. Baceke ji ya Osmaniyan kêmîtir, ji wan distîne. Ji bo leşkeran, müçeyekê dide. Di nava mîrîtiya xwe de ewlekariyê pêk tîne. Xwendekaran dişîne Ewrûpayê. Di heman demê de ji Ewrûpayê şêwirmendan tîne. Dema ku mîrîtiya Soran tê bêbandorkirin, di tevahiya Kurdistanê de dibe mîrîtiya herîbihêz. Bi wêrekîbûna têkçûna Osmaniyan a li hemberî Mihemed Elî Paşayê Kavalayî (1829), ji bo damezirandina dewletê dikeve nava liv û tevgerê. Ji ber vê yekê, alîkariya ku ji mîrîtiyên kurd daxwaz kiriye, werdigire. Hewldanê avakirina artêseke hemdem û sazûmaniya birêveberiyê bi pêş ve dibe. Lê dema ku îngilîz û fransiz têdigihêjin ku hewldaneke weke ya Mîr Mihemedê Rewardûzî heye, li dijî Bedirxan Beg ku berjewendiyê wan ên Rojhilata Navîn dixist metirsiyê, alîkariya Osmaniyan dikan. Ramyariya “parçe bike û bi rê ve bibe” dimeşînin. Cizîra Botanê ku heta wê demê girêdayî parêzgeha Amedê bû, ji ber ku navbera Bedirxan Beg û parêzerê Mûsilê nexwes bû, bi Mûsilê ve tê girêdan.

Komkujîyê Bedirxan Paşa Bi Ser Gelên Din:

Esîrên asûrî û nastûrî yên li herêma Colemêrgê dijiyan, ji aliyê îngilîz û fransizan ve têن çekdarkirin û ew jî diyar dikan ku wê ji niha û şûn de baca xwe nedin Bedirxaniyan.

Her wiha, li Geliyê Tiyarê (Colemêrg) dibistana ku ji aliyê mîsyonerên îngilîz û emerîkî ve hatiye vekirin, rastî nerazîbûna kurdan tê. Di rojêñ ku ev bûyer têñ jiyîn de du kesêñ oldar ên nêzî Bedirxan Beg, li Sêrt û Perwariyê têñ kuştin û kincêñ wan ên bixwîn ji bo Bedirxan

Beg têñ şandin. Li hemberî van rewşen dihatin jiyîn, Bedirxan Beg artêsa xwe li dijî asûrî û nastûrêyan êrişê dide destpêkirin. Zêdetirî 10.000 asûrî bi destê wî hatin kuştin.

Bedirxan Beg di sala 1832'yan de ferman ser gelê êzidiyan li Şêxanê rakir. Bêtir ji hezar mirovên êzidî hatin kuştin. Di sala 1844'an de jî ferman bi ser êzidiyên Tûrabdînê jî rakir.

Hilwesîna Mêrêtiya Botanê:

Ingiliz û fransiz da ku li dijî kurdan şer bidin destpêkirin, zextê li Osmaniyan dikan. Li ser vê rewşê, dewleta Osmanî jî artêseke ku ji 60 hezar kesî pêk hatiye, berê xwe dide navenda mîrîtiya Botanê, Cizîra Botanê. Li hemberî vê rewşa ku qewimiye, Bedirxan Beg serhildanê dide destpêkirin. Dema ku artêsa Osmaniyan têk diçe, Bedirxan Beg di sala 1842'yan de avakirina dewletê radighîne. Bi hewldanê weke; derxistina dirav û paytext ragihandina bajarê Cizîrê, dixwest bingeha dewleta xwe saxlem bike.

Herêmên Wêranşer, Sîwrek û Şengalê dixe bin desthilatdariya xwe. Heta sala 1845'an beşeke mezin a xaka Kurdistanê, digire nava dewleta xwe. Dewleta Osmanî, dema ku dibîne hebûna wan dikeve metirsiyê, her wiha bi alîkariya îngiliz û fransizan dest bi amadekariyên mezin dike. Artêseke ku ji 100 hezar kesî pêk dihat, hat amadekirin. Li Amed û Wanê navendêñ leşkerî hatin avakirin. Li ser Amed, Wan û Cizîra Botanê, bi sê milan li dijî hêzên Bedirxan Beg êriş hatin destpêkirin. Di nava dijwariya şer de pismamê Bedirxan Beg, Êzdîn Şêr ku ji bo parastina Cizîra Botanê hatibû erkdarkirin, xiyanetê dike û Cizîra Botanê radestî dewleta Osmaniyan dike.

Bedirxan Beg, li ser vê bûyerê dema ku vedigere Cizîrê, eniyên din lewaz dibin û berxwedan zêde nameşe. Bedirxan Beg, hêzên xwe vedikişîne Kelha Finikê (Erûhê) û li wir tê dorpêckirin. Piştî demekê ji berxwedanê, di 20'ê Tîrmeha 1847'an de Bedirxan Beg û du kurêñ wî bi birîndarî dikevin destê Osmaniyan. Piştre sultanê Osmanî wî müşextî bajarê Qindiyê li girava Girîtê dike, piştre wî vediguheze Stanbolê û di dawiyê de li Şamê jiyana xwe ji dest dide. Hejmara zarokêñ Bedirxan Beg gihiştibû 96 zarokî. Gava ew çû dilovaniya xwedê ji van 96 zarokan, 21 kur û 21 keç mabûn.

Piştî serhildana Bedirxan Beg, dewleta Osmanî li Kurdistanê xebatêñ

navendîbûnê didomîne. Herêmên Mûş, Colemêrg, Cizîra Botanê û Mêrdînê weke herêma Kurdistanê tên sazûmankirin û Muhlis Paşa weke parêzer tê erkdarkirin. Mîrê Bedlîsê Şerîf Beg müşextî Stenbolê tê kirin û li şûna wî jî parêzerek tê şandin. Begên din ên ku bi Bedirxan Beg re tevger kiribûn jî, müşextî cihêن cur bi cur hatine kirin.

PIRSÊN NIRXANDINÊ

- 1.** Mîrîtiya Botanê dikeve ku û kê birêveberiya wê dikir?
- 2.** Çima Bedirxan Beg, di birêveberiya artêşa xwe de cih dide asûrî, nastûrî û ermeniyân?
- 3.** Çima Cizîra Botan, bi Mûsilê ve hatiye girêdan?
- 4.** Dema ku dewleta Osmanî dibîne, hebûna wan dikeve metirsiyê, çi dike?
- 5.** Komkujîyên ku bi destê Bedirxan Beg hatin çekirin, girêdayî çi hişmendiyê bûn, lêkolîn bike.

WANE 5

DI SEDSALA 19`AN DE SERHILDANÊN GEL

Ramyarî û hebûna imperatoriyêñ navendî yên ku li herêmê desthilatdarî dimeşandin, xwe dispartin tundî, dagirkerî, desteserkirin, talan û çewisandinê. Lê heta wê pêvajoyê, hêzên civakê yên li Rojhilata Navîn her tim bi berxwedanê azadî û hebûna xwe parastine. Di hundirê xwe û peywendiyêñ di navbera xwe de; biratî, astî, demokrasî û hevkarî meşandine. Yek ji navendêñ herî girîng ên berxwedana civakî, Kurdistan e.

Di mercêñ sedsala 19`an de civaka Kurdistanê, ji gelek aliyan ve rastî ramyariyêñ tund ên Osmanî, Îran, Îngilistan, Fransa û mîrêñ kurd bi hev re tên.

1. Pêkanîna leşkerêya neçarî :

Ev leşkerî rê li ber jiyîna zorî û pirsgirêkên giran vekir. Gelê kurd, ji civak, çand û xaka xwe bi zorê tê vejetandin û bi qasî 14 salan, neçarî pêkanîna xizmeta leşkerî dimîne. Di vê pêvajoya ku her tim şer û pevçûn dihatin jiyîn de bi hezaran ciwanêñ Kurdistanê jiyana xwe ji dest dane. Yêñ sax dimînin jî ; hêza xwe, kêrhatina xwe, tenduristiya xwe, salêñ herî berhemdar ên jiyana xwe û heta hêviyêñ xwe yên jiyanê winda dikirin. Li leşkeriyê mezaxtina beşeke girîng a jiyana ciwanan û enerjiya wan, di heman demê de wan dikir ku ew ji hilberîn û xebatêñ aboriyê jî werin qutkirin.

2. Girankirina Bacê :

Di tevahiya sedsala 19`an de dewletêñ Osmanî û Îranê da ku belavbûna xwe ya ji aliyê aborî ve rawestînin û tengasiyêñ xwe yên ji bo bidestxistina çavkaniyêñ jiyanê derbas bikin, li Kurdistanê bacêñ giran dane sepandin. Bi behaneyêñ cur bi cur giranî dane desteserkirina zevî, amûrêñ hilberînê û çavkaniyêñ din ên aboriyê. Erkdarêñ bacstandinê yên ji navendê dihatin şandin, li gel leşkeran pêkanîna talan û stemkariyê, bi piranî pêk anîne. Hin ji mîrîtiyêñ kurd, ramyariya bacêñ giran dipejirînin, hin jî napejirînin û ew bi xwe bacê kom dikan. Lê di her du rewşan de jî, ev rîbaza komkirina bacê, li ser gundiyyêñ bêeşîr perîşanbûnê çêdike.

3. Belavkirin û perçekirina rîexistinbûna civakî:

Bi lîstokêñ Osmaniyan eşîrêñ bihêz û mezin hatine lewazkirin û bix-

wevegirêdan. Yêñ lewaz jî belav kirin.

4. Mîrên kurd ên ku nakokiyêñ wan bi dewleta navendî re hene, berê xwe didan şer û pevçûnan û pêdiviya wan bi hejmareke zêdetir ji leşkeran çêdibû. Pêdiviyêñ xwe yên komkirina leşkeran, bêtir ji ciwanêñ eşîran û bi rîbazêñ leşkeriya bidirav berhev dikirin. Di vê rewşê de çavkaniya herî mezin a şervanan, ji eşîrên koçer dihat piştgirîkirin, li aliyê din derbasbûna wan a jiyanâ xwecihî dihat astengkirin. Di vî aliyî de yên herî bandor bûne kedkar û gundi-yêñ xwedî zevî bûn.
5. Di xebatêñ çêkirina rêyan de weke koleyan û bi zorê xebitandina kurdan.
6. Ramyariyêñ dewletêñ kapîtalîst ên ku xwe dispartin tundî û stem-kariyê. Di serî de îngilîz, sîxurêñ dewletêñ Ewrûpayî, ferman-darêñ wan, hêzêñ leşkerî, balafir û amûrêñ din ên leşkerî, ev yek jî çavkaniya xwe ji dewletêñ navendî û mîrîtiyêñ kurd digire.

Li hemberî van êş û azaran civakê bertekteke tund nîşan daye. Ji bo ku hebûn û nirxêñ xwe biparêze, bi şêweyêñ cuda her tim li ber xwe daye. Di tevahiya sedsala 19'an de bi dehan serhildanêñ gundiyan, êl, êzîdî, elewî, asûrî, suryanî û ermeniyan pêk hatine. Di vê sedsalê de, li gel van serhildanan hewldanêñ takekesî yên nijdevan û qaçax-an ku bi awayekî zêde hatine jiyîn, di rastiyê de berxwedanêñ li dijî paşayêñ Osmaniyan, begêñ kurd, stemkarî û zoriya axayan hatine danîn. Di vê çarçoveyê de hin serhildanêñ gel ên ku di sedsala 19'an de pêk hatine, ev in:

- * Di sala 1820'î de li Sêwasê serhildanêñ eşîrên zazayan.
- * Di navbera salêñ 1830-1833 de di navbera Mûsil û Şîrnexê de, li derdora çiyayê Şengalê serhildana kurdêñ êzîdî û tirkmenan.
- * Di sala 1834'an de berxwedana konfederasyona eşîrên milan.
- * Di navbera salêñ 1834-1849 de li derdora Bedlisê serhildana gel.
- * Di sala 1860'î de li dijî Dêrsimê tevgera leşkerî.
- * Di sala 1879'an de di navbera Wan û Agiriyê de serhildana eşîra heyderan.

PIRSÊN NIRXANDINÊ

- 1.** Pêkanîna leşkeriya neçarî ya dewleta Osmanî, rê li ber çi vedike?
- 2.** Gelê kurd, jiyanekê çawa di pêvajoya Osmaniyan de dijî?
- 3.** Çima dewletên Osmanî û Îranê li Kurdistanê di qadêن jiyanê de bacêن giran sepandise?
- 4.** Rista ramyariya sedsala 19'an a li Kurdistanê, diyar bike.
- 5.** Serhildanêن gel ên sedsala 19'an diyar bike.

WANE 6

SEDEM Û ENCAMÊN TÊKÇÛNA MÎRNİŞÎNAN

Ji bo serxwebûnê, serhildanê gel di bin banê mîr û began de pir hewildan çêkirin, lê di encamê de bi ser neketin û têk çûn. Van serhildanan nikarîbûn pêşveçûnekê çêkin ku rê li ber sazûmanîyeke demokratîk û komînal vekin. Ji ber vê yekê sedemên têkçûna serhildanan ev in:

- 1.** Nebûna bernameyê û lawazbûna serhildanan ji hêla rêexistinî, serokatî, bîrdozî, ramyariyî û nenasîna dijminê xwe bi awayekî baş.
- 2.** Li hemberî kurdan sorkirina netewên weke; asûrî, suryanî, ermenî û hwd.
- 3.** Neşopandina pêşketinên zanîstû û ramyarî yêncîhanê, ji vî alî ve astengiyê desthilatdar ên cîhanî û herêmî derdixistin, dibûn sedem ku gelê kurd paş bimîne.
- 4.** Parçebûna ku di nava mîrnışînan de hebû, sedemeke bingehîn a têkçûna serhildanan bû; her mîrnışînek bi tena serê xwe serhildan li dijî Osmaniyan radikir. Ev yek jî ji ber ku hestekî netewî ji bo Kurdistanike serbixwe tune bû. Berovajî vê yekê dilsoziya ji bo mîrîtî û êlê, ser dilsoziya netewî re dihat girtin.
- 5.** Pergala feodal û êlî ya ku di Kurdistanê de belav bûbû, dihişt ku kurd dilxwazê Osmaniyan bin û gelek caran li dijî wan ranebin. Mîrên kurd ên feodal dema ku didîtin serhildan dê berjewendiyêwan ên malbatî û xanedanî têxin metirsiyê, xwe radest dikirin û dest ji serhildanê berditan.
- 6.** Xiniziya ku di hundirê serhildanan de çêdibûn, ji planê Osmaniyan bûn. Armanca wan planan ew bû ku kurd li dijî hev kar bikin.
- 7.** Ol jî sedemeke bingehîn a têkçûna serhildanan bû, ji ber ku sultanên Osmaniyan xwe weke xelîfê misilmanan dabûn naskirin, êdî kurdan şerê li dijî wan gunehekî pir mezin didîtin.
- 8.** Xurtbûn û pirbûna leşkerên Osmanî, her wiha bikaranîna çekên giran.
- 9.** Li hemberî serhildanan helwesta neyînî ya desthilatdariya cîhanî û destwerdana dewletên rojavayî di Kurdistanê de.

Destlêwerdana pergalên ji derive li ser serhildanan:

Serhildan, ji hundir ve ji ber aloziyê civakî, xwe dispêrin sedemên

mafdar. Lê belê bandorêن derve jî hene. Ev carinan bi şêwazên beralîkirinê, tevlihevî, yan jî xistina bin bandora xwe û carinan jî çavkaniya xwe ji taybetiyên pêşengêن serhildanan ên radestkar û xulamtiyê digire. Alîkariya bi hêzên ji derve re bûye sedem ku civaka kurd bikeve nava rewşeke xirab. Di van serhildanan de bê bernamebûn û rêxistinibûn hene. Li hemberî vê, pêşengêن serhildanan bi lewazî û berjewendiyêن xwe ve dikevin bin bandora hêzên derve. Di vê çarçoveyê de dema ku em serhildanê sedsala 19'an digirin dest, taybetî û kesayetiya mîran bi xwe xuya dibe. Her çi qas mîr; ji hundir ve di rewşeke nîv serbixwe de xwediyê wê desthilatdariyê jî bin, ji derve her tim bi hêzekê ve girêdayî mane.

Ji ber nebûna saxlemiya di warê bîrdoziyê de tevnegerîna serbixwe û pêşnedîtinê, di gelek serhildanan de weke ku dûbare dûbare tê dîtin, dema ku zêde dihatin tengavkirin, li ser navê lihevhatinê piraniya mîran xwe radest dikirin.

Ev jî, asayî dihat dîtin. Wê demê, mirov dikare bêje; serhildanê mîran ên bi dirûşmeyen “serxwebûn” û “Kurdistanê” dest pê kirin, dema ku berjewendiyêن malbat û xanedanê diketin metirsiyê, dawî lê dihat anîn û derfetêن ji bo wan dihatin dayîn, tenê didîtin. Ev dibe nişana herî zelal a girêdana bi desthilatdariyê ve û radestbûnê. Mîrên kurd, him ji aliyê Ewrûpiyan ve weke gopal hatine bikaranîn, hem jî zêde bi sozên serxwebûn û xweseriyê, teşwîqî serhildanê hatine kirin. Lê her tim hêviyêن wan hatine şikandin. Rojava tu carî nexwestiye bi serê xwe, ne kurdan bike hêz û ne jî Osmanî û ïranî li herêmê desthilatdariyê bimeşînin. Ji ber ku bihêzbûna yek ji hêzên di nava pêşbirkê de û bi lewazkirina hev ve mijûl bûyîn, ji bo berjewendiyên aborî û ramyarî yêن rojavayî yêن metirsîdar dihatin dîtin. Bi vê boneyê, di pêşengtiya îngilîz û rûsan de bi besdarbûna nûnerên Osmanî, ïranî, îngilîz û rûsan a di konferansa li Erziromê pêk hatiye de li ser çarekirina pirsgirêka sînorêن Osmanî û ïraniyan ên ji sala 1843'yan heta sala 1847'an weke pirsgirêk xwe dida pêş, hatiye rawestandin. Di vê konferansê de rista sereke; bi taybetî, bû ya nûnerên dewletên Ewrûpî. Bi vê konferansê re Ewrûpiyan vîna xwe bi Osmanî û ïraniyan dan pejirandin. Di vê mijarê de kurd qet muxatab nayêن dîtin.

Her wiha, têkçûna mîrnişînan hin encam jî bi xwe re derxistin holê:

1. Di encama têkçûna wan mîrnişînan de, ew xweseriya kurdan a xwebirêvebirinê ji holê rabû û Osmaniyan li şûna mîrên kurdan, beg û paşayêن xwe bi cih kirin. Îdî ew sîwana ku kurdan xwe pê diparast ji holê rabû.

2. Vê guhartinê rewşa aboriyê li Kurdistanê bi bin xist. Di dema hâtina Osmaniyan de, bacêن pir mezin li ser gelê kurd hatin sepandin, roj bi roj ew bac mezintir dibûn û pê re rewşa cotkaran paş diket. Di encamê de hin ji wan ji ber giraniya bacan dest ji gundêن xwe berdan û reviyan çiyayan û hin ji wan ji berdêla bacan, keçen xwe yên ku temenêن wan 6-8 sal in, didan karmendêن bacan.

3. Leşkeriya neçarî li ser xortêن kurd hat sepandin. Ew leşkerî mîna nêçîra mirovan bû; kesên ku dihatin girtin, destgirêdayî dibirin leşkeriyê. Vê yekê hişt ku karker di gundan de kêm bibin û di encamê de rewşa kurdan a aboriyî qels bû.

PIRSÊN NIRXANDINÊ

- 1.** Rola olê di têkbirina serhildanan de çi bû?
- 2.** Çima mîrên kurdan nekarîne xwe her tim ji karanîneke xirab, rizgar bikin?
- 3.** Armanca dewletên rojavayî a li ser kurdan çi bû?
- 4.** Rista sereke ya konferansa Erziromê çi bû?
- 5.** Encamên têkçûna mîrnişînan binirxînin?

Lêkolîn:

Gelo serhildaneke bêbîrdozî dê bigihêje encamekê yan na?

WANE 7

LI KURDISTANÊ TÊKÇÛNA MÎRAN Û BERXWEDANÊN BI RÊBERTIYA ŞÊXAN

Li Kurdistanê, serhildanên mîran ên ku di destpêka sala 1800'î de derketine holê, li gelek deverên Kurdistanê belav bûn, piştî dawîhatina wan, li şûna wan cihêن vala yên mîrtiyan, şêxtî dadigire. Şêxtî, li Kurdistanê bi riya terîqetên Qadirî û Nexşîbendî pêş dikeve.

Bi taybetî jî, şêxên nexşî. Şêxên ku demên destpêkê bi karêن olî ve mijûl dibûn, bi nexşîbendîtî û qadirîtiyê re, di qada ramyarî de jî, bi bandor bûn û her ku derbas bû, di civakê de weke hêzeke desthilatdar bi pêş ket.

Dema ku şêxtî, dikeve şûna mîrîtiyê, destpêkê di nava civakê de ristekê erêni dilîze. Piştre her ku diçe nexşîbendîtî pêş dikeve. Li Kurdistanê, êdî derdikeve ji derveyî qada rewanî û di qada ramyarî, ango di xebatên jiyanî de dibe hêza herî bibandor. Nexşîbendîtî, wê ji vir û şûn de li dijî helwesta azadiyê, rista şikandina hêviyan bilîze.

Terîqeta Qadirî:

Damezirînerê terîqeta qadirî, Ebdilqadir Geylanî ye, di navbera salêن 1077-1166 de jiyaye. Li gora wî, li Bexdayê ye. Li gorî ku hatiye di-yarkirin, pisporê hiqûqa îslamê bû. Weke derwêşan jiyaye. Nêrînêن ku salêن 1300'î hebûna vê terîqetê ya li Sûriye û Îraqê nîşan didin, hene. Tê diyarkirin ku yek ji şêxên navdar ê Kurdistanê Sedatê Nehrî, neviyê Şêx Ebdilqadirê Geylanî ye. Lê ev nehatiye piştrastkirin. Malbata Sedatê Nehrî, bi demê re dibe malbateke pir bi hêz û bandor. Di terîqeta qadirî de cihêن jê re 'tekya' dihat gotin hebûn. Mirîdêن terîqetê; piranî ji derwêşen nexwende, gerok û debara xwe bi alîkariyêن gel bi dest dixistin, pêk dihat. Bi vê boneyê, ji aliyê daringî û desthilatdariya pratîk ve zêde ne xwedî bandoreke berbiçav bûn. Terîqetê zêdetir li bajaran, di bin siha desthilatdariya ramyarî di rewşa rewakirina wê de maye.

Terîqeta Nexşebendî:

Dîroka terîqeta nexşîbendiyan jî, heta digihêje dawiya sedsala 14'an ev terîqet, li Bûharayê ji aliyê Behaedîn Nexşîbendî ve (1318-1389) hatiye damezirandin û ramanêن xwe dispêre Ebdilxaliqê Gundjûwanî. Ew di sedsala 11'an de jiyaye.

Nexşîbendîtî, terîqeteke li ser bingeha mercên tesewufî hatiye birêx-istinkirin û weke terîqetên din xwediyê hin rêgezêن bingehîn e. Şaxê vê terîqetê yê bi navê Xalidî, di çaryeka destpêka sedsala 19'an de ji aliyê kurdekî bi navê Diyaedîn Xalid ve hatiye birêexistinkirin. Diy-aedîn Xalid endamê eşîra Caf e û weke Mewlana Xalid tê naskirin. Di sala 1778'an de li Qeredaxa girêdayî Silêmaniyê ji dayîk bûye. Destpêkê bûye endamê terîqeta qadirî û xwendevantiya kesên navdar kiriye. Piştre, çûye Hindistanê û di sala 1807'an de vegeriyaye.

Dema ku Mewlana Xalid tê Silêmaniyê, rastî nerazîbûnên tund ên terîqeta qadiriyan tê. Nekariye li Silêmaniyê bimîne. Der barê wî de axaftinên cur bi cur têñ kirin. Bi hevkariya îngilîzan ve hatiye taw-anbarkirin. Piştî vegera wî ya ji Hindistanê û ji qadiriyê derbasbûna wî ya nexşîbendiyê, rê li ber dijberiya wî vekiriye. Li ser vê bûyerê, diçe Bexdayê û xwe dispêre Dawûd Paşayê Osmanî. Dawûd Paşa, lê xwedî derdikeve û ji bo xebatêñ xwe aşkere bimeşîne, jê re dibistaneke vedike. Mewlana Xalid, di vê pêvajoyê de navê xwe diguhere û dike "Diyaedîn Xalid El Bexdadî". Lê li wir jî zêde namîne û derbasî Şamê bibe. Li wir jî careke din dibistana xwe vedike. Bi taybetî, li vê herêma ku ji bo terîqetên sunî û di koka xwe de ereb ên weke qadirî re têkilî dihat nîşandan de ji bo nexşîbendiyê, di demeke kin de rêzdariyeke mezin qezenc kiriye.

Mewlana Xalid, li Şamê nîştecih dibe û li vir tevahiya xelîfeyêñ xwe dide perwerdekirin. Qala 11 xelîfeyan tê kirin. Van xelîfeyêñ xwe dişîne Kurdistanê jî. Şêxên mezin ên terîqeta qadirî, ji vir û pê de yek bi yek tevlî rîbaza neşxîbendî dibin.

Nexşîbendî, berevajiyê qadiriyyê xwe spartiye malbatêñ dewlemend û xwedî bandor. Dema ku Qadirî tenê bi karêñ olî ve mijûl dibûn, Nexşîbendî li gel xebatêñ olî, bi karêñ desthilatdarêya ramyarî ve jî mijûl dibûn.

PIRSÊN NIRXANDINÊ

- 1.** Piştî ku mîrîtî ji holê hatin rakirin, ci çêbû?
- 2.** Şêxtî destpêkê çawa bû, piştre ci guhartin tê de çêdibin?
- 3.** Şêxtî dikeve şûna ci û ristekte çawa dilîze?
- 4.** Terîqeta Nexşî li Kurdistanê ci bandor kiriye?

WANE 8

SERHILDANA ŞÊX ÜBEYDULAHÊ NEHRÎ

Dawiya sedsala 19'an pêvajoya netew-dewletbûnê bû. Kesê ku navê xwe li vê pêvajoya dîrokî xistibû, Şêx Übeydulahê Nehrî bû. Navekî rêzdar bû. Ji birêveberên terîqeta Nexşîbendî û neviyê Şêx Taha ye. Serhildana Şêx Übeydulahê Nehrî ya di sala 1880'yî de pêş diket, ji yên din cuda bû. Serhildana Şêx Übeydulahê Nehrî, nirxên netewî yên girîng hildigire.

Pêvajoya Şêx Übeydullah, nêzîkî hemdemiyê ye. Hîn vekirîtir, ev serhildana şêxan a yekem, di pêvajoya yekem a netewperestiya kurd de rû dide. Mirov dikare bêje, Şêx Übeydullah, nûnertiya vê dike. Şêx Übeydullah, bi tevlîhevkirina nirxên netewî û olî, yekitiya hejmarek êl û konfederasyonê kurd pêk ankiye. Di serhildanê de girtina alîkarêya asûrî û nestûrêyan, kûrahiya serhildanê nîşan dide. Ji berêya serhildanê bi hejmareke malbatêن mîran re peywêndî çêkiriye. Her wiha, bi hêzên ji derve re peywêndî saz kiriye. Her wiha, belgeyêن axaftinêن wî yên bi mîsyonerê emerîkî re li ser daxwaza dewletê, heyâ roja me hatine. Di nameya Şêx Übeydullah a ku ji mîsyonerê emerîkî Dr. Cohran re nivîsiye de, ramanêن wî diyar dibin. Di nameyê de dibêje, «Gelê Kurd, bi 500 hezar malbatêن xwe, gelekî cuda ye. Ola wan jî, li gorî yên din cuda ye, zagon û kevneşopiyêن wan cuda ne. Em dixwazin, xwe bi xwe, bi rê ve bibin. Bi vî awayî, em ê serbix-we ûbihêz bibin. Mîna netewêن din ên cuda hebin jî, em dikarin wê sozê bidin ku wê ziyana me negihîje netewêن din». Şêx Übeydullah di heman nameya xwe de weke sedema serhildanê, bêmafiya ku li gelê kurd hatiye kirin û ewlekarêya gel destnîşan kiriye. Şêx Übeydulahê Nehrî, bi rojavayiyan re peywendiyan pêş dixe û ji bo wan planêن xwe dibêje. Osmaniyan di peymana 1878'an a ku li Berlinê hatiye çêkirin, hin maf dida civakêن xiristiyan, bi taybetî jî ermeniyan. Li ser dewleta ermeni-yan gotûbêj dihatin kirin. Vê rewşê, li ser Şêx jî, bandor dikir. Bi kêmnetewêن ku ne misilman re bipêşxistina peywendiyan erêni, ji bo hêzên biyanî peyamek bû. Şêx, hemû êlên kurd ên ji vê rewşê bêzar dibûn, anîn rex hev û ji Stenbolê bêyî ku biçe Kurdistanê, ji bo tevahî serokêl, şêx û begêن Kurdistanê yên girîng, peyaman dişîne û wan vedixwîne civînê. Ermenî û Suryani-

yên li herêmê dijiyan jî, bi şêx re peywendî danîbûn. Şêx, destpêkê pêşveçûnên serkeftî dimeşîne. Lê Kurdistanê bihêz, ne li gorî plana îngilîzan bû. Di heman demê de, Rûsyâ û Îranê jî dixwestin ku li gorî xwe projeyeke Rojhilata Navîn çêkin. Ji ber vê sedemê, hêzên emperyalîst û herêmî di eniyeke hevpar de ji bo ku Serhildana Şêx Ûbeydulahê Nehrî bi ser nekeve, çi ji destêن wan hat, kirin. Osmanî, êrîşî Şêx dikin. Ëla Celalî jî, diçin aliyê dijmin. Encam dibe têkçûn. Şêx Ûbeydulah diçe Stenbolê û di sala 1881'ê de careke din vedigere Şemzînanê û berxwedanê dide destpekirin.

Lê serhildan dîsa tê çewisandin. Şêx Ûbeydulah dîbin Mûsilê û diavê-jin zîndanê. Lê, kurê Şêx, Seyîd Evdilqadir ku yek ji fermandarê têkoşînê bû, êrîşî zîndanê dike û bavê xwe rizgar dike. Şêx, her çi qas dixwaze serhildaneke din bide destpêkirin jî, dîsa dîl dikeve. Şêx Ûbeydulahê Nehrî surgûnî Mekehê dikin. Li wir, di sala 1893'yan de diçe ser dilovaniya xwedê. Bi têkbirina serhildana Şêx Ûbeydulah re, osmaniyan li Kurdistanê projeya <'Alayê Hamîdiyê" ya ku plan kiribûn, dixin meriyetê.

Encama serhildanê her çi qas windakirin be jî, Şêx Ûbeydulahê Nehrî têbîniyek ji bo dîrokê hiştiye. Li Kurdistanê tevahî kêmnetew û besên civaka kurd ên hejar, kariye bikişîne aliyê xwe. Bi cewherî, Şêx Ûbeydulahê Nehrî di zanabûna afirandina yekîtiya netewî, bi yekirina tevahî parçeyên Kurdistanê re derbas dibe, de bû.

PIRSÊN NIRXANDINÊ

- 1.** Çima serhildana Şêx Ûbeydulah, ji serhildanêñ din cuda bû?
- 2.** Şêx Ûbeydulah, ji mîsyonerê emerîkî re çi dînivîse?
- 3.** Ji ber kîjan sedeman, serhildan têk diçe?

WANE 9

ALAYÊN HEMÎDÎ Û DIBISTANÊN ÎLAN

Sultan Ebdilhemîd, ji 1892'yan û pê de Alayên Hemîdiyê ku ji eşîrên kurdan hatibûn pêkanîn, dixe tevgerê. Li ber çavan li hemberî ge-fêñ netewperestên ermenî têñ damezirandin, lê di rastiyê de li dijî tevgera netewa kurd derketine holê. Dixwestin ku bi kevirekî çend çûkan bikujin. Ev tevger, bingeha cerdevantiya roja îro pêk tîne.

Tevgera netewî ya kurd a hîn çênebûye, diçewisîne. Aliyê wê yê herî metirsîdar ev bû. Ji her eşîrê kesin dihatin çekdarkirin û müçe ji bo wan dihat dayîn. Bi vî awayî, eşîr û endamên wan dihatin çavdêrîkirin. Her wiha, ev hêzên çekdar li gorî daxwazên sultan dihatin bikaranîn. Careke din di derneketina holê ya tevgerên weke; Bedirxan Beg û Şêx Übeydûlahê Nehrî de Alayên Hemîdiyê ristekte diyarker lîstine. Wekî din, bi derxistina nakokîyan a di navbera eşîran de tovê dijminahiyê di navbera wan de hatiye çandin.

Nakokî û pevcûn di nava civaka kurd de hatine bikaranîn û bi vî awayî, ew xistine nava neyîniyên kûr. Her wiha, ev nakokî û pevcûnên ku bi destêñ wan hatine afirandin, bûye sedem ku demeke dirêj ji hev du bawer nekin û bi vî awayî, rî li ber xerabkirina yekîtiya di nava civaka kurd de vekiriye.

Ramyariyêñ ku li ser hêzên eşîran hatine bikaranîn, dikare raxe pêş çavan ku çima tevgera netewî ya kurd weke yêñ civakêñ din pêş na-keve û lewaz dimîne.

Li vir jî, pêwîst e mirov baş bibîne û binirxîne, ku di pêvajoya nûjen-tiyê de çîna jor a kurd ristekte ci qas xerab lîstiye.

Armanca avakirina Alayên Hemîdiyê:

Ebdilhemîdê 2. Alayên Hemîdiyê saz kirin û tevahiya eşîrên kurd ber-hev kirin. Rêbertiya alayên serokeşîran dikir. Li Stenbolê dibistanêñ eşîran vekirin, zarokêñ kurdan li vir bi awayê ku girêdayî wî bimînin, perwerde kirin. Nasnavêñ paşatî û mîrîtiyê da wan. Her wiha, ew ki-rin xwedîyê xak û zeviyêñ berfireh.

Di bin navê mafdayînê de gelê kurd û ermenî ji hev du dûr xistin. Dijminahî xiste navbera wan.

Di vê ramyariyê de sê armancêñ wan hebûn:

1. Dûrxistina kurdan a ji cewherê wan, ji aliyê hebûn û hişmendiyê

ve bi xwe ve girêdan û xistina bin desthilatdarêya xwe. Bi vî awayî, li Kurdistanê pêşîlégirtina serhildanekê, yan jî astengkirina daxwazên damezirandina dewletekê. Di vê de serkeftî jî dibin.

2. Bikaranîna hestên misilmantiyê ve li ser kurdan pêkanîna desthilatdariyê û bi rêya bikaranîna kurdan ve ji holê rakirina ermeniyan.
3. Bi vê armancê, wê karibin êrîşên Rûsyayê yên ji aliyê bakur ve asteng bikin.

Dibistanê êlan:

Destpêkê paşayêن kurdan ên girêdayî Osmaniyan zêde li sultan guhdar nakin, ji ber vê yekê zarokêن paşayêن kurd ên ku dê di dema pêş de bibin paşa, tînin dibistanêن girtî û li Stenbolê perwerde dikan. Du armancêن wan ji vê ramyariyê hene:

1. Ji bo ku paşa li wan guhdar bikin û li dijî wan dernekevin, zarokêن wan dixin destêن xwe.
2. Piştî çend salan dê ev zarok bibin paşa. Ji ber ku li gorî xwe ew perwerde kirine û fêrî tirkî jî bûne, dê li gorî ramyarêya sultan kar bikin.

PIRSÊN NIRXANDINÊ

- 1.** Alayên Hemîdiyê, li hemberî çi têñ damezirandin û li dijî çi der-dikevin?
- 2.** Bi çi awayî, osmanîyan rê li ber xerabkirina yekîtiya kurdan vekir?
- 3.** Armancêñ Alayên Hemîdiyê, diyar bike.
- 4.** Armanca avakirina dibistanêñ êlan, çi bû?

BEŞA 3

- * ŞERÊ CÎHANÊ YÊ YEKEM
- * TÊKÇÛN Û HILWEŞÎNA OSMANIYAN A DI ŞERÊ CÎHANÊ
YÊ YEKEM DE
- * PEYMANÊN KU LI DIJÎ KURDAN HATINE ÇÊKIRIN (1)
- * PEYMANÊN KU LI DIJÎ KURDAN HATINE ÇÊKIRIN (2)
- * REWŞA KURDAN A PIŞTÎ SALA 1920'AN
- * ŞERÊ RIZGARÊ YA NETEWÎ Û AVAKIRINA KOMARÊ

ŞERÊ CÎHANÊ YÊ YEKEM

Rewşa kurdan a ji berêya Şerê Cîhanê yê Yekem:

Gelê kurd, yek ji qurbanêن pêvajoya Şerê Cîhanê yê Yekem e. Welatê kurdan ji destpêka şerê 1914'an heta sala ku şer bi dawî bûye 1918'an, dibe qada şerên giran ên ku di navbera îngilîz, rûs û tirkan de qewimîne. Di vê pêvajoyê de li Kurdistanê şer û cengên herî giran ên ku dîroka mirovahiyê jiyaye, dest pê kirine. Xwîna bi 100 hezaran kurdêن ji her temenî, hatiye rijandin. Ji bilî kuştina mirovan, ji ber rewşa şer gelê kurd bi talanêن aborî, êş û nexweşiyêن giran re rû bi rû maye.

Hêzên ku tevlî şerên cîhanê bûne, weke; tirk, îngilîz û rûsan dixwestin ku li gorî berjewendiyêن xwe yên netewî û ramyarî, ji gelê kurd sûdê werbigirin. Ji ber ku di vê demê de birêveberiyeke ku karibe berjewendiyêن gelê kurd biparêze û tevahiya hêzên kurdan di eniyekê de kom bike, tune bû. Gelê kurd, rewşeke wiha pir xerab dijiya. Hêzên mijara gotinê, ji bo ku eşîrên kurdan li gorî berjewendiyêن xwe bi kar bînin, bi hev re diketin pêşbaziyê. Bi berfirehbûna şer re hêzên kurd ên bawerî bi bangâşeyêن her du aliyan jî netanîn û dixwestin di çiya û herêmên xwe de xwe biparêzin jî hebûn. Hin ji van eşîran bersiv nedan biryara seferberêya dewleta Osmanî û xwe ji şer parastin. Kurdêن li herêma Dêrsimê û piraniya kurdêن li Başûrê Kurdistanê, li dijî bangêن tevlîbûna şer, berxwedanêن dijwar nîşan dan.

Rewşa kurdan a piştî Şerê Cîhanê yê Yekem:

Di dawiya Şerê Cîhanê yê Yekem de dewleta Osmanî, di navbera hêzên hevpeymanê de hatibû parvekirin. Têkçûna osmaniyan, bi Peymana Mondrosê ya sala 1918'an ve misoger bibû. Rêvebirêن dewletê; Enwer, Talat û Cemal Paşa reviyabûn derveyî welat.

Li paytexta osmaniyan Stenbolê, hêzên îngilîz û fransî bi cih bibûn. Lewazbûna bandora birêveberêya osmanî, rê li ber serbestiyan vedikir. Rewşenbîrêن kurd jî bêhtir dikarîn li ser rewşa Kurdistanê û pirsgirêka kurd guftûgoyan bikin û civînan li dar bixin. Bi vê armancê, ji bo çareserkirina pirsgirêka kurd, hejmareke rêexistin hatibûn damezirandin. Rêexistinêن mijara gotinê; hem li Stenbol, hem jî li bajar û navçeyêن Kurdistanê, xwe birêexistin dikirin û xebat di-

meşandin.

Dema ku rêxistinên kurd ên bi navê Cemiyeta Tealî ya Kurdistan, Teşkilat Îctîmaiye a Kurd û grûpa netewî ya kurd, ji bo azadiya gelê kurd xebatêن xwe dimeşandin, bermahiyêن artêşa osmanî yên di bin fermandarêya Mistefa Kemal de ji bo zindîkirina desthilatdariyeke nû, ketibûn nava hewldanan. Ataturk, xebatêن xwe yên ji bo damezirandina dewleteke nû, li Kurdistanê dida meşandin. Serkeftina Ataturk, girêdayî alîkarêya axa û şêxên kurdan bû. Ji ber vê yekê, bi rayedarêن kurdan re peywendî pêk tanî.

Di destpêkê de ev peywendî li ser navê sultanê osmanî pêk dihatin. Ji ber vê sedemê jî, alîkarêya kurdan bi şêweyekî asayî bi dest dixist. Gotinêن Ataturk, di vê demê de bal dikişandin. Ji ber vê yekê, gelê kurd bi her awayî destek dida tevgera wî. Şerên li dijî îngilîz, fransiz û yewnaniyan hatine dayîn, bi alîkarêya kurdan bi ser ketîne.

Rewşa beşên din ên Kurdistanê jî, ji yên Bakurê Kurdistanê, ne pir cuda bû. Heman nêzîkatiyêن xapandinê, li aliyêن Başûr û Rojhilate Kurdistanê jî hebûn. Di van beşan de hêzên Îngilîzstan û yên Iranê, ji bo ku gelê kurd ji tevahiya mafêن civakî û demokratîk bêpar bihêlin, hemû cudahiyêن ku hene, bi kar tanîn.

Ji berêya Şerê Cîhanê yê Yekem rewşa Osmaniyan:

Hêzên kapitalîst û nûjentiye, bi taybetî ji sedsala 19. û pê de li dijî dewleta Osmanî ku weke Rojhilata Navîn a pêvajoyê dihat peji-randin, ketibûn nava şerekî mezin ê desthilatdariyê. Di vê demê de sedema herî girîng a li ser piyan mayîna dewleta Osmanî, ku ji aliyê rûsan ve weke mirovê nexwêş dihat binavkirin; li ser osmaniyan li hevnekirina dewletêن mezin ên pêvajoyê, yên weke; Îngilistan, Fransa, Awûstirya, Hingarêya û Rûsyayê bû. Bi taybetî, Îngilistan heta şerê 1877'an yên di navbera rûs û osmaniyan de ji bo ku osmanî hil-neweşin, gelek xebitiye. Piştî vî şerî, êdî Îngilistan têdigihêje ku li ser piyan girtina osmaniyan, ne gengaz e û wan bi xwe dest bi dagirkirina Qibrîsê kirin. Osmanî jî, ji vê pêvajoyê û pê de ji bo parastina xaka xwe, xwe zêde nêzî dewleta Almanyayê ya ku yekîtiya xwe ya netewî nû pêk aniye, dike û di şerê parvekirina cîhanê de bi paş de maye.

Dewleta Almanya û Îtalyayê, ji dewletêن weke; Îngilistan, Fransa,

Îspanya, Portekîz û Holandayê pir derengtir ketibûn rewşa netew dewletê. Her wiha, ji vir û pê de weke du hêzên nû derdiketin holê. Dixwestin, di parvekirina cîhanê de bibin xwediyyê gotinê. Bersiva dewletên emperialist a ji bo wan, wê neyînî be. Ev jî, dibû sedema derketina holê ya eniyan.

Li aliyekî dewletên hevpeymanê yên ku ji dewletên weke; Îngilistan, Fransa û Rûsyayê pêk dihat û li aliye din jî dewletên hevgirtî yên ku ji dewletên weke; Almanya, Awûstirya, Hingarêya, Bûlgaristan û Osmanî pêk dihat. Ïtalya, destpêkê li cem Almanyayê cih digirt, lê piştre li beramberî hin berjewendiyen, derbasî nava hêzên hevpeymanê dibe. Xakê van her du eniyan, ku li ser şer dikirin, xakê di bin desthilatdarêya osmaniyan de bûn. Li Balkanan pevçûnên Rûsyâ û Awûstirayê, li ser tengavan şerê desthilatdariyê yê Rûsyâ û Almanyayê, hewldanên Îngilistan yên parastina ewlekarêya riyên Rojhilata Nêzîk ên ku diçûn Hindistanê û planên Fransayê yên li ser Sûriyeyê û pirsgirêkên parvekirinê, pirsgirêkên bingehîn ên bi şer çareserkirina wan dihatin xwestin, bûn.

Ev şer, bi kuştina kurê Serokê Imperatorêya Awûstirya-Macaristanê ve dest pê kiriye. Li ser vê bûyerê, di 28'ê Tîrmeha 1914'an de Awûstirya û Macaristan li dijî Sirbistanê şer ragihand. Şerê Cîhanê yê Yekem, bi awayekî fermî êdî dest pê dike. Osmanî jî, bi alîkarêya ku ji Almanyayê wergirtiye, di 29'ê Cotmeha 1914'an de bi êrîskirina li ser Rûsyayê ve tevlî şer dixin.

PIRSÊN NIRXANDINÊ

- 1.** Welatê kurdan kengî dibe qada şerên giran û di navbera kê de?
- 2.** Xwesteka hêzên ku tevlî şerên cîhanê bûne, çi bû?
- 3.** Lewazbûna bandora birêveberêya osmanî, rê li ber çi vekiriye?
- 4.** Çima Ataturk, bi rayedarên kurdan re peywendî pêk anîne?
- 5.** Osmaniyan ji bo ku xaka xwe biparêzin, çi kirin?

WANE 2

TÊKÇÛN Û HILWEŞÎNA OSMANIYAN A DI ŞERÊ CÎHANÊ YÊ YEKEM DE

Imperatorêya osmaniyan bi destpêkirina Şerê Cîhanê yê Yekem re, wisa hizirî ku erdên ji dest wê derketine, wê dubare bistîne. Herî kêm, armanc dike ku erdên di destê wê de bi dest bixe.

Îtihad û Terakî, politikayeke nêzî ya almanan hebû. Ji ber vê yekê, dixwaze li gel almanan tevlî şer bibe. Padîşahê osmanî û hin zila-mên dewletê, dixwazin li gel dewletên hevpeymanê cih bigirin, an jî bêalî bimînin. Lê, bi lîstok û bêbextiyeke Îtihad û Terakiyê, osmanî bi neçarî di 30'ê Cotmeha 1914'an de li gel dewletên hevgirtî tevlî şer dixin. Dewleta osmanî di gelek eniyan de dikeve nava şer. Piraniya van eniyan winda dike. Tenê di şerê deryayê yê Çanakaleyê de serkeftinê bi dest dixe. Di heman demê de bi van şeran re rewşa gel bêhtir ber bi xerabiyê ve diçe. Bi sed hezaran mirov di şeran de û ji birçîbûnê dimirin. Di dema vî şerî de ermenî û rûm, rastî qirkirinê tê. Hemû gel, ji vî şerî û polîtîkayêne û Terakiyê, ziyanê dibînin. Di encamê de li gel dewletên hevgirtî osmanî jî, di vî şerî de winda dikin. Osmanî, piştî vî şerî parce dixin. Di 30'ê Cotmeha 1918'an de di navbera dewletên hevpeymanê û osmaniyan de Peymana Agirbesta **Mondrosê** hat muhrkirin.

Xalêن girîng ên peymanê, ev in:

1. Wê artêşa osmanî bê belavkirin û çek bêñ radestkirin.
2. Tengav, wê ji aliyê dewletên hevpeymanê ve bêñ kontrolkirin.
3. Dewletên hevpeymanê, dikarin cihêñ ku ewlekarêya wan dixe metirsiyê, dagir bikin.
4. Eger, li kijan ji her 6 bajarêñ Rojhilatê Anatoliyê pirsgirêk derkevin, dewletên hevpeymanê dikarin wî dagir bikin.
5. Bi vê hevpeymana agirbestê re, Kurdistan ji aliyê Îngilîz û Fransayê ve hatiye dagirkirin. İtaliyan, peravêñ Deryaya Spî vegirtin. Aliyê Egeyê jî, ji aliyê Qraliyeta Yewnanistanê ve tê bideşxistin. Ji derveyî vê Îngilistan Stenbolê, tengavan, Trakya û Sînopê jî bi dest dixe.
6. Îngilistan nîvgirava Erebistanê, Îraq, Başûrê Kurdistanê û Colemêrgê jî, dagir dike. Franse jî Libnan, Sûriye, Rojavayê Kurdistanê, Semsûr, Riha, Dîlok û Mereşê dagir dike.

PIRSÊN NIRXANDINÊ

- 1.** Piştî qedandina şer, dewleta Osmanî çi hêvî dikir?
- 2.** Polîtîkeya Itîhad û Tereqî çi bi serê gelan de anî?
- 3.** Xalêن Peymana Modrosê diyar bike?

WANE 3

PEYMANÊN KU LI DIJÎ KURDAN HATINE ÇEKIRIN (1)

Peymana Sykes-Pîcot (16'ê Gulana 1916):

Dema ku Îngilistan di sala 1915'an de Nîvgirava Erebistanê da9 gir dike, Şerîfê Mekehê Hiseyn ê ku li dijî osmaniyan serî hildaye, destek dike û li ser xaka Îraq û Filistînê damezirandina dewleteke ereb a girêdayî xwe armanc dike. Her çi qas Fransa li dijî vê planê derdikeve jî, di dawiyê de ev peyman tê mohrkirin. Li gorî vê peymana ku li ser navê Îngilistanyê Mark Sykes û li ser navê Fransayê Georges Pîcot besdar bûye û Rûsyâ jî erê kiriye, ev biryar tê girtin:

1. Trabzon, Erzirom, Wan, Bedlîs û beşek ji Başûrê Rojhilatê Anatolyayê digihaşt Rûsyayê.
2. Herêma Rojhilatê Deryaya Spî, Edene, Dîlok, Riha, Amed, Mûsil û Peravên Sûriyeyê, wê bigihaştana Fransayê.
3. Bendavê Heyfa û Akko, Bexda û Başûrê Mezopotamya wê bigihaştina Îngilîstanê.
4. Li ser xakênu ku gihaştin Îngilîstan û Fransayê, wê Konfederasyona Dewletên Ereb, an jî dewleteke ereb a ku girêdayî Fransa û Îngilistanyê hatibûya damezirandin.
5. Filistîn, ji ber ku cihekî pîroz bû, wê li wir birêveberiyeke navnetewî hatibûya damezirandin.

Kurdistan jî di nav de tevahiya Rojhilata Navîn, li gorî daxwaza xwe parce parce kirine, bi peymanên piştî şer zêdetir tê xurtkirin û Rojhilata Navîn ji wê rojê heta roja me, dixin nava aloziyeke mezin.

Şerê ku çar salan dom kir, bi serkeftina dewletên Hevpeyman ên alîkarêya Amerîkayê jî bi dest xistin, encamdar dibe. Piştî şer, di Konferansa Aştiyê ya Parîsê de ku ji aliyê Îngilistan, Fransa û Amerîkayê ve çêdibû, biryara peymanên ku bi dewletên têkçûne re tê pêkanîn, tê girtin.

Li gorî vê; bi almanya, awûstirya, bûlgaristan, macaristan û osmaniyan re Peyman tê mohrkirin.

Konferansa Qahîreyê:

Ev konferans, di Adara 1921'ê de hatiye çêkirin. Di vê konferansê de ji aliyê Îngilîstan û Fransayê ve parçekirina Rojhilata Navîn û

Mezopotamyayê hatiye erêkirin. Li ser bingeha parçekirina Kurdistanê, damezirandina dewletên Tirkiye, Îran, Îraq û Sûriye di vê konferansê de dibe biryar. Di encama vê konferansê de Îraq û Erebistana Siûdî digihaştin Îngilistan, Sûriye û Lubnan jî digihaştin Fransayê. Di encama vê konferans û peymanan de ramyarêya çar dewletan a li hemberî kurdan hatiye zelalkirin.

PIRSÊN NIRXANDINÊ

- 1.** Di Peymana Seykes Pîcot de çi biryar têñ dayîn?
- 2.** Çîma birêveberêya navnetewî, li Filistînê hatiye damezirandin?
- 3.** Konferansa Qahîreyê, li ser kîjan bingehî û ji aliyê kê ve çêbûye?
- 4.** Konferansa Qahîreyê, çi encam dane?

WANE 4

PEYMANÊN KU LI DILÎ KURDAN HATINE ÇEKIRIN (2)

Peymana Sewrê (10'ê Tebaxâ 1920):

Li bajarê Sewrê yê nêzî Parîsê, hêzên hevpeymanê bi Dewleta Osmanî re peymana Sewrê mohr dikan. Ev peyman, ji bo osmaniyen bendêن pir giran hildigire û ji bo gelên herêmê jî çandina tovê bêtifaqiyê ye. Hin bendêن girîng ên vê peymanê, ku bi giştî ji 433 bendant pêk hatibûn, ev in:

1. Rojhilate Trakyayê û rojavayê Anatolyayê, wê ji bo Yewnanistanê hatibûna hiştin.
2. Bajarêن Mêrdîn, Riha, Dîlok û tevahiya Sûriyeyê, wê ji Fransayê re mabûna.
3. Girava Rodos û Dozdeh Girav para Îtalyayê diketin. Giravêن Deryaya Egeyê ji Yewnanistanê re diman.
4. Erebistan, Mûsil û Îraq, wê ji Birîtanyayê re mabûna.
5. Wê Başûrê Rojavayê Anatolyayê gihaştibûna Îtalyayê.
6. Wê li ser xaka Kurdistanê, dewletêن Ermenistan û Kurdistan hatibûna damezrandin.
7. Tenê bajarê Stenbol û çend bajarêن li derdorê, ji bo osmaniyen dihatin hiştin.

Bendên vê peymanê yên li ser kurdan jî, wiha ne:

(**benda 62**): Cihêن ku hejmara niştecihêن wan piranî ji kurdan be, dê herêmeke xweser bihata damezrandin. Nûnerên dewletêن Îngilistan, Fransa û Îtaliyayê ji bo pêkanîna vê hevpeymanê dê xebat bidana meşandin.

(**Benda 63**): Dewleta Osmanî neçar e vê plana xweseriyyê ya ji ali-yê komîsyonê ve hatiye pêşniyarkirin, di nava sê mehan de derbasî meriyetê bike.

(**Benda 64**): Heger netewa kurd di nava salekê de biryara xwecûda-kirina ji dewleta Osmanî bigire û bixwaze dewleteke serbixwe damezrîne, pêwîst e vê daxwazê bigihîne Koma Netewan. Heger Koma Netewan jî biryar bide ku kurd dê karibin xwe bi rê ve bibin, wê demê pêwîst e dewleta Osmanî, hêzên xwe ji herêmên kurdan vekişîne. Lê tevî ku Peymana Sêfrê li ser kaxezê mabe jî, di pêşke-tina pirs-

girêka kurdî de xwedîcihekî girîng e. Di dîrokê de cara yekem bû ku di belgeyeke dîplomatîk de, bi giştî di herêmeke ku kurd tê de dijîyan, gelê kurd dibû xwediyê mafêñ xweseriyê.

Peymana Enqere (5'ê Hezîrana 1926):

Peymana ku piştî serhildana Şêx Seîd, di navbera Tirkîye û Îngilistanyê de hatiye çêkirine. Di wê demê de pirsgirêka bingehîn, pirsgirêka Mûsil û Kerkûkê ye. Ev her du bajar, piştî Peymana Mondros a bi osmaniyan re hatiye mohrkirin, ji aliyê îngilîzan ve hatibû dagirkirin. Lê dema ku Komara Tirkîyeyê tê damezirandin, van bajaran di çarçoveya Mîsak-î Mîlî de dixwaze.

Ji bo çareserkirina pirsgirêkê, di sala 1924'an de pirsgirêkê dibin Netewên Yekbûyî. Li vê derê, piştî lêkolîneke şes mehan, bîryara referandûmeke giştî tê standin. Lê ji ber ku Îngilistan bi tundî li dijî vê derdikeye, referandûm pêk nayê. Li vir gotinêñ sereke yêñ îngilîzan wiha ne: "Ji ber ku kurd civakeke hov û nezan in, ev referandûm bêwate ye. Ji ber vê yekê, hinek din dikarin wan bi kar bînin. Serhildana Şêx Seîd a 1925'an derfeta ku Îngilistan dixwest, pêk anî. Ev serhildan, li dijî dewleta tirk weke amûra gefê hatiye bikaranîn. Li hemberî vê rewşa ku derketiye, dewleta tirk ditirse û bi mercêñ ku Îngilistan alîkarêya serhildanê neke, dest ji mijara Mûsil û Kerkûkê vedikişîne. Piştî ku serhildan tê çewisandin, her du alî di 5'ê Hezîrana 1926'an de peymanekê mohr dîkin. Bendêñ peymana Enqereyê, ev in:

1. Îngilistan, wê piştgiriyeke tam bide ramyarêya Tirkîyeyê ya li dijî kurdan.
2. Sînorêñ Colemêrgê, wê ji nû ve werin sererastkirin.
3. Tirkîye, wê Konferansa Qahîreyê nas bike.
4. Mûsil û Kerkûk, wê girêdayî Îraqê bimînin.
5. Îraq, petrola ku ji vê herêmê bi dest dixe, wê ji bo 25 salan ji %10'ê wê, bide Tirkîyeyê.
6. Wê li herêmê bi Îngilistanyê re ramyariyêñ hevbeş werin meşandin û Tirkîye dev ji sînorêñ Mîsak-î Mîlî berde.

PIRSÊN NIRXANDINÊ

- 1.** Peymana Sewrê, bi kê re hat mohrkirin û çima?
- 2.** Sê bendên Peymana Sewrê, diyar bike.
- 3.** Bendên Peymana Sewrê yên der barê kurdan de kîjan in?
- 4.** Peymana Enqereyê, kengî û di navbera kîjan hêzan de hatiye pêkanîn?
- 5.** Bendên Peymana Enqereyê, diyar bike?
- 6.** Peymana Enqereyê, di kîjan rewşê de hatiye çêkirin û bandoreke çawa diafirîne?

WANE 5

REWŞA KURDAN A PIŞTÎ SALA 1920'AN

Ramana netew-dewlet a modernîteya kapitalist, bîrdoziya jehra netewperestiyê di nava gelan de pêş xist. Ji aliyê ramyarî, civakî, aborî û çandî ve, bandorên xwe li ser civakan pêş xistin. Weke ku li her devera Cîhanê gelên ketine xefika jehra netewperestiyê, weke ku bûne neyarê gelên din, netew dewlet jî, ji bo çandên gelên din tune bike, êrîşeke bipergalî ya tunekirin, mandelekirin û pişaftinê daye destpêkirin. Di encama vê yekê de ji berêya modernîteya kapitalist, tevî ku kurd bi windakirinê re rû bi rû mane û li hemberî hebûna wan a netewî jî êrîş zêde bûne, xweserêya xwe ya heye domandine. Dema ku mirov tê destpêka sedsala 20'an serdestên, tirk, ereb û faris ku bi ramana netew dewletê û jehra wê, şêwazê xwe girtin, bikaranîna civakên di bin bandorêya xwe de li hemberî kurdan bi awayekî pergalkirî polîtikayê qirkirina çandî û fizîkî meşandin. Di encama vê yekê de kurd di bin banê netew-dewletên, tirk, ereb û farisan de bi bergiriyên giran re rû bi rû mane. Dema ku em tê çaryeke sedsala 20'an a ji bo hebûna xwe ya netewî ku bi temamî bi rewşeye windakirinê re rû bi rû maye. Di encama polîtikayê netew-dewletên tirk, faris û ereban ên mandelekirinê de, kurd ketibûn rewşeye tunekirinê.

Parçekirina Kurdistanê û bêstatû hiştina Kurdan:

Di sedsalên 19 û 20'an de hêzên desthilat ji bo ku dewletên osmanî û Îranê yên ku têkçûne bi kar bînin, kurd bi kar anîn. Lewma, li ser kurdan komkujî û qirkirin hatin meşandin. Kurd weke gelê di serdema navîn de dijiyan, bê statû hatin hiştin. Li gorî vê, polîtikayeke ku du sedsalan bidome, hat bernamekirin û heya niha jî, tê meşandin. Ya rastir, ew e ku emperyalîzma di nava pergala Rojhilata Navîn de dimeşand, li ser tunekirina kurdan pêş ket. Ji ber vê yekê, dîroka kurdan a van 90 salên dawî, wisa ye ku di tu şaristaniyan de nehatiye dîtin, bi biyanîbûn, kuştin û tunekirinê re dagirtî ye. Mêtingerêya emperyalist, di parvekirina Rojhilata Navîn û cîhanê de kurd kirine çar parce û bê statû hiştine. Nehîştiye ku kurd bi serê xwe bibin hêzeke ramyarî û bi gelên herêmê re jiyaneye hevpar bijîn. Îngilîzan têkiliya kurdan a ramyarî bi gelên din re, weke metirsîyekê ji bo hebûna xwe dîtiye. Ev têkilî, ji ber gelên dîrokî yên bi hev re jiyaneye, herî zêde

dikarîbû bi tîrkan re bîhatana meşandin. Ji ber ku, di berxwedana pêşî ya li hemberî fransiyen de li bajarênu kurd tê de dijîn, li Riha, Dîlok û Mereşê pêş ketin. Her wiha, destpêkirina yekem a şerê rizgariyê, di 1919-1920'an de bi kongreyêن Sêwas û Erziromê dest pê kiribû û bi yekîtiya kurd û tîrkan re ber bi avakirina komarê ve bi encam dibe. Ev yekîti, Îngilistanyê dixe nava metirsiyê.

PIRSÊN NIRXANDINÊ

- 1.** Netew-dewlet, ji bo ku çandêن gelan tune bikin, ci dikin?
- 2.** Serdestêن tirk, ereb û faris, jehra netew dewletê, çawa li hemberî kurdan meşandine?
- 3.** Dîroka kurdan a van 90 salêن dawî, çawa derbas bûye?
- 4.** Parçekirina Kurdistanê, bi kurtasî veke.
- 5.** Dewlemend û sermiyandarên kurd û cihûyan, peyman bi kê re çêkirin û ev peyman xwe li ser kîjan bingehî girtiye?

WANE 6 ŞERÊ RIZGARÊYA NETEWÎ Û AVAKIRINA KOMARÊ

Netewperestiya Anatolyayê, bi pêşengtiya Mistefa Kemal pêş dikeve. Ev, weke hevkarêya şerê rizgarêya netewî tê binavkirin.

Rista kurd û cihûyan a damezirîneriyê jî hebû. Dewlemend û sermiyandarên kurd û cihû jî, bi çinêñ jor ên tirk re peyman çekirin. Lê xirîstîyan, li derveyî vê peymanê bûn û dibûn armanca wan. Vê peymanê, bingeha xwe ji Îttîhat û Terakiyê girtiye. Di sala 1919'an de Etaturk ji bo ku piştgirêya kurdan bistîne, 30 nameyan ji şêx û begêñ kurdan re dişîne. Di van nameyan de dibêje:

«Em dest bi şerê rizgarêya Anatoliyayê bikin û ev şer dê li ser navê xelîfê Osmaniyan be. Dema ku şer bi dawî bibe, em ê weke du gelêñ dost, vî welatî bi rê ve bibin.»

Li ser vî bingehî kongir têñ lidarxistin û 30 beg û şêxên kurd şerê rizgarêya Anatoliyayê dipejirînin. Di wê demê de rûs jî piştgirêya tirkan dike da ku dewleta xwe ava bikin. Lê îngilîz bi tirkan re danûstandinan dikin. Li ser bingehê van danûstandinan îngilîz ji tirkan dixwazin xwe ji rûsan qut bikin û girêdayî Rojava bimînin, ji bo ku hevpeymana Sêfrê bê bandor bimîne û dewleteke tirkî ava bibe.

Bi vî awayî di sala 1923'an de peymana Lozanê şane dikin. Di vê demê de kurdêñ Bakur bi rengekî nêzîk dîbin û yên Başûr bi rengekî din nêzîk dîbin. Li Bakur beşek ji kurdan piştgiriyê didin şerê Anatoliyayê û beşeke din jî li dijî wan radibin. Milê Koçgiriyê yê Dêrsimê tevlî şerê Anatoliyayê nabe û dibêjin ku em ê Kurdistanê serbixwe ava bikin, ji ber vê yekê di sala 1920-1921'ê de serhildana Koçgiriyê li dar dikeve.

Peymana Lozanê:

Di encama Şerê Rizgariyê de dema ku Peymana Sewrê hat rewşike bikaranînê, peymana nû jî bûye Peymana Lozanê. Bi vê peymanê re, hin pirsgirêk hatin çareserkirin û hin jî, di peymanêñ pişt re de hatin çareserkirin. Pirsgirêka herî zêde hatiye gotûbêjkirin jî, mijara sînoran bû. Sînorêñ Tırkiyeyê yên başûr ji berêya wê, di 1921'ê de bi peymana Enqereyê ya bi Fransayê re hatibûn diyarkirin. Ev, piştî peymana Qesrî Şîrîn, belgeya fermî ya parçekirina Kurdistanê ye. Bi

vî awayî, sînor hatibûn binpêkirin. Ev sînor, bi peymana Lozanê jî dihat erêkirin. Dema ku bi Îraqê re sînor têni diyarkirin, hîn jî di mijara Mûsilê de lihevhatinek çênebûye. Ji ber ku Mûsil xwedî dewlemendiya petrolê ye, her tim bûye pirsgirêk. Bi peymana Sykes-Pico a ku axa osmanî parve kiriye, eyaleta Mûsilê ji Îngilistanyê re hatibû hiştin.

Îngilistan, naxwaze dest ji herêmên ku piranî şeniyên wan kurd in, berde. Bermahiya osmaniyan a bi navê Komara Tirkiyeyê jî, naxwaze ku dest ji heman heremê berde. Sedema vê jî, dewlemendiya heremê ye ku her du dewletên dagirker jî, dixwestin bibin xwediyê vê heremê. Ji ber vê yekê, Konferansa Lozanê heyâ tê wajokirin 8 meh dem derbas dibe. Lê belê, dîsa jî pirsgirêk bi temamî çareser nabe. Ger pirsgirêk çareser nebe, wê demê çareserî ji Komeleya Netewan re hiştin weke xalekê tê destgirtin. Ji ber vê yekê, mijar tê pêşiya Komeleya Netewan. Tirkiye jî, ji ber ku bawerêya xwe bi piranî şeniyên kurdên ku li herêmê dijîn tuneye, referandûmê pêşniyar dike. Lê ev pêşniyar, ji aliyê Îngilistanyê ve nayê pejirandin. Ji aliyê Komeleya Netewan ve komisyona ku hatiye avakirin raporekê amade dike, pêşniyar dike ku Mûsil ji Îraqê re bimîne. Divê mafê kurdên li wir dijîn jî, were dabînkirin. Ev rapora ku Komeleya Netewan di Kanûna 1925'an de pejirandiye, di vê çarçoveyê de bi peymana Enqereyê ya di 5'ê Hezîrana 1926'an de jî, tê pejirandin. Weke xalekê jî, wê Tirkiye 25 salan ji petrola Mûsilê ji sedî 10 par bigire. Lê belê, Tirkiye wê di berdêla 500 hezar pereyan de para xwe ji Îngilistanyê re bihêle. Bi Peymana Lozanê re Kurdistan dibe çar parce. Gelê kurd jî, ji vê parçebûnê para xwe digire û dikeve bin destê çar desthilatdarêyan. Ev parçebûn, parçebûna di navbera kurdan de kûrtir dike. Ew dewletên dagirker jî, weke yek polîtikayê li hemberî gelê kurd polîtikaya qirkirin û tunekirinê dimeşînin. Ev polîtika jî, ji bo pêşeroja kurdan metirsîyeke mezin ava dike.

PIRSÊN NIRXANDINÊ

- 1.** Ji birûskên ku Mistefa Kemal ji navçeyê Kurdistanê re şandine, çi diyar dibe?
- 2.** Xwespartina kurdan li dewletên rojavayî, li ser daxwaza kê pêk hat?
- 3.** Helwestên kurdan li her aliyê Kurdistanê li himber peymana lozanê, çi bû?
- 4.** Ji bo Mûsilê çi biryar hate standin?

BEŞA 4

- * RAPERÎNA KOÇGIRÎ
- * KOMELEYA AZADIYÊ
- * SERHILDANA ŞÊX SEÎD
- * SERHILDANÊN DIN ÊN DI DEMA KOMARÊ DE
- * SERHILDANA AGIRIYÊ
- * KOMKUJÎ Û SERHILDANA DÊRSIMÊ
- * ŞERÊ CÎHANÊ YÊ DUYEM

WANE 1

RAPERÎNA KOÇGIRÎ

Ji malbatên Koçgirî yên mala Mistefa Paşa, kurên wî Heyder û Elîşan Beg bi Stenbolê re têkildar in, wê demê weke rewşenbîr tên nasîn. Elîşer nêzîkî malbata Mistefa Beg e, ku li ser Dêrsimê jî, bandora wî heye. Di dema şerê Cîhanê yê Yekem de bi artêşa Rûsyayê ya ku heya Erzinganê hat, bi pêşengên Rûs re li ser mafê kurdan hin hevdîtinan çêdike. Têkiliyêن wan bi komeleya Tealî ya Kurd re jî hene. Di derbarê mafêن Peymana Sewrê de jî, agahdar in. Li ser vê yekê û ji bo bidestxistina mafêن kurdan xwestekêن xwe ji bo Hikumeta Enqereyê di rêya nameyekê re dînivîsin.

Xalêن ku di namê de hatin diyarkirin, ev in:

- > Destpêkê, wê li Dêrsimê rizgarêya kurdan were ragihandin.
- > Wê li Hozatê, ala kurdan bê hildan.
- > Hêza parastinê ya kurdan, wê li ser xeta Erzingan, Elezîz û Meletiyê ber bi Sêwasê ve tev bigere.
- > Wê ji Hikumeta Enqereyê, nasîna rizgarêya kurdan were xwestin.
- > Divê di derbarê Kurdistanâ xweser de hikumeta Mistefa Kemal bersivê bide.
- > Xweserêya Kurdistanê ya ji aliyê Hikumeta Stenbolê ve hatiye pejirandin, wê Enqere binase, yan na.
- > Divê kurdêن ku di zîndana Elezîz, Meletî, Sêwas û Erzinganê de ne, serbest bêن berdan.
- > Ji bajarêن ku piraniya şêniyêن wan kurd in, karmendêن tirk werin kişandin.
- > Yekîneyêن ku ji bo herêma Koçgiriyyê hatine şandin, bi paş de werin kişandin.
- > Her wiha, kurdêن li rojavayê Dêrsimê û eşîrên li wir, di 25'ê Mij-dara 1920'an de serî li meclîsa tirk bidin.
- > Dibêjin ku li gorî peymana Sewrê, divê li Amed, Wan, Elezîz û Bedlîsê Kurdistanêke serbixwe were avakirin. Ger nebe jî, ev maf wê bi zora çekdarî were stendin.

Birêveberêya Enqereyê weke bersiv, desteyekê ji Elezîzê dişîne Dêrsimê. Desteya ku hatî şandin, daxwazêن kurdan di cih de û bimaf

dibîne. Lê dîsa jî ji wan dixwaze dev ji tevgera xwe berdin. Birêve-berên kurd van kesan diqewitînin. Piştî demeke din bi rêya parêzgarê Elezîzê ji bo encumena Enqereyê, telgirafeke ku ji aliyê serokêlên kurd ên Dêrsimê ve hatî şanekirin, tê şandin. Di vê telgirafê de wiha tê gotin:

”Li gorî peymana Sêfrê pêwîst e li bajarê Amed, Elezîz, Wan û Bedlisê, Kurdistanê azad bihata damezirandin. Pêwîst e ev biryara di demeke kurt de pêk bê. Berovajî vê, em ê neçar bimînin ku vî mafî bi hêza leşkerî, bi dest bixin.»

Ramiyarêya dewleta Tirkiyeyê:

Raperîn bi râbertya pêşengê êla Koçgirî, Elîşêr û Dr. Nûrî Dêrsimî dest pê dike. Hikumeta Enqereyê ji bo Elîşêr qezenc bike, parlament-erêya Sêwasê dispêre wî, tevî ku pêşî pejirandiye jî, bi bergerêya Dr. Nûrî Dêrsimî, jê vedigere.

Dema ku amadekarî temam dibin, di Tîrmeha 1921'ê de êrîş dibin ser qereqolekê. Hikumeta Enqereyê ji bo pêşîya raperînê bigire, Li Dêrsimê Ataturk serokêlên kurdan dike parlementer, ji bo ku yekîtiya kurdan xerab bike.

Destpêkirina Serhildanê:

Piştre kurdên Koçgiriyyê jî dest bi serhildanê kirin. Hêzên kurdî herêmên xwe ji leşker û karmendên tirkan paqij kirin û gelek navçe ji destê wan derxistin. Li aliyê din li dijî tevgera kurdî seferberiyê radîghînin, leşkeran kom dikin, rewşa awarte radîghînin û pirên di navbera bajaran de qut dikin. Di navbera her du aliyan de şerên dijwar dest pê dikin. Kurdan bi hemû derfetên xwe ji mîr, jin, pîr û zarokan li dijî êrîşen tirkan, herêmên xwe diparastin. Bi sedema bikaranîna çekêن giran, şervanên kurd neçar dibûn xwe bi paş de vekişînin. Ji ber vê yekê birêveberên serhildanê, biryara dûrxistina jin û zarokan stand. Ev jin û zarok dê derbasî herêma Dêrsimê bikirana.

Piştre Heyder Beg bi 2000 leşkerên kurd bi hêzên Dêrsimê re dibe yek; dikeve rê, bi şer derbasî Koçgiriyyê dibe û şer bi leşkerên tirk re berdewam dibe.

Di bin fermandarêya serokçeteyê bi navê Topal Osman de, jin û zarakên kurdan tênu kuştin. Gundêñ wan tênu şewitandin û dest datînin ser hemû derfetên wan ên aborîyî.

Lê piştî demekê Heyder Beg dikeve kemînê û di encamê de bi 400 leşkerên xwe dîl têñ girtin.

Encam:

Ji vir û pê de kesayetêñ lawaz û dûdilî yek bi yek xwe ji refêñ şoreşê dûr dixin, yan jî xwe radestî dijmin dikin. Hêzêñ kurdî yên di bin pêşengiya Elî Şêr, Dr. Nûrî Dêrsimî, Elî Şan û yên din de her ku diçû lawaz dibûn. Di rewşeke wiha de yek rê ji bo berxwedêran dima; bi şer derbasbûna çiyayêñ Dêrsimê û li wê deverê ji bo serhildaneke din xwe amade bikin.

Hikûmeta Enqereyê ji bo ku serhildanê biperçiqîne bi fermandarêya Nûredîn Paşa artêşeke mezin dişîne herêmê. Tê gotin ku Nûredîn Paşa dema tê herêmê dibêje: "Çawa ku min yên ku digotin ZO (mebest ji vê peyvên ermenî ne) min ji holê rakirin, niha jî yên ku dibêjin LO (mebest ji vê peyvên kurdî ne) ez ê wan ji holê rakim." Di navbera êlên kurd û artêşê de şerên mezin rû didin. Raperîn di 17'ê hezîrana 1921'ê de bi temamî tê çewisandin.

Ev tevger tevî ku bibiryar bû jî, di nava xwe de pir lawazî dijiya. Ji nasnameya herêmî û êlî wêdetir neçû, negihişt girseyêñ mezin ên kurdî. Bi vî awayî qirkirin pêk hat:

- 1.** 500 serhildêren kurd hatin kuştin.
- 2.** 132 gund hatin şewitandin.
- 3.** 2 000 kurd ji gundêñ xwe têne koçkirin.

Dadgeha birêveberêya Cûntayê ya Sêwazê, Elîşan Beg, Heyder Beg, Elîşêr Beg û Zarîfe Xanim tevî 95 berxwedêran, bi cezayê sêdarê têñ darizandin. Her wiha 180 kesêñ din jî bi cezayê herdemiyê hatin darizandin.

Dr. Nûrî Dêrsimî encama vê raperînê, wiha dinirxîne:

”Şerê rizgarêya kurdan ê Koçgiriyê, pêvajoyeke şerê Kurdistanê bû, me bi wê re meydana şer winda kiribû. Lê belê, şer neqediya bû. Me bawer kiribû, ku em ê serkeftina dawî bi dest bixin. Hêvî û daxwaza me, tu caran helal nebûye”.

PIRSÊN NIRXANDINÊ

1. Sedema bingehîn ya raperîna koçgiriyê, diyar bike?
2. Xwestekên kurda ji bo hikumeta Engerê, ci bû?
3. Lawazbûna raperîna Koçgiriyê di kîjan xalan de diyar dibe?
4. Encamên serhildanê diyar bike?

WANE 2

KOMELEYA AZADIYÊ

Dema ku şerê rizgarêya Tirkîyeyê qediya û bi ser ket, sozên hatibûn dayîn, ji bîr bûn. Lê belê, di 1923'yan de rêxistineke ku navenda wê li Erziromê hat avakirin. Navê wê rêxistinê, Azadî bû. Hin kesên tê de cih digirtin ji serbazên Alayên Hamîdî yên kevn û hin jî, serbazên Kurdistanî yên di artêşa tirk de bûn.

Serokên Komeleya Azadiyê, ji serokê êla Cibran, Xalid Beg û Nûnerê Bedlîsê, Yûsif Ziya Beg bûn. Xalid Beg, di mektebêن êlî yên ji bo artêşa Hamîdiyan ava kiribûn de dixwend. Ji ber vê yekê, serokên êlan rêz didanê. Yûsif Ziya Beg jî, ji gelê Bedlîsê bû. Ji bo mecli-sa Enqereyê jî, weke parlementerê Bedlîsê hatibû hilbijartin. Bi vî awayî, karîbû li her derê bigere û bi pir kesan re têkiliyan çêke. Xalidê Cibranî, dixwest bi rêya serokê Komeleya Tealî ya Kurd Ebdilqâdir û parlementer Yûsif Ziya Beg re pirsgirêka kurd bibin Komeleya Netewan. Ji bo wê jî, komek efserên kurd amadekarî kirin. Piştî wê jî, kesên herêmê yên xwedî şeniyêne mezin hatin qezenckirin. Dema ku di 1923'yan de hilbijartin çêbûn, Yûsif Beg di bin kampanyaya xwe ya hilbijartinê de karê xwe bi hêsanî dikir û di vê navberê de di sala 1924'an de kongreya Komeleya Azadiyê ya destpêkê li dar xist. Di nava beşdarên kongreyê de Şêx Seîdê ku xwedî şeniyêke kur-dên zaza yên ku li bakurê Amedê dijîyan jî hebûn. Şêx Seîd, ji wan kesên ku li hemberî polîtikayênen Hikumeta Enqereyê bê guman in û her gav bi zimanekî tund rexne dike û dide xuyakirin ku pêwîst e li hemberî Enqereyê şer bê kirin. Bi vî awayî Xalid beg hewl dide ku vî kesî jî, qanîh bike û hêza wî tevlî serhildanê bike.

Di vê kongreyê de hin biryarêng hatin girtin:

Raperîneke ku hemû êlên herêmê tevlî bibin, wê were destpêkirin û li gorî vê jî, wê serxwebûn bê ragihandin. Raperîn wê were plankirin, her kes li gorî jê tê hêvîkirin, wê agahiyê bistîne. Ji ber ku raperîn demeke dirêj dixwest, dîroka raperînê jî, weke 1925 tê diyarkirin. Bi vî awayî Xalidê Cibrî yên ku wê demê ji Cizîrê heta Şirnax, Botan û Behdînanê li ser sînor berpirsyarê leşkerî yên tirkan bû. Hevedîtinan bi alayên ku li ser sînor çêbûne, pêk tîne, da ku çek û leşkeran peyda bike. Ji ber ku armanç kiribûn ku dê ji başûr ber bi bakur ve, dest bi

raperînê bikin. Navenda wan ya rêexistinkirina leşkeran, Beytulşebab bû. Piştre Xalidê Cibrî diçe milê Serhed, Amed û Bedlîsê ji bo ku hevdîtinan bi êl û şêxên wan deveran re çêke û herî dawî diçe Erzirûmê. Bi xwarziyê xwe re yê ku li navenda Beytulşebab dima (amadekirina leşkerî dikir) têkildar bû. Di rêya teligrafê re her dem hev agahdar dikirin. Lê nameyeke normal digihêje xwarziyê Xalidê Cibrî, ew jî wê nameyê şas fêm dike û bêyî ku kesek agahdar be, êrîşî qereqolên tirkan dike. Di gumana wî de ku serhildan dest pê bûye. Li hember vê êrîşê, tirk Beytulşebab dorpêç dikan û şer bi çend alayên ku tevlî raperînê bûne re, dikan. Ji ber ku tirkan dewleta xwe nû ava kiriye, naxwazin nermahiyeck çêbibe, ji ber vê yekê çi hêza wan a heyî, dê bi ser raperînê debihata şandin. Êdî yê ku ji serhildêran tê kuştin, tê kuştin û yê din jî xwe radestî tirkan dikan û beşek jî direvin başûr. Dema hin ji serhildêran têne girtin û lêpirsîn bi wan re tê kirin, li cihê Xalid Beg mikur tê. Xalid Beg li Erzirûmê tê girtin û di roja 14 nîsana 1925 de ligel Yusif Zîya Beg û zavayê wî Elî Riza, her wiha, zavayê wî yê din Faîq û Mela Evdirehman li Bazara Bidlîsê hatin darvekirin.

Ev raperîn raperîna yekem e piştî avakirina Komara Tirkîyeyê, lê li ser şasfemkirinekê bi dawî dibe.

PIRSÊN NIRXANDINÊ

- 1.** Komeleya Azadiyê, li kû û li ser destê kê ava bû?
- 2.** Helwesta Şêx Seîd, li hemberî polîtîkayên Hikumeta Enqereyê, çi bû?
- 3.** Di kongreya Komeleya Azadiyê de, çi biryar hate girtin?
- 4.** Çawa raperîn bi dawî bû?

WANE 3

SERHILDANA ŞÊX SEÎD

Şex Seîd Pîran kî ye?

di sala 1865'an de li Erziromê li Gundê Kolhîsara yê girêdayî navçeya Xinishê ji dayîk bûye. Navê bavê wî, Şêx Mehmûd Fewzî ye. Ji malbateke mezin e. Şêxekî neqşebendî ye, Bapîrê wî, Şêx Elî xwendekarê Mewlana Xalid e. Şêx Elî, yek ji 118 xwendekarê Mewlana Xalid ên ku taybet li Şamê dihatin perwerdekirin bû.

Amadekariyêñ Serhildanê:

Dema ku Xalidê Cibrî û Ziya Beg têne girtin, tevgera Azadiyê bê birêveberî dimîne. Ji ber vê yekê Şêx Seîd ji bo birêvebirina Tevgera Azdiyê û Serhildanê tê hilbijartın. Dema ku Şêx Seîd birêveberêya serhildanê pejirand, dest bi tevlîbûna axa û begên kurdan kir. Agahiyê ji milê Serhed, Riha, Erzincan û Dêrsimê re dişîne. Şêx Seîd destpêkê agahiyê ji Xerzanê re dişîne, li wir Cemîlê Çeto tevlîbûna serhildanê dipejirîne. Piştre li herêma Efrînê Kor Reşan agahdar dike ji bo ku pira Heşorkê ya ku tirêن di ser re derbas dibe, birûxîne. Hevdîtinan bi Dêrsimîyan re pêk tîne, lê Dêrsimî tevlîbûna serhildanê napejirînin, ji ber ku kurdêñ sunî bêmafî der heqê wan de kirine. Digotin berî çar salan, em li Koçgiriyyê ketin ber kêran û tu kesî ji we alîkarêya me nekir. Lê kurdêñ herêma Dêrsimê soza ji paş ve lênexistina serhildanê dan wan.

Piştre agahiyê ji xeta Serhedê re jî dişîne. Li wê derê Kor Huseyn Paşa zavayê Şêx Fehîmê Erwasî hebû. Kor Huseyn Paşa bi Şêx Fehîm û Şêx Seîdê Nûrisî re dişêwire. Şêx Seîdê Nûrisî ji wan re dibêje Artêşa tirkan a ku nû ava bûye ya islamê ye û şerê li dijî wê, şerê li dijî islamê ye. Li ser vê yekê Kor Huseyn Paşa tevlîbûna serhildanê napejirîne. Li ser bingehê van danûstandinan, Şêx Seîd amadekarêya xwe dike ku di buhara 1925'an de dest bi serehildanê bike.

Di meşandina van amadekariyêñ serhildanê de, dewleta Tirkîyeyê jî li gorî xwe, bergiriyyê ewlekariyê girtibûn. Ji destpêka amadekariyêñ serhildanê ve, bi alîkarêya sîxurekî bi navê Qaso dewleta Tirkîyeyê, rojane agahî digirtin.

Destpêkirina Serhildanê:

Di 5'ê reşemehê de, Şêx Seîd ji bo beşdarî şahiyeke bibe, diçe gun-

dê Pîranê gel birayê xwe Şêx Ebdullrehîm. Hîn amadekarî temam nebûbûn, destwerdana amadekarêyan hat kîrin. Bi vê armancê komêke leşkerên tirk heman şevê çûn mala birayê Şêx Seîd. Fermandarê leşkeran deh kesên kurd ku li wî gundî bûn, ji wan xwestin. Lê Şêx Seîd ev daxwaza leşkerên tirk nepejirand. Li ser vê çendê, di navbera wan de şer derket. Hin leşker hatin kuştin û hin jî dîl hatin girtin. Ev bûyer derbeyek li plana serhildanê da. Birayê Şêx Seîd, Şêx Tahir dema vê bûyera li Pîranê rû daye, dibihîze, di 10'ê reşemehê de li gundê Serdiyê, digire ser postexaneya Lîcayê û dest datîne ser tiştêneyî. Bi vî awayî serhildan dest pê dike.

Êdî ji ber ku dewleta Tirk amadekariyênen xwe kiribûn, pêvajoyeke nû dest pê dike:

1. Rewşa awarte radigihîne.
2. Dadgehêن serbixwe ava dike.
3. Hikûmetê diguherîne û serokwezîrê wê dibe Îsmet Înono.

Bitenêhiştina Serhildanê:

Dema ku serhildan rabû, ew lihevhatinênu ku Şêx Seîd bi êl, beg û şêxên kurdan re çêkiribû, pêk nehatin.

Li milê Xerzanê Cemîlê Çeto ranabe. Her wiha êlên li milê Rihayê jî ranebûn û li Efrînê jî Kor Reş pira tirênen xera nakin. Êdî diyar dibe ku kî tırsiyaye yan jî kî hatiye kirîn. Bi vî awayî serhildan li derdora Amed û Elezîzê sînordar dibe.

Dema ku Serhildan dest pê bû, li milê Elezîzê Şêx Şerîf fermandarê wê bû. Dema ku dikevin bajar, sîxurên tirk quesran dişewitînin, zêrê zérkeran didizin, destdirêjiya hin jinan dikin û dixin stûyê serhildêran. Êdî gel li hemberî serhildêran çekan radike. Ji ber vê yekê Şêx Şerîf arteşa xwe bi paş ve ber bi milê Mûşê ve dikşîne. Li wî milî jî êlên loran û xurmek li dijî serhildêran derdikevin û bi wan re şer dikin. Ji ber ku dema Alayên Hemîdî hatibûn avakirin, Osmaniyan êla cibraniyan biçek kiribûn û ziyan didan êlên ne sunî.

Hilweşîna Serhildanê:

Piştî van bûyeran Şêx Seîd û fermandarênu serhildanê stratejiya xwe diguherînin. Plan dikin ku berê xwe bidin navenda Amedê û wiha bajar bi bajar bi pêş bikevin. Li ser vî bingehî planekê bi Rêexistina Azadiyê re ya di nava Amedê de çêdikin. Li gorî wê planê dema ku

artêşa Şêx Seîd derdora Amedê bigire, dê rêexistina Azadiyê her çar deriyên Sûra Amedê veke. Lê tirk amadekariyên xwe dikan. Heman tiştên ku li Elezîzê kiribûn li Amedê jî dikan; rewşa awarte radighînin û topan li ser Sûrê Amedê bi cih dikan. Dema ku artêşa Şêx Seîd derdora bajar digire, tirk bi topan êrîşî wan dikan û wan belav dikan. Piştre Şêx Seîd berê xwe dide Erxeniyê ji bo ku di çiyayan de cihê xwe bigire, lê di rê de biraziyê wî Qaso xiniziyê pê re dike û wî û hevalên wî radestî tirkan dike.

Di gulana 1925'an de li dijî Şêx Seîd û hevalên wî darizandineke ku mehekê ajot dest pê kir. Dadgehêن serxwebûnê yên Amedê di 29'ê pûşperê de cezayê darvekirinê li Şêx Seîd û 47 hevalên wî birî. Cezayê darvekirinê roja bi şûn de pêk hat.

Serokê Serhildanê Şêx Seîd Li Ber Sêdarê Wiha Got:

”Jiyana min ya xwezayî bi dawî dibe. Me jiyana xwe qurbanâ jiyana gelê xwe kir. Ez ji vê tu caran ne poşman im. Ji ber ku li hember dijminên me dê neviyên me ji xwe şerm nekin, ez gelekî bextewar im.”

PIRSÊN NIRXANDINÊ

- 1.** Li ser çi bingehî Şêx Seîd bû birêveberê Komeleya Azadiyê û serhildanê?
- 2.** Çima sozên ku bi Şêx Seîd re hatin dayîn, pêk nehatin?
- 3.** Serhildan, çawa dest pê bû?
- 4.** Çima Şêx Şerîf artêşa xwe ji Elezîzê vekişand?
- 5.** Plana Şêx Seîd ya ku dê bajarê Amedê bi dest bixe, rave bike?

Ebdullah Ocelan vê raperînê, bi vî awayî dinirxîne:

”Serhildana 1925'an a di bin serokatiya Şêx Seîd de, bi rijandina xwîneke pir zêde û nemerdane hatiye tepisandin. Dîroka sala 1925'an di vê wateyê de, ne tenê destpêka serhildanê ye, di rastiya xwe de destpêka dîroka komplot, bêbextî, komkujî û xiyanetê ye jî. Di vir de rola diyarker a herî sereke diplomasîya ku îngilîz û cihûyan lîstiye. Di komploya 29'ê pûşpera 1925'an de ya ku li dijî serhildêrêya Şêx Seîd pêk hat, benê darvekirinê li dijî hemû kurdan hatibû kişandin. Darvekirina Şêx Seîd û hevalên wî, di komarê de li otorîtarîzmê, rê liber mandelekirin û pişâftina kurdan vedike. Têkiliyên kurd û tirkan di asteke jor de xerab dike û komar şansê xwe yê demokratîkbûnê ji dest dide..»

WANE 4

SERHILDANÊ DIN ÊN DI DEMA KOMARÊ DE

Di sedsala 20. de gelê kurd li hemberî dewletên dagirker, hewl daye bi serhildanan ve hebûna xwe biparêze. Lê ji ber şewaza tevger û têkoşîna xwe, nekarîne bi ser bikevin û bi komkujî, tepisandin û bin-ketinê ve encamdar bûne. Ji ber ku piraniya van serhildanan, herêmî mane û nekarîne tevgereke netewî pêk bînin. Gelekî zehmet e ku mirov tevgerên kurd ên vê demê, bi awayekî bîrdozî, rôexistinî û çal-akî di nava mînakên çînî û netewî de bi plan û projeyê bide nasîn.

Serhildana Sasonê (1925-1937):

Piştî raperîna Şêx Seîd, hêzên hikumetê li hemberî qada mezin a berx-wedana Sasonê jî dikeve nava tevgerê. Qeymeqam û hêzên leşkerî, li nava gundan digerin û bi darê zorê ji gel bacan kom dikin. Bi taybetî, gundêñ çiyayî li hemberî vê yekê li ber xwe didin û dikevin nava berxwedanekê. Artêşa tirk, li hemberî Sasonê di salên 1932, 1935, 1936 û 1937'an de çar caran di bin navê komkirina çekan de opera-syonan li ser vê heremê pêk tîne.

Bi biryara desteya wezîran a birêveberêya wê demê ve müşextîkirina gelê vê herêmê ya ber bi rojavayê Tirkiyeyê ve tê çêkirin. Li hemberî nerazîbûnên kurdan, vê carê jî artêşa tirk tevgereke leşkerî dide destpêkirin. Nêzî 300 çek têñ komkirin. Di encama van tevgeran de jî artêşa tirk 65 leşker têñ kuştin û 80 leşker jî birîndar dibin.

Artêşa tirk, bi rîbazên hovane êrîşî gel dike û bi sedan mirovên herêmê dikuje, gelek kes birîndar dibe û gelek ji wan jî radest dibe. Her wiha, hejmareke zêde gundêñ kurdan hatin talankirin û şewitandin.

Raperîna Mûtkiyê (26'ê Gulan-25'ê Tebaxâ 1927):

Li Kurdistanê, li hemberî stemkarî; serhildan, li hemberî bêdadiyê; bertek, li hemberî koletiyê; azadî, li hemberî bisaftin û mandeleki-rinê; ruhê berxwedanê her dem hebû. Serhildana Mûtki jî, yek ji ser-hildanê li hemberî stemkarêya rîjîmê hatiye kirine.

Di serhildana Şêx Seîd de eşîrên li derdora Mûtkiyê alîkarî dane ser-hildanê. Piştî tepisandina serhildana Şêx Seîd, gelê Mûtkiyê li hemberî pêkanînê rîjîmê yêñ weke; stemkarî û bêdadiyê serî netewan-din. Ji ber vê yekê, eşîrên ku radest nedibûn, ji bo ku wan müşext

bikin, dikeve nava tevgereke leşkerî.

Parêzgerêya Bedlîsê li hemberî 8 eşîr û gelên li 35 gundan dijiyan, tevgereke leşkerî dide destpêkirin. Çekêن wan kom dike û wan mişextî herêmên din dike. Gelê herêmê jî, li hemberî van kiryarêن hovane yên birêveberêya tirk, dest bi serhildanê dike û bi vî awayî bûyerêن Mûtkiyê dest pê dikan.

Di 26'ê Gulana 1927'an de yekîneyên artêşê, heremê dagir dikan. Gel radest nabe û dikeve nava têkoşînekê. Ji raperînê re kesên weke; Şêx Ebdilrehman, Mihemedê Elîyê Yûnis û Selîmê Zorikî pêşengtî dikirin. Dewlet, di tevgerê de tam negihaştibe armanca xwe jî, piştî kuştina rêberên raperînê berxwedan tê tepisandin. Di encamê de pir kesan jiyana xwe ji dest da, pir gund hatin xerabkirin û hin jî neçar man ku ji herêmên xwe dûr bikevin.

Li gel van serhildanan, gelek serhildanê din, di dema komarê de hatine bipêşxistin, hin ji wan ev in:

- Serhildana Bêşebabê (3'yê Îlona 1924)
- Serhildana Reşkotan û Ramanan (9-12'ê Tebaxâ 1925)
- Serhildana Koçuşaxê (7'ê Kanûnê–30'ê Mijdara 1926)
- Raperîna Bicarê (7'ê Kanûnê -17'ê Mijdara 1927)
- Serhildana Eliyê Resûl (22'yê Gulanê - 3'yê Tebaxâ 1929)
- Tevgera Tendûrekê (1'ê Îlonê – 27'ê Îlona 1929)
- Tevgera Stewrê (20'ê Gulanê – 9'ê Hezîran 1930)
- Tevgera Oremarê (16'ê Tîrmehê – 10'ê Kanûna 1930)
- Tevgera Pulûmûrê (8'ê Kanûnê – 14'ê Mijdara 1930)

PIRSÊN NIRXANDINÊ

- 1.** Serhildanê gelê kurd, çawa encamdar bûne?
- 2.** Serhildana Sasonê li himber çi rabû?
- 3.** Operasyonê artêşa tirk a li hemberî Sasonê, çi pêk aniye?
- 4.** Piştî tepisandina serhildana Şêx Seîd, gelê Mûtkiyê li hemberî çi serî netewandiye?
- 5.** Bi çi awayî, bûyerên Mûtkiyê dest pê dikin?
- 6.** Sê serhildanê ku di dema komarê de hatine bipêşxistin, diyar bike.

WANE 5

SERHILDANA AGIRIYÊ

Dewleta Tirk, ji bo rûniştandina sazûmaniya dagirkeriyê di welatê me de û bêdengkirina gelê Kurd, serî li her rêyan dabû. Bi têkçûna serhildana Qoçgiriyyê re tevkujiyên di welatê me de destpêkirin, di pêvajoya serhildana Şêx Seîd de gihiştibûn asteke herî jor. Kurdistan di nava êgir de hiştibûn. Bi deh hezaran Kurd hatibûn kuştin û di bajarê dûr yên Tirkîye de neçarî jiyanekê hejarî kiribûn. Lê tevayî van kiryaran têra dûrxistina gelê Kurd ji hêviyên welitekî azad û jiyanekê însanî, nedikir. Hemû riyên xapandinê û siyasetên gemar, rastî berxwedanê gelê Kurd dihatin û bê wate diman.

Serhildana Agirî ya 1927'an û Damezrandina Xoybûn:

Dema ku Birahîmê heskê têlî li çiyayê Agirî li himber dewleta turk serî hildide, rêexistinê Kurd yên binavê Cemiyetî Tealiya Kurdistan, Cemiyetî Îçtîmaiyyeyî Teşkilati Kurd û Cemiyeta Îstîklala Kurdistan sala 1927'an li Lûbnanê li bajarê Bîhemdûnê kongreyekê lidardixe. Ji derveyî birêveberên van rêexistinan, hinek serokêl û kesayetên welatparêz jî beşdarî vê civînê bûbûn. Kongreyê 45 rojan berdewam kiribû. Ev kongre di heman demê de dibû bingehê damezrandina partiya netewî ya binavê "Xoybûn". Bi vî awayî rêexistineke netewî ya yekbûyî hatibû damezrandin.

Rêexistina Xoybûnê piştî ku navenda xwe li rojavayê Kurdistanê çêdike, agahiyê ji Birahîmê Heskê Têlî û hevalên wî re dişîne ji bo ku tev li serhildanê bibin û weke rêexistinê serhildanê bi rê ve bibin. Birahîm û hevalên wî jî vê yekê dipejirînin. Li ser vî bingehî Rêexistina Xoybûnê Îhsan Nûrî Paşa weke serfermandaerê serhildanê erkdar dike. Rêexistina Xoybûnê, ji bo birêvebirina serhildanê bernameyekê çêdike. Di bernameya xwe de diyar dikin ku li Kurdistanê dê netewdewletekê li ser bingehê nûjen ava bikin. Stratejiya xwe ya leşkerî çêdikin, ji bo vê armancê komikên biçûk yên piştî serhildana Şêx Seîd xwe di çiyayên Kurdistanê yên derdora Amed, Çewlik û Mûşê de parastine, anîn rex hev û di perwerdeyeke leşkerî û ramiyariyî re derbas kirin.

Amedekarî û Destpêkirina Serhildanê:

Her wiha rêexistina Xoybûnê li milê rojhlat bi Yûsivê Ebdullah re ku

serokêla celaliyan e li hev dikan ku piştgiriyê bide serhildanê. Dema ku Îhsan Nûrî Paşa digihêje Agiriyê, li gel serhildêran derdora Agiriyê digirin, ala Kurdistanê hildidin, li ser rêyan rêbendan çêdikin û ji bo çûn û hatina Kurdistanê pasportan çêdikin. Bi vî awayî serhildanê berdewam dikan. Ji ber ku êla celaliyan di herêmê de xurt bû û tirk û ïranî lawaz bûn, li milê rojhilat Yûsifê Ebdullah piştgiriyê dide serhildanê. Bi vî awayî şer bi pêş ket û kurdan derdora Agiriyê girt.

Ramiyarêya Dewleta Tirk:

Parlamentoya Tirkiyeyê di gulana 1928'an de komisyoneke lihevanînê saz kir. Vê komisyonê piştî demekê daxwaza hevdîtinê ji Îhsan Nûrî Paşa kir. Pêşniyar ji aliye kurdan ve hat pejirandin û her du alî hatin gel hev. Di vê hevdîtinê de ji bo serhildêran pêşniyara lêborînê û ji bo Îhsan Nûrî Paşa jî, di karê dewletê de cihekî bilind jê re dihat pêşniyar kirin.

Aliyê kurdan pêşniyarên tırkan nepejirandin û diyar kirin ku ji bo rawestandina têkoşînê, yekemîn mercê wan naskirina mafênetewî yên gelê kurd e. Êdî piraniya herêmên Agirî û derdora wê serhildêran girtibûn û sazûmaniyeke rûniştî ya dewleta Tirk nema dihat dîtin. Ji ber vê yekê rayedarên tirk bi dewleta Îranê re hevdîtin çekirin. Ji bo ku sînorê rojhilat ji bo ku rê li ber serhildêran bigirin, herêma Qutûrê didin ïraniyan û Agirêya biçûk, tevlî xwe dikan. Dewleta Îranê jî Yûsifê Ebdullah digire û wî di zîndanê de dikujin. Lê dema ku sînorê rojhilat li ber serhildêran hat girtin, di milê Êrîvanê re diçûn û dihatin. Ji ber vê yekê tirk bi Yekîtiya Soviyetê re hevdîtinan çêdikin û vî milî jî digirin. Bi vî awayî tirk li derdora Agiriyê çemberekê çêdikin û operasyonekê bi balefiran dest pê dikan. Ji Geliyê Zîlanê dest pê dikan.

Têkçûna Serhildanê û Komkujiya Geliyê Zîlan:

Di dawiya payîza 1930'î de leşkerên tirk xwe berdan gelî û hemû kesên vê derê yek bi yek kuştin. Ev bûyer weke komkujiya Geliyê Zîlanê derbasî rûpelên dîrokê dibe.

Li gorî Rojnameya Cümhûryetê ku weke weşaneke fermî ya dewleta Tirkiyeyê dihat naskirin "Li derdora Çiyayê Agiriyê hemû gundênu ku tevî serhildanê bûne hatin şewitandin. Niştecihê van deveran hatine şandina Erdîşê. Di operasyona Zîlanê de qasî 15.000 serhildêr hate

kuştin.”

Di 16’ê tîrmeha 1930’an de rojnameya Cumhuriyetê ev bûyer bi vî awayê weşand: “Li ser Çiyayê Agirîyê balafirên me bi ser serhildêran de bombebaranêن pir bi hêz dike, çiyayê Agirî yê di nav agir û teqîn de dizare. Teyrên tirk ên hesin hesabê kesên ku bi raperînê ve rabûye dibîne. Geliyê Zîlan heta devê xwe bi termêن mirovan tijî bûye.”

Kesên ku ji komkujiyê mabûn jî, berê xwe dan Agiriyê û li derdora wir kom bûn. Hêdî hêdî çember li serhildêran teng dibû. Newekheviya hejmara leşkerên her du aliyan, kêmbûna çek û cebilxaneyê, pirs-girêka xwarinê, sir û sermaya çiyayê Agiriyê û di herêmên şer de hebûna bi hezaran jin û zarokên ku nedikarîn şer bikin, ji bo serhildêren kurd, bandoreke neyînî dida afirandin.

Bi taybet rewşa jin û zarokan di vê demê de bargiranî çêdikir. Ji ber vê çendê da ku ji komkujiyeke leşkerên tirk bêne parastin, biryara derbaskirina xaka Îranê ya van jin û zarokan hat dayîn. Bi vê biryarê li gel jin û zarokan hejmareke şervan di bin fermandarêya Îhsan Nûrî Paşa de derbasî Îranê bûn û xwe radestî rayedarên Îranê kirin. Pişti serhildana Agiriyê ku li gorî demê serhildana herî zêde berdewam kiriye, tê şkandin. Li herêma şer goreke ji çîmentoyê tê çekirin. Li ser gorê jî dinivîsin:

”Kurdistana xeyalî li vê derê veşartî ye.”

PIRSÊN NIRXANDINÊ

- 1.** Serhildana Agiriyê, çawa dest pê dike?
- 2.** Rola Xoybûnê di serhildana Agiriyê de, rave bike?
- 3.** Ji bo ku dewleta Tirk gel bixapîne, ci dike?
- 4.** Ji bo ku tirk serhildanê têk bibin, ci plan danîn?
- 5.** Çima biryara derbasbûna Îranê, hat girtin?

KOMKUJÎ Û SERHILDANA DÊRSIMÊ

Rewşa ji berêya komkujiyê:

Herêma Dêrsimê ya ku heta sala 1938' an jî tu hêzên biyanî neketibûnê, ji aliyê du eşîrên li Dêrsimê ve dihat birêvebirin. Ji pêvajoya osmanîyan heta wê demê xweserêya xwe parastibû, xwe bi xwe bi rê ve dibir. Rêjîma komarê ya ku piştî serhildana Şêx Seîd dixwest serdestiya xwe ava bike, ev rewşa Dêrsimê ya xweser, ji bo xwe metirsî didît. Di 25'ê İlona 1935" an de "Zagona Tuncelî (Dêrsim)" tê derxistin. Bi vê zagonê re navê Dêrsimê tê guhartin.

Parêzgerêya taybet a herêmên Elezîz, Dêrsim û Çewligê tê avakirin. Di 1'ê Çileya 1936' an de weke parêzger û serfermandarê Dêrsimê, General Abdullah Alp Dogan tê destnîşankirin. Dadgeheke leşkerî ya bi navê Dadgeha Serxwebûnê, li Elezîzê tê avakirin. Ev dadgeh, bi taybetî ji bo Dêrsimê hatibû avakirin. Zagona Tuncelî, ne tenê Dêrsimê, bajarên li herêmê yên weke; Meletî, Erzirom û Gumuşxaneyê jî digire nava xwe. Bi vî awayî, zagona Tuncelî di serî de li Dêrsimê û herêmên elewî tê de hebûn, digire nava xwe. Bi vê zagonê re Dêrsim weke herêma qedexe tê ragihandin, ketin û derketina bajar girêdayî destûrê tê kirin.

Abdullah Alp Dogan, di sala 1936' an de li navendêne weke; Dêrsim, Mutka, Qereoxlan, Sîn, Heyderan, Dengiz û Bûrnakê qereqol û qışleyan ava dike. Navê gundê Mamekê jî weke Tuncelî tê guhartin û wê derê weke navenda birêveberêya Dêrsimê destnîşan dikan.

Dêrsimî, bi pêşengtiya Seyîd Riza ve di serê sala 1937' an de ji bo M. Kemal nameyên şiyariyê pêşkeş dikan û dibêjin "Pêwîst e hemû cendirme û endamên artêşê ji herêmê bêñ vekişandin, hemû xebatêñ avahiyan yên bi armanca leşkerî tê çêkirin, weke; pir, rêya trêne û hwd. bêñ rawestandin". Her wiha, parastina mafêñ destnedana çekan û sivikirina bacan daxwaz dikan. Ev daxwazê wan, pêk nayêñ.

Êrîşen leşkerî dest pê dikan. Li hemberî vê, gelê Dêrsimê jî dest bi berxwedanê dike. Eşîra Demena û hin eşîrên li Qişlê li herêmê êrîş birin ser qereqolêñ tê çêkirin û bi vî awayî, serhildana gel a li hemberî dagirkeriyê dest pê kir.

Destpêkirina raperînê:

Dêrsima ku heta sala 1936'an bi rêûresma eşîrî xwe bi rê ve dibir û xwedî cihekî xweser bû, di sala 1937-1938'an de li hemberî dagirkerêya dewletê şerekî berxwedanê dide destpêkirin. Ji berêya berxwedanê, di salên 1928, 1929 û 1931'ê de dewlet çend caran ji Dêrsimiyan dixwaze ku çekên xwe û di serî de Alî Şêrê pêşengê berxwedana Koçgirî û çend kesên din yên xwe spartine wan, radest bikin. Lê ev daxwaz nayê pejirandin. Seyîd Riza, ji parêzger Alp Dogan dûbare dûbare daxwaz dike ku zagona Tuncelî bê rawestandin, ango rêtîma rewşa awarte bê rakirin û mafêñ Dêrsimiyan ên netewî li ber çavan bêñ girtin.

Bersiva Alp Dogan a ji vê daxwazê re birina artêsa dagirker a li ser Dêrsimê ye. Balafirêñ ji Amedê radibin, Dêrsimê bombebaran dikin. Şer belavî her deverê dibe, bi hatina zivistanê re şerê ku rawestiyabû, di 1937'an de dîsa dest pê dike. Armanca dewletê ya li ser Dêrsimê, ew bû ku bi misogerî dagir bike û bêmirovbihêle.

Pêvajoya dagirkirinê:

Pêvajoya dagirkirinê ji 20-22'yê Adara 1937'an ku Pira Kahmût hat şewitandin, heta darvekirina Seyid Riza û hevalên wî yên di 15'ê Mijdara 1937'an de berdewam dike. Eşîrêñ Dêrsimê jî, weke alîgirêñ raperînê, yên bê alî û yên alîkarêñ dewletê; belavî sê beşan dibûn. Kuştina Elî Şêr û darvekirina Seyid Riza, rastî van deman tê. Pişti kuştina kurê Seyid Riza, di dawiya Adarê de heft eşîrêñ di navbera xwe de yekîtî ava kirine, biryara berxwedana giştî didin.

Çar ji van eşîran, heta dawiyê girêdayî van biryaran dimînin. Navêñ wan eşîran, ev in: Bextiyarî, Ebasiyêñ Jor, Demenan û Heyderan. Li gorî vê, wê her eşîr herêma xwe biparêze. Ji ber ku eşîra Yûsifiyan ev peyman xerab kiribû, rê da ku hêzên artêsa tirk di 19'ê Gulane de heta Çiyayê Sor pêş bikevin. Ev rewşa ku nedihat hêvîkirin, li ser qedera berxwadanê risteke mezin dilîze. Gelê sivil xwe dispêre Geliyê Kütû û Kalanê. Pişti 9'ê Tîrmehê, di roja ku Elî Şêr hatiye kuştin de leşkerêñ tirk hemû qûntarêñ çiya û gelîyan dagir dikan. Ji vê dîrokê, heta kuştina Şahan a di 28'ê Tebaxê de bi hezaran jin, zarak û kal ên hêza wan a şerkirinê tune bûn û xwe spartibûn stargehan hatin kuştin. Di roja 28'ê Tebaxê de kuştina Şahan (Şikandina berx-

wedana Bextiyaran) dawiya berxwedana 1937'an destnîşan dike. Lê tevî bangên Seyid Riza jî, eşîrên bê alî xwe nadin têkoşînê û hemû hewldanêñ wî bê encam dimînin.

Pêvajoya qirkirinê:

Pêvajoya qirkirinê ya li ser Dêrsimê, ji 11'ê Hezîranê heta 10'ê Tebaxa 1938'an berdewam dike. Ev rewş, rê li ber berxwedaneke mezin a eşîrên weke; Ebasi, Bal, Keçel û Koçanan ên ku tevlî berxwedana Dêrsimê nebibûn, vedike. Ev berxwedan jî, ji 22'yê Hezîranê û pê de bi taybetî, bi qirkirinêñ girseyî ve tê tepisandin. Bûyera Dêrsimê ya 1938'an a navê xwe ji Laçîn girtiye, li Geliyê Laçîn rû daye. Pevcûnêñ herî dijwar ên Geliyê Laçîn, di navbera 19-24'ê Tîrmehê de pêk hatine.

Pêvajoya müşextbûnê:

Pêvajoyeke ku di navbera 10-31'ê Tebaxa 1938'an de ye. Gelê Dêrsimê yê ku ji herêmê hatiye derxistin, müşextî herêmên Anatolyayê dibin. Qirkirina herî mezin; bi taybetî, rastî dîroka kuştina Elî Şêr û kuştina Şahan, tê. Ev bûyerên bixwîn, di li herêma Bextiyarêyan pêk tê. Gelek xizmêñ Seyid Riza jî, di van şeran de jiyana xwe winda dikan. Qirkirina 1938'an jî, li Baltaliyê, dola Laçê, Xaçê û Xeç-zimekê, pêk tê. Di raporêñ arşîvên dewletê yên piştî 1920'î û di serê salêñ 1930'î de wêneya dewleta tirk a salêñ 1937 û 1938'an de ku li Dêrsimê çawa bi hovane gelê kurd di qirkirinan re derbas kiriye û herêm bêmirov hiştine, pir aşkere radixin ber çavan.

Encam:

Piştî Cenga Kozlûcayê, Seyid Riza xwe li çiyayêñ Mûnzûrê bi cih dike. Parêzgerê Erzinganê jê re agahî dişîne ku wê xwestekêñ wan bipejirîne. Li ser vê yekê, di 5'ê İlona 1937'an de Seyid Riza û hevalêñ wî têñ Erzinganê. Li vê dere Seyid Riza û hevalêñ wî têñ girtin û wan diavêjin zîndanê. Seyid Riza jî di nav de 58 kes bi biryara Dadgeha Taybet a Elezîzê têñ darezandin. Dadgeh, ji 11 kesan re sizaya darvekirinê dide. Ji ber ku pir bi temen bûn, sizaya çar kesan dadixînin 30 salan. Biryara darvekirina Seyid Riza û pênc hevalêñ wî, di 18'ê Mijdara 1937'an de li Meydana Dexil a Elezîzê pêk tînîn. Seyid Riza, bi serbilindî diçe ser sêdarê û ew bi xwe benê sêdarê dixe stûyê xwe û celadê xwe dehf dide. Dema ku ber bi sêdarê ve dimeşe,

bi dengekî bilind gotina xwe ya dîrokî dibêje:

Ez bi dek û dolabên we nehesiyam û hatim lîstokên we; ev jî ji bo min bû derd, lê min jî li hemberî zilma we, serê xwe netewand; bila ev jî ji we re bibe derd.

PIRSÊN NIRXANDINÊ

- 1.** Rewşa Dêrsimê ya berêya komkujiyê çawa bû, veke.
- 2.** Parêzgerê herêma Elezîz, Dêrsim û Çewlikê kî ye û kengî tê dest-nîşankirin?
- 3.** Dadgeha bi navê serxwebûnê, li ku tê avakirin û ji ber çi?
- 4.** Dêrsimî, nameyan çawa pêşkêşî Mistefa Kemal dikan û tê de çi dibêjin?
- 5.** Bi çi awayî, serhildana gel a li hemberî dagirkeriyê dest pê dike?
- 6.** Rewşa Dêrsimê ya berêya raperînê û piştî wê çawa bû?
- 7.** Pêvajoya dagirkerêya Dêrsimê, çawa dest pê kir?

ŞERÊ CÎHANÊ YÊ DUYEM

Di 1'ê Îlona 1939'an de artêşa Almanya, Polonyayê dagir dike. Îngilistan û Fransa li ser vê bûyerê, li dijî Almanyayê şer radigihînin û bi vî awayî Şerê Cîhanê yê Duyem dest pê dike. Dewletên weke; Almanya, Ïtalya û Japonyayê di eniyekê de cih digirin û dewletên weke; Fransa, Îngilistan, DYE û Sovyet jî di eniya din de cih digirin. Mirov dikare bêje ku her devera cîhanê ket bin bandora şer. Dewletên ku beşdarî Şerê Cîhanê yê Yekem bûn, hemû çavkaniyên xwe û hêza mirovan ji bo şer bi kar anîn. Li gel leşkerên her du hêzan, bi sed hezaran mirovên sivil hatin kuştin. Dema ku ji aliyê balafirê Japonyayê ve êrîşî filoya deryayî ya DYE'yê dikin, di Kanûna 1941'ê de ew jî tevlî şer dibin.

Şerê Cîhanê yê Duyem, di Îlona 1945'an de qediya. Piraniya herêmên cîhanê, ji encamên vî şerê mezin û demdirêj, para xwe wergirtine. Dewleta Almanya ya di bin rôbertiya Adolf Hîtler de dawiya şer windahiyên gelek mezin dan û hat hilwesandin. Imperatorêya Japon û Ïtalyayê jî têk çûn. Her çi qas windahiyên gelek giran dabin jî, Yekîtiya Sovyetê û Îngilistan ji Şerê Cîhanê yê Duyem bi awayekî serkeftî derdikevin. Ji ber ku DYE di dawiya şer de tevlî bûye û gelek windahiyân nadî, lê di têkçûna hêzên ku Almanya serkêsiya wan dikir de risteke mezin dilîze û ew jî dibe yek ji serkeftiyên Şerê Cîhanê yê Duyem.

Sedemên Şer:

Di dawiya Şerê Cîhanê yê Yekem de dema ku Almanya têk çû, neçar mabû ku peymanên di bin mercên giran de bipejirîne. Almanya wisa dihizirî ku di hevpeymana Versayê de hin xalên giran hebûn û pêwîst bû di ber çavan re bêñ derbaskirin. Almanya her çi qas di Şerê Cîhanê yê Duyem de têkçûneke gelek giran jiyan kiribe jî, piştî ku Şerê Cîhanê yê Yekem diqede, dest bi xwe komî ser hevkirinê dike. Deh sal piştî Şerê Cîhanê yê Yekem, Almanya birînên xwe pêçabûn û xebatêñ pîşesaziya xwe pêş de biribûn. Her wiha, bibû yek ji dewletên herî bihêz ên Ewropa û cîhanê.

Di sala 1933'yan de Naziyan di bin serokatiya Adolf Hîtler de birêve-berêya dewletê bi dest xistin. Hîtler, ji aliyekî ve dixwest hevpeyma-

na Versayê bêwate bike û ji aliyê din ve jî giraniyeke mezin dabû xurtkirin û çekdarkirina artêşê. Koma Netewan a di sala 1919'an ango di dawiya Şerê Cîhanê yê Yekem de ji bo parastina aştiyê û çareserkirina pirsgirêkan hatibû avakirin, li hemberî pirsgirêkên hene, bêbandor mabû.

Ji ber encama Şerê Cîhanê yê Yekem, li her devera cîhanê, pirsgirêkên nû derketibûn holê. Hêzên têk çûne, encamên Şerê Cîhanê yê Yekem nepejirandibûn. Di vê navberê de Japonya di sala 1931'ê de bêyî ku dengên dijber li ber çavan bigire, herêma Mançûrya ya Çinê dagir dike. Jixwe, Japonya ji sala 1930'î û pê de her tim hêza xwe ya leşkerî mezin dikir. Di sala 1935'an de birêveberêya Îtalyayê ya faşist di bin serokatiya Benîto Mussolinî de Etiyopyayê dagir kir. Koma Netewan, vê carê jî nekariye ewlekariyên pêwîst werbigire. Hîtler, ji vê lewaziyê sûd wergirt. Di Adara 1936'an de Almanya yekîneyên xwe şandin aliyê Rojavayê Renê. Lê belê li gorî peymana Netewan a di sala 1925'an de wê Almanya nekaribûya tu hêza xwe ya leşkerî bişîne vê herêmê. Koma Netewan, di vê mijarê de ji bilî hin protestoyan tiştekî din nekir.

Di heman pêvajoyê de Almanya û Îtalya ji bo alîkarêya General Francisco Franco hêzên xwe yên leşkerî rêkirin İspanyayê, ji bo ku di şerê navxweyî yê İspanyayê de hêzên sosyalîst û şoreşger têk bibin. Bi vî awayî, balafir û çekên xwe yên nû jî diceribandin. Bi vî awayî, dixwestin xakên nû bi dest bixin û mêtîngîriyê li cîhanê berbelav bikin. Almanya, Îtalya û Japonyayê peymaneke bi navê Mîhwer saz kirin. Japonya di sala 1937'an de li hemberî Çinê şerekî giştî da destpêkirin. Almanya piştî salekê, Awûstirya dagir kir. Piştî vê jî, Almanya diyar kir ku mafê wan li ser herêma Çekoslovakya ku bi koka xwe Alman in heye. Îngilistan û Fransa, Çekoslovakya qayil kirin ku li hemberî Hîtler dengê xwe dernexîne. Bi peymana Îlona 1939'an, herêm ji Almanyayê re ma.

Piştî 6 mehan, dema ku Hîtler xwest paytexta Pragê bombebaran bike, Çekoslovakya ket bin bandora Almanyayê. Ji vir û pê de jî Polonya ya ku piştî Şerê Cîhane yê Yekem serbixwe bûye, bibû armanca Almanyayê. Îngilistan û Fransa vê carê bawerî dan Polonyayê, ku wê li hemberî Almanyayê şer bikin. Bi êrîşkirina Almanyayê ya bi

ser Polonyayê re di 1'ê Îlona 1939'an de Şerê Cîhanê yê Duyem dest pê kir.

Destpêkirin û berfirehbûna şer:

Şerê Cîhanê yê Duyem di 1'ê Îlona 1939'an de bi êrîşa Almanya ya li ser Polonyayê re dest pê dike. Bi tevlîbûna dewletên din re 5 salan didome.

İtalya, Japonya, Bûlgaristan, Macaristan û Romanya li gel Almanyayê cih digirin. Ji van dewletan re Dewletên hevgirtî tê gotin.

DYE, Rûsyâ, Îngilistan û Fransa jî yekîtiyekê pêk tînin. Ji van dewletan re jî Dewletên hevpeyman tê gotin. Piştî ku Almanya dikeve Polonyayê, Rûsyâ jî dest bi dagirkirina Polonyayê dike. Rûsyâ bi Finlandiyayê re jî ketiye nava şer. Almanya, bi awayekî biley li rojavayê Fransayê Belçîka, Holanda û Danîmarkayê dagir dike. Xwe digihîne Efrîqayê û ber bi Misirê ve bi awayekî biley pêş dikeve. Ji aliye kî ve jî Yûgoslavya, Yewnanistan, Macaristan, Bûlgaristan û heta Romayê Balkanan jî dixe bin serwerêya xwe. Di vê navberê de İtalya jî, tevlî şer bibû û Arnavûtê dagir dike. Hêzên İtalyayê, li Yewnanistan û Efrîqayê bi cih bibûn. Di 22'yê Hezîrana 1941'ê de Almanya êrîşî Rûsyayê dike û bi vî awayî, şerê Alman û Rûsan dest pê dike. Li aliye din, di sala 1941'ê de Japonya êrîşî filoya Pasîfîk a DYE'yê dike û bi vî awayî, her du dewlet jî tevlî şer dixin. Di destpêkê de Japonya serkeftinên mezin bi dest dixe, Filipîn û Hind, Endonezyayê dagir dikan. Lê belê bi ketina Amerîkayê ya li gel alîgirêne xwe cih girtin û pîşesazî bi armanca şer pêş xistin, bi taybetî alîkariyeke mezin ji bo Îngilistan û Rûsyayê dide. Dewletên din jî hezên xwe mezin dikan û bi vî awayî, hêdî hêdî rewşa şer berevajî vedigere. Bi vê yekê re hêzên Almanya, İtalya û Japonyayê li her deverê neçarî dest bi şûn de gavavêtinê kirine. Di sala 1942'yan de Amerîka û îngilîzan bi rêkîrina hêzên xwe yên Bakurê Efrîqayê re hêzên Almanya yên li vir dixe nava tengasiyeke mezin. Di sala 1943'yan de dest bi dagirkirina İtalyayê dikan, di encama vê dagirkirinê de Almanya xwe vedikişîne. Mussolinî tê rûxandin, bi vî awayî di sala 1944'an de İtalya radest dibe.

Piştî vê, piraniya hêzan diçin ser Almanyayê û di encamê de Almanya çi qas li ber xwe dide jî, gelek cih dikevin destê Rûsyâ û alîgirêne wê.

Bi vî awayî, di 1945'an de Almanya radest dibe û şer li Ewropayê bi dawî dibe. Di şerê Pasifikê di destpêkê de pêş ketibe jî, piştre bi taybetî şerên deryayî û hewayî zêde bûn. Japonya windahiyêñ mezin dide, Amerîka jî cihêñ ku Japonya winda dike, bi dest dixistin. Di 6'ê Tebaxa 1945'an de Amerîka bombeya atomê ya yekem tavêje Hîroşimayê. Di 9'ê Tebaxê de Rûsyâ jî li hemberî Japonya dikeve nava şer. Di 9'ê Tebaxê de bombeya atomê ya duyem tavêjin Nagasakî û di 14'ê Tebaxa 1945'an de Japonya jî radest dibe. Bi vî awayî, Şerê Cîhanê yê Duyem bi dawî dibe.

Encamên şer:

- Rê li ber windabûna mirovan û xerabbûna aboriyê vekir; bi milyonan mirov jiyana xwe ji dest dan.
- Dewletên hevpeyman ji vî şerî serkeftî derketin.
- Amerîka ji bo ku çekêñ xwe biceribîne, bombeyên atomî li Japon yayê (Hîroşîma û Nagazakî) bi kar anîn.
- Tevger û ramanêñ netewperest "Nazîzm û Faşîzm" bi ser neketin.
- Dewletên dagirker, mêtîngehêñ xwe winda kirin. Hindistan, Misir û Sûriyeyê serxwebûna xwe bi dest xistin.
- Almanya dabeşî du dewletên cuda bû. Di pey re ev her du dewletên alman di sala 1990'î de careke din bûne yek.
- Li şûna Koma Netewan ji bo parastina aştiya cîhanê, Netewêñ Yekbûyî di sala 1945'an hat avakirin
- Cihûyan bi alîkarêya Amerîkayê û Îngilistanê, li ser axa Kenan dewleta di sala 1948'an bi navê Îsraîlê damezrandin.
- Piştî şer du pevgirêñ mezin pêk hatin. Di bin pêşengiya Yekîtiya Sovyetê de pevgira Warso û bi pêşengiya Amrîkayê jî, bi tevlîbûna dewletên din ên Ewropayî, pevgira Nato hat damezrandin.
- Piştî şer, pêvajoya Şerê Sar dest pê kir. Di vê pêvajoyê de xebatêñ neyînî yên saloxgeriyê û xebatêñ sîxurî yên teknolojîk û zanînî, mohra xwe li peywendiyêñ navnetewî daye.
- Di pêvajoya şer de, pêşketina teknolojiya şer (balafir û fûzeyên dûravêj) rê li ber mirina giyaneweran bi şêweyekî berfireh didin vekirin.

PIRSÊN NIRXANDINÊ

- 1.** Polonya kengî û ji aliyê kê ve tê dagirkirin?
- 2.** Hin sedemên Şerê Cîhanê yê Duyem, diyar bike.
- 3.** Rewşa Almanyayê ya piştî Şerê Cîhanê yê Yekem, çawa bû?
- 4.** Koma Netewan a sala 1919'an, çîma hat avakirin? Veke.
- 5.** Bi ci awayî, Almanya radest dibe, diyar bike?
- 6.** Hin ji encamên Şerê Cîhanê yê Duyem, diyar bike.

BEŞA 5

- * ROJHILATÊ KURDISTANÊ
- * KOMARA MEHABAD
- * BAŞÛRÊ KRDISTANÊ DI DEMA ÎNGILÎZAN DE
- * BAŞÛRÊ KURDISTANÊ DI NAVBERA 1945-1975'AN
DE
- * DERKETINA NETEWPERESTIYA BAAS

ROJHILATÊ KURDISTANÊ

Xaknîgarêya Êرانê, di avakirina nasnameya kurd de cihekî xwe yê girîng heye. Navê Êرانê, weke têgîn tê wateya welatê Aryen. Weke nav aryen jî, tê wateya gelên ku xwedî çanda cotkariyê ne. Ji ber ku çanda aryen, di şoreşa neolîtîkê de bi xebatên çandiniyê û kedîkirina lawiran ve dest pê kiriye, bi vê peyvê ve hatiye pênasekirin. Ji ber vê yekê, mirov dikare bêje ku kurdên destpêkê jî, bi vî awayî derketine holê. Peyva arî weke têgeh, di bingeha xwe de ji bo danasîna van komikan tê bikaranîn.

Di şaristaniya quntarêن Zagrosan de nasnameya netewî ya kurdan a destpêkê, di bin serokatiya Konfederasyona Medan de hatiye birêvebirin. Bawermendêن Zerdeştî, serkêsiya wê dikirin. Ji bo nasnameya kurdan, gelê med, weke pêşiyên kurdan ên di pêvajoya dîrokî û piştre jî weke netewên kurd hatine naskirin. Persan jî hebûna nasnameya xwe, ji medan wergirtine û deyndarê medan e. Herodot dibêje: "Pêvajoya medan, pêvajoya herî pêşketî ye." Di wê demê de jî pers û grekan, çanda medan ji bo welatên xwe kirine mînak û li ser vî bingehî xwe ava kirine. Di heman demê di serdema navîn de jî heman rist lîstine. Civaka kurd, xwe li ser çand û exlaqê Zerdeşt bi rê ve biriye. Beşeke biçük ji êzîdiyan, heta niha li ser vê çandê jiyana xwe bi rê ve dîbin. Kurdên elewî û yarsanî jî para xwe ji vê mîrateyê werdigirin. Şîayêن Êرانê, tirkmen, fars û civaka kurdan jî li hemberî desthilatdarêya îslama sunî, desthilatdarêya xwe ava dîkin. Ev xeta berxwedanê, cewherê xwe ji hîzir û kevneşopiya olên kevn a xaknîgarêya Êرانê digirin. Desthilatdarêya Sefewî ya Şîa jî, bingeha xwe ya mezhebî, ji xanedana kurd a bi navê Safeûdîn digire. Lê şiatî, bîrdoziyeke ku li ser navê bindestan hewl dide ku bibe desthilatdar. Şîatiya Sefewiyan li hemberî xanedana osmaniyê sunî ji ber vê taybetmendiyê, xwe ji nexweşiya desthilatdariyê rizgar nekiriye. Ji çanda demokratîk a konfederasyona ramyarî tê. Di nava xwe de vediguhere burokraliya navendî û bi vî awayî jî şiatî bû parçeyeke bîrdoziya desthilatdarêya fermî. Dewleta Êرانê, di parçekirina kurd û Kurdistanê de risteke girîng lîstiye. Bi taybetî, di peymana Qesra Şîrîn (1639) de ev rist lîstiye. Ev, tê wateya ku kurdên Zagrosan, ji tevahiya kurdên din

hatine qutkirin. Kurd, di cewherê xwe de nûnerên çanda Zerdeşti ne. Helwesta wan a îslamî ya li hemberî desthilatdarêya şia, demokratik-tir bû.

Di rastiya kevneşopiya kurdên Êرانê de bandora netewî û etnîkî, ji bandora çanda olî û mezhebî zêdetir e. Piraniya kurdan ji ber ku li hemberî çanda şia ya herêmî bûne asta xweparistinê, bi gelek pirs-girêkan re rû bi rû mane. Serhildanê ku di sedsala 19. de pêk hatin, bandorêن xwe li ser desthilatdariyên şêx, beg û eşiran kirine.

Di encama van bandoran de desthilatdarêya van beg û şêxan hat rûx-andin. Kurdîtî, di nava Kurdistanê de derbasî qonaxeke nû dibe. Lê serhildanê ku hatine bipêşxistin, ne xwediyê armancê mezin bûn. Ji parastina kurdan û bipêşxistina jiyana civakî dûr mane. Kurdên arîstokrat û berjewendîperest, li ser bingeha berjewendiyên xwe, hewldanêن xwe pêş xistine. Lê di encama serhildanê kurdan de mafêن ku hatine destgirtin, ên civakî ne. Pêwîst e di navbera van her du aliyan de cudahiya heye, baş were têgihaştin. Serhildanê ku bê encam mane, li ser hebûn û çanda kurdan, bandorêن neyînî kirine. Li Rojhilatê Kurdîstanê; serhildana Şêx Übeydûlahê Nehrî ya di sala 1880'yî de Serhildana Simkoyê Şikakî ya di sala 1920'î de û serhildana bi pêşengiya Qazî Mihemed a di sala 1945'an de ji heman armancê re rê vekirine û tevgerêyan e. Têkçûn, zêdetir bi perçiqandina hebûna netewî ve encamdar bûne. Azadiya kurdan, ji holê rakirine. Ezmûna Komara Mehabadê ya ku di pêşengiya Qazî Mihemed de pêk hatiye jî, tevî taybetmendiyên xwe yên hemdem û gelerî, xwe ji encama neyînî ya serhildanê din rizgar nekiriye.

Di sala 1937'an de Peymana Pakta Sadabat a di navbera faşîzma tirk û Riza Pehlewî de hatiye çekirin, di cewherê xwe de şêweyê hemdem ê Qesra Şîrîn e. Parçebûna civaka kurd û jiholêrakirina tevgera wan a azadiyê, ji xwe re kirine armanc. Di roja me ya iro de jî, di navbera birêveberêya kesk a tirk û birêveberêya faşîst a îslamî ya Êranê de li hemberî têkoşîn û hebûna kurd a netewî, peymanê veşartî hatine çekirin û têن birêvebirin. Di heman demê de jî, Kurdistan hatiye parçekirin û li ser her parçeyî ramyariyên bisaftin û perçiqandinê hatine birêvebirin.

Simkoyê Şkakî:

Car caran jî hişmendiya yek alî û bi rengekî eşîrî fikrandin bûye bela serê kurdan, ev yek jî di serîrakirina Simkoyê Şkakî de diyar dibe dema ku bajarê Mehabadê dikeve destê hêzên Simko de beşek ji leşkeran ziyanê didin malên gel, ev jî dibe sedema tenezariyê û dûrketina ji serhildanê. Her wiha kuştina keşeyê nestûrî Mar Şemûn yê ku wekî nûnerê aşûran dihate dîtin bi hemû kesên ku pêre wekî mîvan serdana Simkoyê Şkakî kiribûn ji boyî pêşkêşkirina alîkariyê, bûye gaveke dijber ji aliyê nêzîkatiyêن gelê kurd û civakên din yên di Rojhilat de dijîn.

PIRSÊN NIRXANDINÊ

- 1.** Navê aryen, tê çi wateyê û çima?
- 2.** Ji bo nasnameya kurdan, gelê kurd çawa hat naskirin?
- 3.** Desthilatdarêya Sefewî ya şîa, bingeha xwe ya mezhebî ji ku di-gire?
- 4.** Ger serhildêrên kurd bi yên gelê din re alîkarî bikrana, wê rewşa civakê li himber dagirkeran çawa ba, lêkolîn bike?

Qazî Mihemed kî ye?

Qazî Mihemed, ji eşîra Debokrî ye. Ji malbateke fireh e. Di nava Mehabadê û derdora wê de bi dîndarêya xwe ve tê naskirin. Di pêvajoyên herî zor û zehmet de li Kurdistanê xwedî risteke pir mezin e. Bi fedekarêya xwe ve tê naskirin. Qazî Mihemed, kesayetek zana û rewşenbîr e. Di nava gel de bi rêzdarî û hezkirin tê pêşwazîkirin û bi vî awayî gel qezenc dike.

Di sala 1945'an de Qazî Mihemed cihê xwe di nava Komeleyê de digire û di birêveberêya herî jor de erkdar dibe. Bapîrê Qazî Mihemed, Şêx Elmeşayîx, hemû eşîrên kurdan komî ser hev dike û li hemberî îngilîzan şer dike. Di heman demê de Mamê Qazî Mihemed jî, ji bo parastina bajarê Mehabadê, di sala 1916'an de berxwedaneke bêhempa li dijî tirk û îngilîzan nîşan dide.

Ramiyarêya dewletîn navnetewî:

Îngilîz û Rûs, ji bo berjewendiyên xwe, dixwestin xwe di Îranê de bi cih bikin. Rûs, ji bo ku di Rojhilata Navîn de xwe bi bandor bikin, îngilîz jî ji bo petrola Îraq û Îranê bi dest bixin, tev digerêyan. Di heman demê de her du hêzan jî dixwestin kurdan bikişînin aliyên xwe. Polîtîkayên rûsan, ji yên îngilîzan zêdetir bibandor dibin. Di demeke kin de komek ji rewşenbîrên kurd, ji bo hevdîtinekê diçin Rûsyayê. Di sala 1942'yan de tevahiya rêxistinên kurd ên di nava Îranê de komî ser hev dibin û civînekê li dar dixin. Di heman salê de komele tê avakirin.

Damezrandina Komara Mehabadê:

Piştî demekê bi navê PDK a Îranê, tevgerê dike û Qazî Mihemed jî birêveberêya wê dike. Qazî Mihemed, bi alîkarêya rûsan di roja 22'yê Çileya 1946'an de Komara Mehabadê dadimezirîne.

Komar, 11 mehan li ser piyan dimîne û piştî wê hildiweşe. Yek ji sedemên rûxandinê, kurd bi xwe bûn. Şer û pevçûnên eşîran, li hevnekirin, berjewendiyên eşîri û kesayetî danîna pêşıya berjewendi-yên giştî. Sedema din jî, lîstokên îngilîz û iraniyan bûn.

Sedema têkçûna Komarê:

Piştî Şerê Cîhanê yê Duyem (1945) diviyabû hêzên ku di şer de bi ser

ketine, hêzên xwe vekişînin welatên xwe. Heman rewş, ji bo Yekîtiya Sovyetê jî derbasdar bû. Piştî Peymana Tehranê a di bihara 1946'an de hêzên Sovyetê artêşa xwe ji Rojhilate Kurdistanê vedikişînin. Vekişîna artêşa sor a ji Kurdistan û Azerbaycanê, ji bo her du gelan jî rewşeke neyînî afirand. Ji ber ku ev her du komar jî, bi alîkarêya artêşa sor hatibûn damezirandin.

Piştî ku artêşa sor xwe vedikişîne, dagirkerêya Îranê berê xwe dide Kurdistan û Azerbaycanê, dixwaze xwe li van deveran bi cih bike. Gelek caran li hemberî kurdan bi ser nakevin. Ev jî, bi taybetî di sala 1946'an de bû. birêveberêya Îranê, gelek caran dixwest dijîtî û nakokiyê di navbera her du gelan de biafirîne. Ji ber vê yekê, serî li gelek rê û rîbazên qirêj dide. Di heman demê de hin serokeşîrên kurdan jî, berê xwe ji şoreşê guhartin û cihê xwe li gel dijmin girtin. Di encamê de artêşa Îranê berê xwe da Kurdistanê. Lê li Kurdistanê rastî tu berxwedanê nayê.

Di dawiya sala 1946'an de artêşa Îranê dikeve bajarê Mehabadê. Qazî Mihemed, ji bo ku gelê kurd ji komkujiyeke artêşa Îranê bi-parêze, xwe radestî wan dike. Artêşa Îranê, hejmarek ji welatparêzên ku radestî wan bûne, dikuje. Her wiha, Qazî Mihemed, li gel bira û pismamê xwe di 30'ê Adara 1947'an de li bajarê Mehabadê li Meydana Çarçirayê, ji aliyê rîjîma Îranê ve tên bidarvekirin.

PIRSÊN NIRXANDINÊ

- 1.** Qazî Mihemed, ji kîjan eşîrê ye û bi çi tê naskirin?
- 2.** Komara Mehabadê, kê damezirand û bi alîkarêya kê?
- 3.** Çima vekişîna artêşa sor a ji Kurdistan û Azerbaycanê, rewşeke neyînî afîrand?

WANE 3

BAŞÛRÊ KURDISTANÊ DI DEMA ÎNGILÎZAN DE

Dema ku Imperatorêya Osmaniyan parce dibe, Peymana Sykes-Picot (1916) di meriyetê de ye. Li herêmê serwerêya Îngilîstan û Fransayê heye. Ji bo parastin û çavdêrêya herêmê, dewletên nû yên Îraq û Sûriyeyê hatine avakirin. Xeta trênen, weke sînorên Komara Tirkîye û Sûriyeyê hat nîşankirin. Sînorên Îraq û Tirkîyeyê jî, di çarçoveya Peymana Mûsilê de hatine xêzkirin. Di vir de berjewendiyê petrolê bingeh hatine girtin. Xêzkirina sînorên Îraq û Tirkîyeyê, li ser komployan pêş ketiye. Ev komplot, li ser bingeha parçekirina xaka kurdan a ku bi sedsalan hatiye bernamekirin û pêkanîn. Mixabin, di wê demê de komploya çar parçekirina Kurdistanê pêk hatiye.

Destpêkê li Rojhilat bi peymana Qersê (1921), piştre li Rojava bi peymana Lozanê tiştên ku hatin qezenckirin, di sala 1926'an de bi peymana Mûsil û Kerkûkê ve di asta stratejîk de têr windakirin. Di vê peymanê de ne tenê petrola herêmê hatiye dizîn, biratiya gelên li herêmê jî hatiye bidawîkirin. Yekgirtina çandî ya hemû gelên Rojhilata Navîn, hatiye windakirin. Di navbera gelan de dîwar hatin avakirin, têlén elektirîkê hatin danîn, baregehêن leşkerî hatin çêkirin, bi artêşen taybet ve sînor hatin dagirtin. Serwerêya îngilîzan, ev lîstoka xwe li hemû Ewropa, Asya, Afriqa, Amerîka, heta li parzemîna Awûstiryayê jî lîstiye. Bi vê şêweyê, karîbûn serwerêya xwe pêş bixin û bidin meşandin.

Serhildana Şêx Mehmûdê Berzencî:

Di sala 1920'î de dewletên serkeftî yên Şerê Cîhanê yê Yekem, li Sanremoyê konferansekê li dar dixin. Di vê konferansê de ji aliyê Îngilistan û Fransayê ve li Îraq, Sûriye, Lubnan û Filistînê birtyara damezirandina birêveberiyê mêtîngehan hatibû standin. Li gorî vê rewşê, Kurdistan weke herêmeke girêdayî Îraqê dihat pejirandin. Lê ev birtyar, rê li ber nerazîbûnên tund ên kurdan vedike.

Di sala 1920'î de serhildanê ku ji ber van sedeman dest pê kirine, li bajarêن weke; Kerkûk, Silêmanî, Hewlêr û bajarêن din ên kurdan belav bûn. Di dawiya tebaxê de serhildan li her aliyê Başûrê Kurdistanê belav dibe. Hêzên îngilîz, tengasiyê mezin dijîn. Leşkerên îngilîz, di encama şerêن giran de û bikaranîna teknîka nû karîne vê

serhildanê bitepisînin.

Îngilîzan, di 21'ê Tîrmeha 1921'ê de Emîr Feysel weke qralê dewleta Îraqê yê nû ragihandin. Ev biryar, di berjewendiyêne ereban de ji bo gelê kurd rewšeke pir neyînî diafirand. Li ser vê yekê, li Kurdistanê aloziyan careke din dest pê dikir. Kurd baş dizanin ku bi destpêkirina desthilatdarêya Xanedana Haşimiyan re gelê kurd wê ji hemû mafêن civakî û ramyarî bêpar bimînin. Ji ber vê yekê, careke din kurdêni li ser sînorê Başûr û Rojhilate Kurdistanê û yên Şarezorê li dijî leşkerên îngilîz dest bi şer dikan. Di van pêşveçûnan de Şêx Mehmûdê Berzencî, ji aliyê îngilîzan ve tê desteserkirin.

Li ser daxwazêñ azadkirina Şêx Mehmûdê Berzencî û raperîna gel a ji bo vê yekê, rayedarêñ îngilîz digihêjin biryarê ku derketina ji aloziyên hene û rawestandina êrîşen tirkan ên li ser herêmê, tenê bi anîna Şêx Mehmûd a herêmê ve dikarîn pêsiyê lê bigirin. Ji ber vê yekê, biryarê didin ku Şêx Mehmûd ji müşextiyê vegerînin. Şêx Mehmûd, ji Hindistinê tînin Kuweytê. Berêya ku ber bi Silêmaniyê ve bi rê bikeve, li Bexdayê bi rayedarêñ hikûmetê, bi komîserê bilind ê îngilîzan û qral Feysel re çend hevdîtinan pêk tîne. Her du alî, di van hevdîtinan de li ser pêkanîna sazûmâniya herêmê û di mijara têkoşîna li dijî tirkan de li hev dikan. Weke berê, dîsa soza damezirandina herêmeke xweser hat dayîn. Ev herema xweser, bi Silêmaniyê û derdorê wê re sînordar hatibû girtin. Anglo herêmeke teng bû. Piştî vê, Şêx Mehmûd bi fermandarêñ îngilîz û komîserê ramyarî yê bi navê Noel re tê Silêmaniyê. Li vê derê birêveberiyeke nû tê damezirandin û Şêx Mehmûd jî dibe serokê herêma xweser. birêveberêya Başûrê Kurdistanê, di destpêkê de ji bo perwerdeya gel, dest bi xebatê dike. Zimanê kurdî, dibe zimanê fermî. Pere û pûl hatibûn derxistin. Di vê navberê de rojnameya Bangî Kurdistan hat weşandin. Piştî demekê rojnameyên Ûmêdî ïstîqlal û Rojî Kurdistan jî hatin weşandin. birêveberêya Başûrê Kurdistanê; ji axa, beg û kesayetên dewlemend pêk dihat. Vê birêveberiyê, li gorî derfetên demê, ji bo pêşketinêñ aborî û çandî xebat dimeşandin.

Şêx Mehmûd, di dawiya sala 1922'yan de, nûnerên xwe şandin Bexdayê. Di van hevdîtinan de encameke hêja bi dest neket. Rayedarêñ îngilîz û yên ereb, li şûna berfirehkirina mafêن demokratîk, li herêmê

daxwaza kêmkirina mafêن hene jî dikirin. Ramana Şêx Mehmûd ew bû, ku wê rayedarên îngilîz helwesteke weke ya sala 1919'an bi kar bînin. Ji ber vê yekê, li dijî wan dest bi hewldanê kir. Piştî demekê, rayedarên îngilîz ji van hewldanan agahdar bibûn.

Ji bo danûstandina der barê pêşketinan de Şêx Mehmûd vexwendin Bexdayê, lê wî çûna Bexdayê red kir. Her di vê navberê de hêzên îngilîz ên bejahî û hewayî êrîşî kurdan kirin. Bajarê Silêmaniyê, di 23'ye Adara 1923'yan de hat bombebarankirin. Şêx Mehmûd, li dijî van êrîşan banga tekoşînê dike.

Leşkerên îngilîz, di dawiya Adara 1923'yan de li dijî kurdan dest bi êrîşike berfireh dikan. Di vê êrîşê de beşeke mezin ji xaka Kurdistanê tê dagirkirin. Fermandarêya leşkerî ya îngilîz, di 5'ê Gulana heman salê de ji bo êrîşike mezin ferman derxist. Her wiha, bi alîkarêya xayînê heremê re di nîvê Gulana 1923'yan de Silêmanî xistin bin kontrola xwe. Piştî vê bûyerê, di demeke kurt de hêzên kurdan careke din bajarê Silêmaniyê ji wan distînin. Lê hîn bi temamî xwe bi cih nekirie, neçarî valakirinê dibin. Her ci qas di van êrîşan de serkeftî nebin jî, li dijî îngilîzan şerê partîzanî hat berdewamkirin.

Êrîşen îngilîzan ên li ser navenda Silêmaniyê zêde dibûn. Di vê navberê de Şêx Mehmûd jî, ji bo wergirtina alîkariyê, ji rayedarên Yekîtiya Sovyetê re nameyan dişîne. Di van nameyan de stemkarî û zordarêya îngilîzan a li ser gelê kurd, talan û wêrankirina ku li Kurdistanê pêk hatiye û daxwaza piştgirêya leşkerî û ramyarî tîne ziman. Lê birêveberêya Bolşevîk, ji bo nameyên ji wan re hatine şandin, bersiveke erêni nedaye.

Serhildana Şêx Mehmûd, di sala 1930'î de jî, dema ku dewleta Îraqê fermî dibe, careke din dest pê dike. Vê carê jî bajarê Silêmaniyê, weke çend caran dubare bûye, ji aliyê balafiran ve tê bombebarankirin. Di van bombebaranan de bajarê Silêmaniyê dîsa tê wêrankirin. Serhildana Başûrê Kurdistanê ya di bin rêbertiya Şêx Mehmûdê Berzencî de bi vî awayî bêdeng dibe. Şêx Mehmûdê Berzencî, di sala 1956'an de jiyana xwe ji dest daye.

PIRSÊN NIRXANDINÊ

- 1.** Çima dewleta Îraq û Sûriyeyê hat avakirin?
- 2.** Biryara damezirandina birêveberêya mêtîngehan, rê li ber çi vekir?
- 3.** Çima kurdên Şarezor û Rojhilatê Kurdistanê, li dijî leşkerên îngilîzan şer kirin?
- 4.** Ramana Şêx Mehmûd çi bû?
- 5.** Şêx Mehmûd, di nameyên ku ji rayedarên Yekîtiya Sovyetê re dişîne de çi dibêje?

WANE 4

BAŞÛRÊ KURDISTANÊ DI NAVBERA 1945-1975'AN DE

Ramyariyên ku Fransa li ser Sûriye û Rojavayê Kurdistanê bi rê ve dibirin, di heman demê de îngilîzan jî li Başûrê Kurdistanê heman ramyarî bi rê ve dibirin. Bi vî awayî, îngilîzan sîxurên xwe di nava hemû besên civakê de bi cih dikirin. Îngilîzan, li Îraqê xwe weke héza bicihanîn û belavkirina dadê û alîkarên gelên bindest nîşan didan. Lê di rastiyê de tevahiya kiryarên îngilîzan, ji bo desteserkirina petrolê bûn. Li ser vî bingehî, komîserên îngilîzan dixwazin birêveberên hemû eşîrên kurdan bînin rex hev û bi wan re civînekê pêk bînin. Di vê civînê de wê daxwazên eşîran ên ji îngilîzan bihatana guhdarkirin. Di rastiyê de ev plana îngilîzan a li hemberî civakên herêmê bû. Ji ber ku îngilîzan baş dizanîn ku hemû eşîrên kurdan ne di heman nêrînê de ne. Dema ku yek dibêjê spî ye, yê din jî wê bêje reş e. Dema ku Şêx Mehmûdê Berzencî vê metirsiyê dibîne, yekser dikeve nava liv û tevgerê. Ji 40 eşîrên kurdan îmzeyan kom dike û ji komîserê îngilîzan re dişîne. Daxwaza wî ew e, ku dewleteke kurdan were avakirin û ev dewlet jî bi îngilîzan ve girêdayî be. Lê komîserên îngilîzan, ev xwestek pêk neanîn û ji wan re digotin: “Lezê nekin.”

Di vê pêvajoyê, ango di sala 1937'an de Kurdistan, di bin desthilat-darêya ereban de bû. Di heman demê de jî, nijadperestiya kurd dikeve pêvajoyeke nû. Ji ber vê yekê, pêwîstî bi damezirandina rêxistineke nû didîtin. Guftûgo li ser awayê rêxistin û modela wê dihat kirin. Di dawiyê de Şêx Mehmûdê Berzencî û alîkarê xwe yê bi navê Prof. Refîq Helîm, li Başûrê Kurdistanê partiya yekem a bi navê “Hîwa” damezirandin. Di vê partiya ku di sala 1941'ê de hatiye damezirandin; kesayetên rewşenbîr, mamotoe û xwendekaran cih digirtin. Her ku çû, di nava partiyê de lihevnekirinan dest pê kir.

Baskên wê yên çep û rast derketin, ên rast li cem îngilîzan cihê xwe digirtin û yên çep jî cihêن xwe li cem rûsan digirtin. Lê pevçûnên navxweyî yên di nava partiyê de bêhêziyê bi xwe re tîne. Ev jî, dibû sedem ku partî bêplan bimîne. Li ser rewşa ku heye, civînek tê lidarxistin. Di vê civînê de pêwîstî bi peydakirina serokekî nû tê dîtin. Nêrîn hemû diçûn li ser Mele Mistefa Berzanî, ku ew bixwe ne

di nava van xebatan de bû. Berzanî, endamê malbateke xuyayî yê herêmê ye, nûnertiya şêxtiyê dikir. Ji ber vê yekê, li herêmê dihat naskirin. Di encamê de serokatiya Berzanî tê pejirandin. Berzanî, li hemberî birêveberêya Îraqê, serhildanekê dide destpêkirin û piştre jî gelek fermandarên leşkerî yên kurd di nava artêşa Îraqê de jî tevlî serhildanê dibin. Dema ku îngilîz vê rewşê dibînin, dikevin nava liv û tevgerê. Berzanî, di dawiya sala 1943'yan de navbereke dide êrîşen xwe û dest bi xebatê dîplomasiyê dike. Ji bo çareserêya ramyarî, serî li hikumeta Îraqê dide.

Di sala 1944'an de her ku diçû xebatê dîplomasiyê diket metirsiyê. Lê hevdîtinên Partiya Hîwa yên bi hikumetê re didomin. Di encamê de ji bo birêveberêya Îraqê nameyek tê şandin. Desthilatdarêya Îraqê jî, vê nameya ku daxwaza hevdîtinekê ya ji nûnerên her du aliyan pêk dihatin, dipejirîne. Di kombûnê de daxwazêni aliyê kurd, bi vî awayî derdikevin pêş:

1. Di herêmeke ku bajarê Kerkûk, Hewlêr, Silêmanî, Xaneqîn û Duhok digirt nava xwe de pêkanîna birêveberêya herêmî ya taybet.
2. Weke zimanê fermî, pejirandina zimanê kurdî.
3. Di her desteya wezîran de erkdarkirina wezîrekî ku ji birêveberêya herêmên kurd berpirsiyar bin.
4. Ji bo her wezîri, erkdarkirina cîgirek kurd.
5. Li Kurdistanê pêkanîna reforman.

Di sala 1945'an de her ku diçû rêexistina Hîwa belav dibû û ji armancê xwe dûr diket. Hatibû diyarkirin ku piraniya kesên ku di nava vê partiyê de cih digirtin, bîrewer û rewşenbîr bûn. Li aliyê din jî, Berzanî serokê eşîrekê bû. Ev rewş, di nava partiyê de rê li ber aloziyan vedike. Berzanî jî, ji vê rewşa heye bêzar bû û li riyên çareseriyyê digere. Li ser vê bingehê Berzanî û hevalên xwe birtyara avakirina partieneke nû didin.

Bi vî awayî, 12'ê Sibata 1945'an de partiya bi navê "Azadî" tê damezirandin. Her çi qas partieneke nû hatibû avakirin jî, peywendiyê her du rêexistinan (Hîwa û Azadî) didomin. Dixwestin birêveberêya Îraqê bê guhartin û Nûrî Seîd were li ser desthilatdariyyê. Eger ev pêk

nehatibûya, wê ereb bi alîkarêya îngilîzan bi hêsanî tev bîgerêyana. Mirov dikare bêje ku pirsgirêka kurd di pêvajoyeke giran re derbas dibû. Piştî Şerê Cîhanê yê Duyem (1945) îngilîzan ji bo ku tevgera kurd biperçiqînin, biryara tevgereke çekdarî dide û 25 hezar leşkerên xwe dişîne Kurdistanê, ji bo ku alîkarêya Îraqê bikin.

Rêveberêya Îraqê, di sala 1945'an de êrîşeke mezin dibe li ser kurdan. Lê tevî ku hêza wan ji ya Îraqê kêmîtir jî bû, leşkerên Îraqê li hemberî berxwedana kurdan bi ser nakevin. Dema ku van serkeftinan bi dest dixe, alîkarêya gel jî her ku diçû zêde dibû. Ji aliyekî ve ev piştgirî bilind dibû, ji aliyê din ve jî xiyanetkar di nava tevgerê de bûn. Dema ku îngilîzan dîtin her ku diçe serhildan berfireh dibe, bêyî ku tu zagonê li ber çavan bigirin, êrîşen hewayî li ser Kurdistanê pêk anîn û gundêñ kurdan bi erdê re kirin yek. Di encama van êrîşen giran de hêzêñ kurdan tengezarêyan jiyan dikin û bi hêzeke ku ji deh hezar kesî ve pêk hatiye, derbasî Iranê dibil. Di wê demê de jî Komara Mehabadê di pêvajoya damezirandinê de bû. Di rê de hêjmareke zêde mirov ji ber sedema birçîbûnê û sedemên din, jiyana xwe ji dest dan.

Piştî vê bûyerê, birêveberêya Îraqê, der barê Berzanî û hevalên wî de biryara darvekirinê distîne û yên hatin girtin jî têñ darvekirin. Di sala 1946'an de Mele Mistefa Berzanî, weke berpirsiyarê giştî yê artêşê di nava Komara Mehabadê de cih digire. Di 16'ê Tebaxa 1946'an de Partiya Demokratîk a Kurdistanê tê damezirandin. Lê piştî hilweşandina Komarê, bi meşeke dirêj derbasî Yekîtiya Sovyetê dibe û li wir deh salan dimîne.

Di 14'ê Tîrmeha 1958'an de Ebdilkerîm Qasim derbeyeke leşkerî pêk tîne û li Îraqê dawî li monarsiyê tîne. Li ser vê bûyerê, Mele Mistefa Berzanî ji ber ku li Îraqê rewş hatibû guhartin, vedigere Kurdistanê. Lê ji ber ku hevdîtinêñ bi birêveberêya Ebdilkerîm Qasim re hatine kirin, bê encam dimînin, di sala 1961'ê de PDK dest bi çalakiyêñ çekdarî dike. Di sala 1968'an de Partiya Baas, li Îraqê tê ser desthilatdariyê. Di sala 1970'yî de jî xweserêya herêmê tê pejirandin. Lê ji ber sedemên nedîyar, piştî demeke din şer û pevçûn careke din dest pê dikin.

Peymana Cezayîrê (1975) a ku di navbera Îraq û Iranê de pêk hatiye,

di dîroka Berzaniyan de ya herî giran e. Tevgerê, têkçûneke gelek giran jiyan kir. heta rêxistinê têkçûna xwe ragihand, beşek ji endamên sereke derbasî Êرانê bûn. Ev bû sedem ku hejmareke girîng ji kurdan derbasî aliyê birêveberêya Îraqê bibin û li dijî Berzaniyan şer dikan. Ev rewşa nû ya ku derketiye, di nava rêxistinê de jî rê li ber dengên dijber vedikir. Ên ji helwesta Mele Mistefa Berzanî nerazî, di sala 1975'an de YNK (Yekîtiya Nîştîmanî ya Kurdistanê) dadimezirînin.

PIRSÊN NIRXANDINÊ

- 1.** Îngilîzan, li Îraqê xwe weke çi nîşan didan?
- 2.** Daxwaza Şêx Mehmûdê Berzencî, çi bû?
- 3.** Kê cihê xwe di Partiya Hîwa de digirt?
- 4.** Partiya Azadî, kengî û ji bo çi tê avakirin?
- 5.** Çima îngilîzan biryara tevgereke çekdarî da?
- 6.** Mele Mistefa Berzanî kengî û ji ber çi derbasî Rojhilate Kurdistanê bûye?

WANE 5

DERKETINA NETEWPERESTIYA BAAS

Baasî, netewperestî ye. Netewa xwe, di ser hemû netewan re dibîne û ji kemalîzmê bandor bûye. Armanca pergala Baas, avakirina dewleteke yekbûyî ya ereban a li Rojhilata Navîn bû. Di sala 1940'î de li Sûriyeyê hatiye avakirin. Damezirînerên wê; Selah Bîtar û Mîsel Efleq in. Her ci qas li Sûriyeyê derketibe, li Îraqê jî alîgir peyda dixin. Kongreya yekem, di sala 1947'an de li Şamê pêk hatiye.

Ji bo jiholêrakirina kurdan, gelek rîbaz bi kar anîne. Bi qasî ku li ser desthilatdariyê maye, Baasiyan xwe li ser rîbazên zext, tundî û dijwarêyan ragirtiye. Li ser gelê kurd û şîayan, gelek qirkirin û komkujî pêk anîne. Li hemberî nakokiyêna navxweyî yên gelerî, bi DYE'yê re ketiye nava peywendiyêna cur bi cur.

Partiya Baas a Îraqê, di bin serokatiya Sedam Hisêna de gelek êş û jan dane jiyankirin. Bi saxî xêzanêna kurd xistine bin axê. Gelek enfal pêk anîne, weke; komkujiya kîmyabarana Helepçe, bi hezaran darvekirin û bi deh hezaran kurd di zîndanan de rizandine. Gelek gund û navçeyêna kurdan wêran kirine. Ev tiştên ku bi serê kurdan ve anîne, heman tişt bi serê şîayan ve jî anîne.

Dema enfalê:

Enfal, navê xwe ji sureya Quranê ya bi navê Enfalê digire. Di hin ayet û sureyan de qala kuştina kesêna ku bawerêya wan bi xwedê kêm, an jî nayê, dike. Rêjîma Baas, bi xwe spartina van sureyan ve dest bi komkujiya kurdan kiriye. Dixwestin di nava Îraqê de kurdan tune bikin. Di pêvajoya vê tunekirinê de gelek kiryarêna qirêj hatine bikaranîn. Wargehêna êsiran(dîl) hatine sazkirin. Yekîneyêna kuştinê hatine çêkirin. Operasyonêna leşkerî hatine bipêşxistin. Çekêna kîmyawî û biyolojîk hatine bikaranîn. Di dema bikaranîna van rîbazan de hemû hebûnêna zindî hatine kuştin. Mirov, lawir, şînatî ji holê hatine rakirin. Ev qirkirinêna ku di sala 1976'an de hatine destpêkirin, heta sala 1983'yan hatine domandin.

Dijmin ji ber hin armancêna xwe yên qirêj, bûyera enfalê pêk tîne. Dixwestin di van kiryaran de mezheba sunî ji bo berjewendiyêna xwe bi kar bînin. Anglo dixwestin dewleteke ereban a li ser bingeha mezheba sunî damezirînin. Di nava vê erdnîgariyê de gelek komên ci-

vakî yên ji nijadêñ din jî hebûn. Bi rîbazêñ bişaftina çand û exlaqê civakî, dixwestin ku wan ji kevneşopiyêñ wan dûr bixin. Piştî ku ev armanca xwe pêk anîn, ramyarêya netewperestiyê ya li dijî civakan bi kar anîn.

Ev bişaftinêñ civakî û armancêñ qirêj, rê li ber lewazbûna gel vekir. Gelek hêzêñ ku alîkarî ji dewletêñ derve digirtin, heta niha jî di bin bandora van hêzêñ derve de dixebeitin. Ji gelê xwe dûr ketine. Ji xwe ev dewletêñ derve, piştî Enfalê jî dixwazin hemû kurdan ji holê rakin û tune bikin. Li şûna gelê kurd ê ku ji cih û warêñ wan dihatin derxistin, gelê ereb dihat bicikirin. Bi vê rîbazê, rîjeya gelê kurdêñ nîştecih dihatin kêmkirin. Bi taybetî, li bajarê Kerkûkê, ev rîbaz hatiye bikaranîn. Netewperestî, taybetmendiya wan a herî diyar e. Li Başûrê Kurdistanê, pêşketina tevgereke demokratîk û hemdem, weke di dîroka gelê kurd de jî hatiye dîtin, dibûn sedemên bingehîn ên komkujiyan.

Di sala 1975'an de dema ku tevgera Başûrê Kurdistanê têk diçe, li ser civaka kurd, rîzekomkujî tên destpêkirin û bi salan tên domandin. Bi têkçûna tevgera başûr re ji bo birêveberêya Baasê, rewşeke destdayî derdikeve holê. Bi derketina vê rewşa nû re gav bi gav desthilatdarêya birêveberêya Baas, li başûrê welat tê rûniştandin.

Ji sala 1983'yan û pê de li Hewlêr û Mûsilê bi zorê xebitandina jinan, yek ji encamên vê ramyarêya qirêj e. Di operasyonêñ leşkerî yên di navbera salêñ 1983-1989'an de hatine meşandin, bi hezaran mirovên sivîl ên di nava wan de jin û zarok jî hebûn, bi awayekî girseyî hatin tunekirin, an jî windakirin. Di hin rewşan de tevahiya şeniyêñ gundan bi giştî bi carekê ve hatin kuştin, çekêñ kîmyawî hatin bikaranîn. Bi hezaran gund hatin şewitandin, malêñ wan hatin talan û wêrankirin. Ji ber sedemên pir ji rîzê; jin, zarok, ciwan, pîr û bi deh hezaran mirov hatin zîndankirin, bi sed hezaran gundî bi darê zorê ji welatê bav û kalan hatin dûrxistin.

Bi piranî kurd, 185 hezar Kurdistanî bi karanîna çekêñ kîmyawî û rîbazêñ cur bi cur ve hatin kuştin. Li Başûrê Kurdistanê 4000 gund bi komkujiya Enfalê re hatin kavilkirin. Di pêvajoyeke wiha de Başûrê Kurdistanê bê şert û merc agirbestê radigihîne. Yekem komkujiyêñ ji wir û pê de hatine meşandin a Helebçeyê, beşike ji komkujiyêñ

Enfalê ye. Komkujiya Helebçeyê (16'ê Adara 1988) ya dawiya wan salan e. Di encama wê de zêdetirî 5000 mirovên kurd hatin kuştin û bi deh hezaran birîndar û kesên pûç li dû xwe hiştin.

Lê belê heta niha jî li ser kurdan ev komkujî û tunekirin tê domandin. Di sala 1989'an de li herêma Zaxo, komkujî tê pêkanîn. Weke encam; 14'ê Nîsanê, weke roja bîranîna şehîdên komkujiyê hatiye pejirandin.

Piştî Şerê Kendavê û Lêgerînên Çareserêya Dewletî:

Piştî Şerê Kendavê, di sala 1991'ê de li Başûrê Kurdistanê meclis û hikumetek tê avakirin. Ev rewş, di bin parastina hêzên Çakûç ên NATO (Peymana Bakurê Atlantîk) de derdikeve pêş. Piştî Şerê Kendavê, ji ber ku têkoşîna azadiyê ya di bin rôbertiya Abdulah Ocalan de li Kurdistanê di asteke bilind de pêş ketibû, hêzên navnetewî pêdivî bi avakireneke wisa dîtibûn. Armanca wan, astengkirina tevgera aza-diyê bû.

Dema ku hêzên DYE'yê leşkerên Dewleta Îraqê ji Kuveytê derxistin û êrifîser wan kirin, gelê kurd jî li Kurdistanê serî hilda. Hêzên Sedam Huseyn, ji beşeke Kurdistanê hatin derxistin. Piştire, pêşmergeyên PDK û YNK'ê ku piraniya wan li Îranê bûn, vegerêyan Başûrê Kurdistanê. Bi hatina PDK û YNK'ê ya ji Îranê re yek li Silemanî û yek jî li Hewlîrê, du hikumet li Başûr ava bûn.

Piştire, ji bo serwerêya xwe ya di nava xakê Kurdistanê de bi hev du re şer kirin. Di van şeran de bi hezaran Kurdistaniyan jiyana xwe ji dest da. Weke tê zanîn, armanca Şerê Kendavê, bêbandorkirina dewleta Îraqê bû. Di heman demê de dixwestin Îraq û kurdan bixin bin bandora xwe. Bi van plan û kiryarê qirêj ve dihat armancikirin ku nasnameya hemdemî û demokratîk a gelê kurd û şerê gel ê hebûnê bêbandor bikin. Dixwestin van armancê xwe bi lîstok û rîbazên qirêj berdewam bikin.

Ji aliyê hêzên derive ve xwedî derketina li Başûrê Kurdistanê, ne bi armanca çareserkirina pirsgirêka kurd bû. Di demê borî de aşkere bûye, şerê ku hêzên başûr li Başûr meşandine, ji dijminahiya derive xerabtir e. Gel, bi mirinê re rû bi rû hiştine.

Di sala 2003'yan de dema ku hêzên NATO rêtîma Baas a li Îraqê rûxandin, li Başûrê Kurdistanê rewseke nû derket. Ji bo gavê ber bi

dewleteke biçûk ve zemîn tê avakirin.

PIRSÊN NIRXANDINÊ

1. Baasî kengî û li ku hatiye avakirin?
2. Enfalê, navê xwe ji ku wergirtiye?
3. Bûyera Enfalê, di navbera kîjan salan de pêk hatiye?
4. Partiya Baas a Îraqê, ci bandor li kurdan kiriye?
5. Di pêvajoya tunekirina kurdan de ci derket holê?
6. Sedema kêmbûna rêjeya gelê kurd, ci bû?
7. Hêzên navnetewî, pêdivî bi avakirineke çawa didîtin?
8. Armanca Şerê Kendavê, ci bû?

BEŞA 6

- * ROJAVAYÊ KURDISTANÊ
- * ALÎKARÊYA KURDÊN ROJAVA YA JI BO SERHILDANÊN KURDAN
- * TEVGERA AZADIYA GELÊ KURD

ROJAVAYÊ KURDISTANÊ

Rewşa kurdan a di dema desthilatdarêya Fransayê de:

Dema ku Kurdistan hat parçekirin, beşeke ji Kurdistanê ket bin deshilatdarêya Fransayê. Fransa jî, weke îngilîzan ramyarêya (Belav bike, parce bike û bi rê ve bibe) li ser kurdên Rojava meşandiye. Her cure stemkarî û dagirkerî, li ser kurdan dimeşand. Di heman demê de jî, hevkarêya Fransa û Tirkiyeyê ya li hemberî kurdan hebû. Ev jî, di encama peymana 20'ê Mijdara 1921'ê de pêk hatibû.

Li gorî vê, Rojavayê Kurdistanê di nava dewleta Sûriyeyê de dima. Ji vir û pê de erekbêni nijadperest, diyar kirin ku tu mafê kurdan li ser vê herêmê tune ye. Ci kurdê ku li vir jiyan dike, ji derve hatiye. Bi taybetî jî, piştî serhildana Şêx Seîd a 1925'an ji Tirkiyeyê hatine û li vir bi cih bûne. Ji ber vê yekê, weke civaka xwecihî nedihatîn pejirandin. Fransa hemû mafêni jiyanê, didan kêmnetewên li wir hene, lê belê ji bo kurdan tiştekî wiha tune bû. Bi vê dixwestin ku ji serokeşîrên kurdan hêzeke hevkar biafirînin û wan neçarî xwe bikin. Li hemberî vê ramyarêya ku Fransa dida meşandin, gelê kurd dest bi serhildanan kirine. Hin ji van serhildanan, ev in:

Serhildana Beyandûr:

Ev serhildan, di sala 1923'yan de li dijî kirêyarê fermandarê hêzên leşkerî yê firansî bi navê Rokan û bi hevkarêya hemû eşîrên kurd û ereb ên li Rojava dijiyan. Di vî şerî de gelê herêmê li hemberî hêza herî mezin a cîhanê bi ser ketine. Sedema wê jî, yekîtiya ku di nava gel de çê bibû jib o parastina nirx û çanda xwe.

Toşa Amûdê 1937:

Di sala 1926` an de hêzên firansî êrîş birin ser bajarê Amûdê. Ji bo têkbirina şoresgerên ku serî hildane li himber Firansayê. Lê rastî berxwedanekê ji aliyê gel û şoresgeran hatin bi pêşengiya Seîd Axayê deqorî yê ku têkiliyên xwe bi Şamê re baş saz kiribû, di heman demê de alîkarêya eşîrên kîkan di herêma Dirbêsiyê de û yên Milan di Amûdê de wergirtibû. Destpêka van êrîşan bi serkeftina şoresgeran bi encam bû, vê yekê hişt ku Firansayê bi hemû hêza xwe bi ser wan de bê û ji her çar aliyan debaiar hat dorpêç kirin. Di encamê de Seîd Axa û malbat û hevalên xwe derbasî bakurê kurdistanê bûn. Lê

piştî efûkirinê dîsa vedigere Amûdê. Di sala 1937' an de li Amûdê qereqolek firansî hate vekirin vê qireqolê ziyan li gel dikir û ne li gorî çand û kevneşopiyên civakî tevdigerêya, her wiha bibû bingeha nakokiyan di nava xiristyan û misilmanên Amûdê yên ku bi salan bi hev re jiyan dikirin. Gelê amûdê dîsa serî rakir û êrîşî qereqolê kirin û hêzên firansî têk birin vê yekê hêrsa Firansayê kur kir û bi belafiran gund û bajarê Amûdê bombe baran kir.

Serhildana Xûta û Şamê:

Ev serhildan jî, bi alîkarêya kurdên di nava Şamê de jiyan dikir, hat bipêşxistin. Kesêن bi navê Ehmedê Beravî û Mehmûd Elberazî rîbertiya serhildanê dikirin. Hêzên Fransayê, pêşî li serhildanê girtin. Fransa û Tirkîye, di van deman de di nava hevkariyên bi her awayî de bûn. Ev hevkarî jî, bi taybetî li dijî kurdan pêk dihat. Li hemberî bêmafi û stemkarêya dewletên dagirker, rewşenbîrên heremê dest bi avakirina partiyên ramyarî kirin.

- » Partiya Demokrata Kurdistanê ya Sûriyeyê (Şam-1957)
- » Partiya Azadî ya Sûriyeyê (Qamişlo -1958)
- » Yekîtiya Ciwanên Demokratîk a Kurd - Sûriye.

Ramyariyêndewlata Sûriye yên li ser kurdan û kembera erebî:

Piştî Şerê Cîhanê yê Duyem bi salekê, ango di sala 1946'an de Fransa ji Sûriyeyê derdikeve. Bi derketina hêzên Fransayê re hêdî hêdî nêzîkbûnên desthilatdarêya ereban a li ser kurdan diyar dibû. Gelê kurd, weke parçeyeyeke Sûriyeyê nayê pejirandin. Desthilatdarêya Sûriyeyê ya ereb, kurd weke dijmin dihesibandin. Ji ber vê yekê, hemû cureyên pêkanînêji derveyî mirovahiyê bi kar anîn. Desthilatdarêya Sûriyeyê, doza kurdan weke pirsgirêkeke ramyarî nedidît, weke pirsgirikeke çandî lê dihat meyzekirin. Hemû mafêñ kurdan ên ramyarî û çandî ji destê wan hat girtin. Ev pêkanîn, ji sala 1950 heta roja me ya îro jî didome. Pêkanînêñ kembera erebî jî li ser kurdan pêk anîn. Ango gelê kurd ji gund û bajarêñ wan bi darê zorê dihatin koçberkirin û li cihê wan ereb bi cih dikirin.

Beşeke mezin ji kurdên Rojava, bênasname hiştin. Hin pêkanînêñ din ên weke; qedexekirina cil û bergen kurdî û qedexekirina ziman û çanda kurdî dan destpêkirin. Kesêñ ku ji derveyî van qedexeyan

tevdigerêyan, tavêtin zîndanê. Ji ber ku ji bo pergalê metirsî dihatin dîtin, cih nedidan xwendekarêن kurd û mafê wan ê xwendinê ji dest wan digirtin.

Di reforma çandiniyê ya hatiye derxistin de tenê li ser cotyarêن ereb, xak hatin belavkirin. Ji vê projeyê, kurdan qet sûd jê nedît. Di herêmên kurdî de guhartin dan çêkirin. Li ser civaka kurd kiryarêن faşizane, mandele û tunekirin hatin bingehgirtin. Bi taybetî jî, ji bo tunekirina kurdan di sala 1963'yan de projeyek hat bipêşxistin. Û ku ev proje derxist, Mihemed Talîb Hilal bû û ev proje wiha bû:

- 1.** Dewletê koçberêya bi darê zorê da meşandin. Bi taybetî jî, kesên ku ji bo dewletê metirsîdar dihatin dîtin, hatin koçberkirin.
- 2.** Li ser civaka kurd ramyarêya cehaletê(nezanî) hat meşandin. Li Kurdistanê dibistan nedihatın vekirin. Da ku kurd nezan bimînin, ev dihat armanckirin.
- 3.** Deriyêن karkirinê ji bo kurdan hatin girtin. Gel neçar ma ku li welatêن derve ji xwe re li kar bigere.
- 4.** Nasnameya olî, ji şêxên kurd hatin standin. Li şûna wan, şêxên ereb hatin şandin.
- 5.** Di navbera kurdan de lihevnekirin derxistin û bû sedem ku kurd li hemberî hev şer bikin. Li ser xaka Kurdistanê, baregehêن leşkerî ava kirin. Her wiha, mafê hilbijartinê ji kesên ku bi zimanê erebî nepeyivin, hat standin.
- 6.** Anîna mirovên ereb li cihê kurdan û li ser sînor bi cih kirin.

Bi vî awayî, desthilatdarêya Sûriyeyê ev bernameya ku hatiye dayîn, yek bi yek pêk anî.

Ev ramyarî, di koçberêya gelê kurd a nava sînorêن Sûriyeyê de sedema herî mezîn e. Ji aliyê rêjîma faşîst ve gelê kurd ji cih û warê wan hat qewitandin. Li şûna gelê kurd, gelê ereb hat bicikirin. Navê gundêن kurdan, bi erebî hatin binavkirin û nivîsandin. Dihat xwestin ku gelê kurd û ereb, ji hev du werin qutkirin. Di navbera wan de astengiyêن mezîn hatin avakirin. Navê yek ji van astengiyan, kembera erebî ye.

Dema Hafîz Esed û desthilatdarêya Baas:

Li Rojhilata Navîn, serokdewletêن ereb pirtir di destê malbat û kesêن hevkarêن emperyalîzmê de bûn. Hevkarêya van serokdewletan

a bi hêzên emperyalîst re hêdî hêdî rê li ber nerazîbûnan vedikir. Di nava civaka ereb de partiya Baas gav bi gav xwe bi rêxistin dikir û dixwest desthiladarêvan dewletan jî, ji desthiladariyê bixe û cihê wan bigire. Bi vê armancê, desthiladarêya Îraqê ya di bin serokatiya Ebdilkerîm Qasim di sala 1963'yan de hatibû guhartin. Pişti demeke din, desthiladarêya Îraqê ketibû destê Partiya Baas.

Pişti guhartina desthiladariyê ya li Îraqê çêbû, Sûriye jî ket heman rewşê. Di sala 1971'ê de Partiya Baas li Sûriyeyê derbeyeke leşkerî pêk anî û Hafiz Esed ku fermandarekî artêşê bû, bû serokê dewletê. Weke ku di hemû pergalên desthiladar ên yekpartî de bûye, partiya Baas jî li Sûriyeyê hemû kar û barê desthiladariyê bi xwe ve girêdan. Ji vir û pê de hemû nêrîn û helwestêni ji derveyî xeta Baasê, weke metirsiyeke mezin dihat dîtin. Ji vir û şûn de li Sûriyeyê rewşa awarte hat ragihandin. Reform û guhartinênu ku di rewşa ramyarî de çêdibûn û şeweyê birêveberiyê li gorî berjewendiyê destlihatdarêya malbata Hafiz Esed dihat bipêşxistin. Yek ji van: Avakirina meclisa gel a ku hêza herî jor a eniya netewî bû, di nava vê eniyê de gelek partiyênu ku di nava Sûryeyê de hebûn, cihê xwe digirtin.

Lê vê partiyê, tu guhartin pêk neanî. Berevajiyê wê, bû hêzeke desthilatdar a li ser gel. Ango, ji aliyê dayîna mafêne wekhevî, azadî û di naskirina mafêne netewênen din de tu carî ji aliyê Partiya Baas ve gavek nehatiye avêtin. Di encamê de tu cudahî di navbera Partiya Baas a Sûriye û Partiya Baas a Îraqê de tune ye. Di cewherê vê partiyê de ramyarêya bişaftinê û binpêkirina mafêne gelan heye.

PIRSÊN NIRXANDINÊ

- 1.** Dema ku Kurdistan hat parçekirin, Fransa kîjan ramyarî li ser kur-dan pêk anîn?
- 2.** Serhildanê gelê kurd, diyar bike.
- 3.** Di Serhildana Beyandûrê de gel li hemberî çi, bi ser ketin û sede-ma wê çi bû?
- 4.** Gelo Serhildana Amûdê bi ser ket, an na, lêkolîn bike?
- 5.** Li hemberî stemkarêya dewletên dagirker, rewşenbîrên herêmê kîjan ramyarî ava kirin?
- 6.** Xalêن projeya tunekirina kurdan, diyar bike.

WANE 2

ALÎKARÊYA KURDÊN ROJAVA YA JI BO SERHILDANÊN KURDAN

Rojavayê Kurdistanê, ji bo hemû şoreş û serhildanên kurdan ên li her sê parçeyên din, bûye hêlîna xwe birêexistinkirin, bicihkirin û alîkariyê. Her çi qas di nava xwe de şoreşek pêş nexistibe jî, bûye cih û warê endamêن serhildanêن beşen din ên Kurdistanê. Dema ku serhildêrên beşen din ên Kurdistanê li hemberî êrîşen dagirkaran, tengasî jiyan dikirin û dişikestin, derbasî Rojavayê Kurdistanê dibûn. Xwe birêexistinkirin, heta bidestxistina alîkarêya daringî û rewanî, di vê beşa welatê me de pêk tanîn. Di heman demê de jî, li herêmê bicibûna kesayetên rewşenbîr, ji aliyê xwe birêexistinkirinê ve dibû sedema gavên girîng. Di avakirina hestên netewî, parastina ziman, çand û exlaqê kurdewariyê de bandoreke mezin li ser gelê Rojava pêk anî.

Lê mixabin, di nava hemû serhildanan de hatiye aşkerekirin ku ji ber parçekirina hestên netewî yê gelê kurd, têkoşîneke hevbes nehatiye meşandin. Gelek serhildan hatine bipêşxistin, lê yan di nava parçeyeke Kurdistanê de sînordar maye, an jî di demeke kin de hatiye têkbirin. Ji ber van sedeman, serhildanê ku li parçeyên Kurdistanê hatine destpêkirin, li ser Rojavayê Kurdistanê bandora ku pêwîst dikir, dernexistiye holê. Tenê di asta piştgirî û alîkariyê de maye. Di Tîrmeha 1979'an de bi hatina herêmê ya Abdullah Ocalan re li Rojavayê Kurdistanê, şiyariyeke mezin dest pê kir.

PIRSÊN NIRXANDINÊ

- 1.** Rojavayê Kurdistanê, ji bo hemû serhildanên kurdan, bûye çi?
- 2.** Çima serhildêrên beşên din ên Kurdistanê, derbasî Rojavayê Kurdistanê dibûn?
- 3.** Gelo komeleya Xoybûnê ji bo serhildana Agiriyê çi pîlan çêkiribûn, lêkolîn bike?

WANE 3

TEVGERA AZADIYA GELÊ KURD

Rewşa herêma Rojhilata Navîn:

Rojhilata Navîn, ji Şerê Cîhanê yê Yekem ve weke yek ji herêmên herî xwedî pirsgirêk ên cîhanê bû. Pirsgirêkên ku hene, bi şerê parveki-rina cîhanê yê duyem re zêdetir hatine kûrkirin û heta sala 1970'yi hatine berdewamkirin.

Ji ber girîngiya herêmê, ji aliyê hêzên sereke yên cîhanê ve bi baldarî tê şopandin. Di vê pêvajoyê de dewletên ku piştî şerê parvekirina cîhanê hatine damezirandin, li ser gelê xwe zor û çewisandinên giran pêk tînin.

Dema ku aloziya petrolê jî, li ser van pirsgirêkan dihat zêdekirin, pirsgirêk gurtir dibe û dibe mîna girêkekê ku ji hev nayê derxistin:

Rewşa Tirkîyeyê:

Di sala 1960'î de li Tirkîyeyê, tevgerên demokratîk û sosyalîst bi bandora tevgerên rizgariyê yên parzemînên din, her ku diçû mez-in dibû. Şoreşa gelê Vietmanê ya li dijî emperyalîzma Amerîkayê, şoreşa Kûbayê ya di bin serokatiya Fîdel Castro û Che Guevara de şoreşen gelên reşik; Angola, Mozambîk û Gîne yên li dijî dagirkerêya Portekîz, têkoşîna azadiyê ya gelên Cezayîrê ya li dijî Fransayê, her wiha têkoşîna gelê Filistînê ya li dijî siyonîzma Îsraîlê, di asteke jor de ciwanên xwendekar di bin bandora xwe de dihiştin.

Bi van bandoran, li Tirkîyeyê jî têkoşîna ji bo damezirandina dewle-teke sosyalîst hatibû destpêkirin. Berbelavbûna ramanên sosyalîst a di nava xwendekarêن tirk û kurd ên zanîngehan de çîna bûrjûwaziya tirk tirsandibû. Ji ber vê yekê, li dijî pêşveçûnên çêbûne, li ser dax-waza emperyalîzma Amerîkayê, di 12'ê Adara 1971'ê de artêşa tirk derbeyeke leşkerî pêk anî.

Bi pêvajoya cûntaya leşkerî ya 12'ê Adarê re li dijî birêveber û endamên rêexistinên şoreşger operasyon hatibûn destpêkirin.

Di van oporasyonan de Serokêñ rêexistinên ku hatine diyarkirin; Denîz Gezmiş, Mahîr Çayan û İbrahîm Kaypakkaya hatibûn kuştin û bidarvekirin. Bi sedan ciwanên xwendekar û sosyalîst di êşkenceyêن giran re hatibûn derbaskirin û xistibûn zîndanan. Di van salan de ji ber ku piraniya serok û endamên payebilind ên rêexistinên tirk hatibûn

kuştin û ketibûn zîndanan, ji aliyê serokatiyê ve valahiyeye mezin derketibû holê.

Rewşa Kurdistanê:

Di sala 1970'yî de li Kurdistanê û ji ber polîtîkayêن hovane, vîna gel hatibû şikandin û gel ji nirxên ramyarî, civakî, moral û mirovahiyê hatibû dûrxistin. Li gel zora leşkerî û ramyarî, bi nêzîkiyêن aborî û çandî re gelê kurd ji aliyê jiyanê ve bi zor û zehmetiyêن mezin re rû bi rû dihiştin. Çewisandinêň bişaftinê û mandelekirinê, bêşînor dihat pêkanîn. Di van salan de û ji berêya wê, dagirkerêن tirk li ser nirxên gelê kurd, ew qas xebatê tunekirinê û ramyariyêن qirêj meşandibûn, ku li gorî wan netewk bi navê gelê kurd, ji qada dîrokê hatibû tunekirin. Gelê kurd, di encama komkujiyêن ku di dawiya serhildanan de pêk hatiye, bi taybetî jî piştî serhildana Agiriye, xistibûn tîrbê û beton bi ser de rijandibûn.

Rêexistin û kesayetêن kurd ên bi pirsgirêkê re mijûl dibûn jî, nikarîbûn bi awayekî rast û baş pirsgirêkê bigirin dest û binirxînin. Van rêexistinê reformîst û netewperestêن paşverû, Kurdistan weke; “pirsgirêka şerqê” û çareserêya pirsgirêkê jî, bi xwestekêن weke; “rê, av, elektrîk û dibistanan” tanîn ziman û digirtin dest.

Li Tırkiye jî tevgerêن ciwanêن şoreşger, bi awayekî erêni pirsgirêka kurd nedigirtin dest. Ji van a herî radîkal jî, ji bandora Kemalîzmê rizgar nebibûn û pirsgirêk di çarçoveya Mîsak-î Millî de dinirxandin. Li gorî wan, piştî ku sosyalîzm li Tırkiyebihata damezirandin, wê pirsgirêk jî bihata çareserkirin. Pêwîst bû, li ser rewşa kurd û Kurdistanê tu guftûgo çênebûna. Ji ber ku pirsgirêk ne hêjayî guftûgoyan bû. Yê ku guftûgo bikira, weke mirovekî paşverû û dijberî sosyalîzmê dihat hesibandin.

Derketina Rêber Apo û Avakirina Pkk'ê:

Serokê rêexistina THKP-C Mahîr Çayan, di 30'ê Adara 1971'ê de ji aliyê hêzîn dewleta tirk ve hatibû kuştin. Bi vê boneyê, di yekem salvegera kuştina Mahîr Çayan de xwepêşandanek tê lidarxistin. Rêber Apo, ji ber ku serokatiyê ji xwepêşandanê re dike, di 31'ê Adara 1972'yan de tê girtin. Ji ber vê bûyerê, 7 mehan li zîndana Mamakê dimîne. Ji ber ku di destê dijmin de belgeyeke ku karibin pê Rêber Apo siza bikin tune bû, serbest tê berdan. Di dema girtîgehê de

ramana damezirandina komekê, hêdî hêdî derketibû holê.

Di sala 1973'yan de lêgerîn û xebatêن damezirandina komeke ku rizgarkirina gelê kurd a ji bindestiya dewleta tirk ji xwe re dike armanc, dide destpêkirin. Di sala 1974'an de bingeha komeke biçûk datîne. Di sala 1974 û 1975'an de hewldanê Rêber Apo yên ji bo mezinkirin û pêşdebirina komê berdewam dikan. Di sala 1977'an de ji bo şopandina xebatêن ku hatine meşandin, li gelek bajarêن Kurdistanê gereke ku bi qasî mehekê didome, pêk tîne. Di van salan de Hakî Karer jî li Kurdistanê xebatan dimeşîne. Hakî Karer, ne endamekî ji rêzê bû. Weke hîmê rêxistinê dihat pejirandin. Milîtanekî enternasyonalîst bû. Ji ber vê yekê, ji aliyê dijmin ve weke armanc hatibû hilbijartin.

Dijmin, bi şehîdbûna Hakî Karer re bersiv dabû civînên li Kurdistanê. Ev, di heman demê de peyameke girîng bû. Bi vê peyamê, diyar dike ku kengî bixwaze, wê rêxistinê ji holê rake. Şehîdbûna hevalê Hakî Karer, di nava rêxistinê de bandora erdhejekê afirandibû. Her çi qas bandora şehîdbûna hevalê Hakî Karer giran jî be, Rêber Apo bûyerê bi xwînsarî û helwesteke hêjayî serokan, pêşwazî dike. Hin heval di cih de êrîşkirina li ser dijmin û tolhildanê pêşniyar dikan. Lê ev helwest, ji aliyê Rêber Apo ve nayê pejirandin. Ji ber ku dijmin amade bû û li benda helwesteke wisa bû.

Li gorî Rêber Apo, bersiva binirx û hêja; bipêşxistin û mezinkirina rêxistinê bû. Madem dijmin bi tunekirinê gef li rêxistinê dixwar, wê demê ji bo bîranîna hevalê Hakî Karer, pêwîst bû bi partîbûyînê ve bersivbihata dayîn. Li ser vî bingehî, xebatêن damezirandina partiyê dest pê dikan. Rêber Apo, di Tîrmeha sala 1978'an de li Amedê manîfestoyê (Rêya Şoreşa Kurdistan) amade dike. Di nava rêxistinê de xebat û civînên partîbûyînê dide destpêkirin. 27'ê Mijdara sala 1978'an de li gundê Fîsê yê girêdayî navçeya Lîce ya Amedê bi besdarbûna 23 hevalan Kongre Yekem dest pê dike. Ev Kongre, du rojan berdewam dike. Bi besdarbûna delegeyêن ji gelek aliyê welêt hatibûn, kongre dest pê dike. Ji ber ku Rêber Apo wê biaxiviya, hevalê Xeyrî weke dîwan tê hilbijartin. Rêber Apo, bernameya partiyê pêşkêş dike. Piştî wê, hilbijartina navendê pêk tê. Komîteya navendî ya ji 7 kesan û desteya rêvebir ya ji 3 kesan pêk hatiye, têن

hilbijartin. Ji bo desteya rêvebir; Rêber Apo, Mihemed Karasungur û Şahîn Donmez hatibûn hilbijartin. Navê partiyê, li ser pêşniyara hevalê Ferhad Kurtay, dibe Partiya Karkerên Kurdistanê (PKK). Di sala 1978'an de Partiya Karkerên Kurdistanê(PKK) tê damezirandin. Piştî salekê, ango di sala 1979'an de derdikeve ji derveyî welat.

PIRSÊN NIRXANDINÊ

- 1.** Piştî Şerê Cîhanê yê Duyem, nakokî di navbera kê de zêde dibin?
- 2.** Rewşa herêma Rojhilata Navîn, bi kurtasî veke.
- 3.** Bandora polîtîkayên hovane yên li ser gelê kurd, ci bû?
- 4.** Çima Rêber Apo, di 31'ê Adara 1972'yan de tê girtin?
- 5.** Rêber Apo, ji sala 1973'yan û şûn de dest bi ci dike?
- 6.** Kengî partiya PKK'ê tê damezirandin?

BELAVKIRINA WANEFAN LI SER SALA XWENDINÊ

Heftî Heyv	Heftiya Yekem	Heftiya Duyem	Heftiya Sêyem	Heftiya Çarem
Rezber			Kapîtalîzm	Raperînê Gelan
Cotmeh	Raperînê Gelan	Şoreşen Rizgarêya Netewî	Şoreşen Rizgarêya Netewî	Bandora Kapîtalîzmê
Mijdar	Di Sedsa- la 19'an De Rewşa Kurdistanê	Baban	Soran	Bedirxan Beg
Berfanbar	Serhildanê Gel	Mîrniş	Şêxîtî	Şêx Übeydulahê Nehrî
Rêbendan	Alayên Hemîdî Û Dibistanê Êlan	Lêveger	Bêhinvedan	Bêhinvedan
Reşemeh	Şerê Cîhanê Yê Yekem	Hilweşîma Osmaniyan	Peymanê Ku Li Dijî Kurdan Hatine Çêkirin	Rewşa Kurdan+ Avakirina Komarê
Avdar	Koçgirî+ Komeleya Azadiyê	Şêx Seîd + Agiriyê	Dêrsimê+ Şerê Cîhanê Yê Duyem	Rojhilatê Kurdistanê
Cotan	Komara Mehabad	Başûrê Krdistanê	Netewperestiya Baas	Rojavayê Kurdistanê
Gulan	Tevgera Azadiya Gelê Kurd	Lêvege		